


# ԴՐՕՇԱԿ

ISSN 2579-2954



Հայ Յեղափոխական Դաշնակցության պաշտոնաթերթ  
(80-րդ տարի) Թիվ-6 (1712) ————— Հունիս 2026

# Բովանդակություն



«Դրօշակ» ամսաթերթ  
Հայ Յեղափոխական Դաշնակցության  
պաշտոնաթերթ  
Հիմնադիր՝ «ՀՅԴ պատմության թանգարան  
հիմնադրամ»  
Երևան, Միեր Սկրոպյան փ. 12/1  
Հեռ. (+374) 10-52-18-90  
Էլ. հասցե՝ droshak@arf.am  
Կայք՝ <https://www.droshak.am>

Գլխավոր խմբագիր՝ Արտաշես Շահբազյան  
Խմբագրական խորհուրդ



## 1 - Առաջնորդող

Գողացված ընտրություններ, չավարտված գործընթացներ (Էջ 1-4)

## 2 - Քաղաքական

### Անի Մելքոնյան

Հետընտրական գործընթացները Հայաստանում:  
Լռություն փոթորկից առաջ (Էջ 5-6)

### Արամ Շահնազարյան

«Արևմտյան Ադրբեջանի» գաղափարը  
որպես աշխարհաքաղաքական ճնշման և  
համակարգային վերաձևման ռազմավարական  
հայեցակարգ (Էջ 7-9)

## 3 - Հասարակություն

### Մանվել Սկրոպյան

Քաոս, որի վերջին հանգրվանը  
ինքնառնչացումն է (Էջ 10-12)

### Անժելա Հարությունյան

Ազգի երազանքը և պատմական հիշողությունը.  
գոյության հրամայականը (Էջ 13-15)

## 4 - Պատմության լուսարձակ

### Տարոն Վլադիկի Հակոբյան

Միացումից անկախացում:  
Ներքաղաքական խմորումները Լեռնային  
Ղարաբաղի (Արցախի) Հանրապետությունում  
(1992-1993 թթ.) (Էջ 16-19)

## 5 - Հայ Դատ

### Մարի Հովհաննիսյան

«Օղակ» գործողություն. արցախահայության  
բռնի տեղահանում և պետական  
ահաբեկչություն (Էջ 20-24)

### Մարիամ Հովսեփյան

Տարագիրների հանդեպ քաղաքականությունը  
Հայաստանի Առաջին հանրապետությունում  
(ըստ Կ.Պոլսի «Ճակատամարտ» օրաթերթի  
հրատարակումների) (Էջ 25-31)

## 6 - Դեմքեր և դեպքեր

### Էլիզ Հասըրճեան-Շարապիանեան

«Արձագանգ»ի Էջերից (Էջ 32-37)

### Սուսու Ծիրանի (Հերկելեան)

Սոս Սարգսեան. պատգամախօսը... (Էջ 38-40)

## 7 - Ընթերցումներ

### Նարինե Հովհաննիսյան

Ճանապարհ դեպի հավերժություն  
(Դավիթ Գասպարյան, «Եղիշե Չարենցի  
գրական-քաղաքական աղերսները»  
մենագրությունը) (Էջ 41-43)

## 8 - Ընկերական զրույցներ

### Վրեժ-Արմեն

«Աստուած իմ, գոհարեղէնս» (Էջ 44)

## Գողացված ընտրություններ, չավարտված գործընթացներ

Հայաստանի 2026 թվականի խորհրդարանական ընտրությունները շատերն էին բնորոշում որպես, երկրի ապագայի համար ճակատագրական: Իշխող ՔՊ-ն մարմնավորող Նիկոլ Փաշինյանի համար նույնպես գործընթացը ճակատագրական էր, բայց ոչ թե ժողովրդի ու պետության հեռանկարի, այլ իր անձի համար: Բոլորին ակնհայտ էր, որ իշխանության ընձեռած անպատժելիության իմունիտետը կորցնելու պարագայում Նիկոլ Փաշինյանն անխուսափելիորեն հայտնվելու է պատասխանատվության առջև, Արցախի, Հայաստանի և հայության դեմ կատարած իր բազում հանցագործությունների համար: Այդ իսկ պատճառով շատերը նաև կանխատեսում էին, որ օրինական ընտրությունների ճանապարհով Նիկոլը երբեք չի զիջի իշխանությունը: Երբ բուն ընտրությունների նախօրյակին ՔՊ-ի արբանյակ «Հանրապետություն» կուսակցությունը Կենտրոնական ընտրական հանձնաժողովին հայց ներկայացրեց «Ուժեղ Հայաստան» դաշինքին գրանցումից զրկելու կամ այդ հարցով դատարան դիմելու խնդրով, հանրությանը թվաց, թե դա հենց այն միջոցն է, որով Նիկոլ Փաշինյանի իշխանությունը պետք է անօրինականորեն կանխի գալիք ընտրությունների արդյունքում ընդդիմության հաղթանակի հնարավորությունը: Նշենք նաև, որ Արամ Մարգարյանի գլխավորած կուսակցությունը տվյալ հայցը ներկայացրեց այն բանից հետո, երբ դրանից ընդամենը մի քանի ժամ առաջ, հեռուստաբանավեճի ժամանակ, վարչապետ Փաշինյանը հրապարակավ հորդորել էր գնալու այդ քայլին: Բարձր վարկանիշն ունեցող ընդդիմադիր ուժին մրցապայքարից դուրս դնելու համար հիմքերը, սակայն, այնքան զրոյական էին, որ իշխանությանն ամբողջովին ենթակա ԿԸՀ-ն մերժեց «Հանրապետության» այդ պահանջը: Որ տվյալ որոշումը կայացվել էր ԿԸՀ-ի համապատասխան նիստից առաջ, ակնհայտ էր թեկուզ այն գրավոր ծավալուն եզրակացությունից, որը հաստատ չէր կարող գրվել որոշման կայացման համար հայտարարված կեսժամյա ընդմիջման ժամանակ: Եթե ընտրության արդյունքներն աղավաղելու կամ փոփոխելու սադրիչ ջանքերը ծրագրվեին պարտված ընտրություններին հաջորդող օրերի համար, սա ևս կդիտվեր ոչ հիմնավոր, և Նիկոլ Փաշինյանն այդ բանն արեց ուղղակիորեն ընտրությունների արդյունքները հաշվելու գիշերը, երբ ընտրական տեղամասերում հաշվել էին քվեարկությունների արդյունքների 10 տոկոսից քիչ ավելին: Նիկոլ Փաշինյանը հրապարակավ պարտադրեց իր «հաղթանակը», այդպիսով կանխելով հնարավոր անցանկալի զարգացումները և փրկարար փոփոխությունների հարցում հանրության ու քաղաքական ուժերի սպասումները: Այս ելույթից



հետո դադարեցվեցին ուղիղ եթերով արդյունքների հաշվարկի ցուցադրումը և դրան զուգահեռ ընդհանուր արդյունքների փոփոխվող պատկերի հրապարակումները: Ժողովուրդը համզվեց նաև, որ Եվրամիության առաջնորդների հրապարակային ու գործնական պաշտպանությունից հետո Նիկոլ Փաշինյանը չի խորշում ընտրական գործընթացում դիմելու ամենաաղաղակող ու հանցավոր քայլերի:

Հայաստանը փոքր երկիր է, և տեղի ունեցող գործընթացները տեսանելի ու լսելի են ոչ միայն Նիկոլին ծառայող Ազգային անվտանգության ծառայության, այլ պետական ծառայությունների ու մարմինների, այլև հանրության համար: Մինչ այդ ժողովրդի շրջանում շրջանառվում էին գանազան ընտրախախտումների, այդ թվում՝ ՔՊ-ի շտաբների կողմից ընտրակաշառքի բաժանման, ինչպես նաև ընտրության օրը տեղական իշխանությունների կողմից օգնությունների կամ այլ անվանումների ներքո գումարների բաժանման մասին խոսակցություններ: Այն փաստերը, որոնք այս հոդվածը գրելու պահին ընդդիմությունը ներկայացնում է Սահմանադրական դատարանում, կարծում ենք, բավարար են տեղի ունեցած ընտրությունների արդյունքներն ամբողջությամբ չեղարկելու և նոր ընտրություններ նշանակելու համար:

Ավելին, եթե նույնիսկ նկատի ունենանք պաշտոնական նախընտրական քարոզարշավից շատ առաջ ՔՊ առաջնորդի հրապարակայնորեն նախաձեռնած մի շարք նախընտրական գործընթացները, սպա կասկած չպետք է մնա, որ օրենքի գերակայությամբ առաջնորդվող ցանկացած երկրում նման գործողությունները և դրանց հետևանքով ստացված արդյունքները չէին կարող օրինական համարվել:

Չէին կարող յուրատեսակ ընտրակաշառք չորակվել ընտրությունների անմիջապես նախօրյակին պարտադիր զինվորական ծառայության կրճատումը մեկ քառորդով, կենսաթոշակների բարձրացումն ու



կենսաթոշակատուների համար պարտադիր բժշկական ապահովագրության հաստատումը: Չէին կարող խնդիր չառաջացնել ՔՊ-ի այն հսկայական նախընտրական ծախսերը, որոնց մեծ մասն իրականացվել էր պետական բյուջեից: Ընդ որում, ինչպես իրավաբանները փաստեցին Սահմանադրական դատարանում, պետությունը կատարված խոշոր ծախսերը հիմնականում ձևակերպվել են ակնհայտ ցածր գներով: Ի դեպ, անհայտ մնաց նաև, թե ինչի վրա է ծախսվել այն 12 մլն եվրո գումարը, որը Եվրոպական միությունը Հայաստանին հատկացրել էր ընտրություններին ընդառաջ, այսպես կոչված, հիբրիդային սպառնալիքներին դիմակայելու, կիբերանվտանգությունը բարձրացնելու և ապատեղեկատվության դեմ պայքարելու նպատակով: Եվ սա, իհարկե, միակ նախաձեռնությունը չէր, որով Հայաստանի իշխանությունն ու Եվրոպայի այսօրվա ղեկավարությունը ձեռք-ձեռքի տված իրականացրին ընդդեմ գործող իշխանությանը մերժող Հայաստանի ժողովրդի, ազգային քաղաքական դաշտի և իրենց համար գերակա հոչակված օրինականության ու ժողովրդավարական արժեքների: Զանազան «մասնագիտական» աջակցությունների կողքին առավել ակնառուն Ռուսաստանից բխող, այսպես կոչված, «հիբրիդային» սպառնալիքների մասին հորինված հիստերիկան էր, այն պարագայում, երբ եվրոպացի առաջնորդների աջակցությունը դրածո իշխանություններին դրսևորվում էր բացահայտ, պաշտոնապես՝ նյութական և քարոզչական-քաղաքական աջակցության ձևով: Բավական է ասել, որ Մոլդովայի, Ռումինիայի և այլ երկրների օրինակով ողջ ընտրապայքարն անցավ Հայաստանի ազգային ուժերին և անգամ Հայ Առաքելական Սուրբ եկեղեցուն «ռուսական ազենտներ» որակելու զրպարտչական ու հիստերիկ մթնոլորտում:

Ինչ վերաբերում է քաղաքական-քարոզչական բնագավառին, ապա Նիկոլ Փաշինյանի և իր կառավարած թիմի գլխավոր զենքերը մնում են կեղծիքը, սուտն ու զրպարտանքը: Գլխավոր սուտը, իհարկե, «վերջնական խաղաղության» հաստատման մասին կեղծիքն է, այն պարագայում, երբ համապատասխան

փաստաթուղթ ստորագրելու համար Ադրբեջանը շարունակում է Հայաստանին պարտադրել նորանոր պահանջներ: Այդ պահանջները կրկին ուժգնորեն սկսեցին հնչել անմիջապես ընտրություններից հետո, մասնավորապես և 300.000 ադրբեջանցիների «Արևմտյան Ադրբեջան վերադառնալու» պայմանը: Նախընտրական շրջանում ինչպես և դրանից հետո Հայաստանի իշխանությունը կոպիտ հակադարձում է ներքաղաքական լսարանին հայտարարելով, թե նման հարց գոյություն չունի, բայց ինչ-ինչ պատճառներով չի համարձակվում որևէ կերպ հակադարձել Ադրբեջանի այդ և ակնհայտ զավթողական հավակնություններին: Նման պարագայում, ցանկացած երկրի կառավարություն ամենակոշտ կերպով կպատասխաներ իր նկատմամբ թշնամական ծրագրեր գնենրացնող հարևանին, այնինչ Հայաստանի իշխանությունը խուլ ու համրի կամ անմեղսունակի նման ձև է անում, թե չի լսում, չի հասկանում ասվածը և մի ողջ ժողովրդի հիմարի տեղ դրած շարունակում է կրկնել խաղաղության մասին սուտը: Ավելացնենք, որ նախընտրական զենք որպես գործածվող այս կեղծիքին զուգահեռաբար բորբոքվում էր այն սուտը, թե իշխանավորության դեպքում Հայաստանի դեմ պատերազմ է սկսվելու: Նմանը չունեցող Հայաստանի ղեկավարը նույնիսկ այդ պատերազմի ժամկետն էր նշում, կարծես թշնամի երկրի գլխավոր շտաբում մասնակցել էր այդ պատերազմի ծրագրման աշխատանքներին:

Պետք է նշել, որ վախի գործոնն ի սկզբանե եղել և մնում է Հայաստանի իշխանության գլխավոր զենքերից մեկը սեփական ժողովրդին հյու-հնազանդ պահելու, քաղաքական-հասարակական գործընթացներից օտարելու և սեփական ճակատագրի նկատմամբ անտարբերության մղելու համար: Պետք է ընդունել, որ խաղաղության ու պատերազմի այս անբարո, որևէ իշխանությանն անհարիր խոսույթը բավականին ազդեցություն ունեցավ հասարակական տարբեր շերտերի, հատկապես սահմանային ու հեռավոր բնակավայրերի բնակիչների վրա:

Սպառնալիքների զինանոցին մաս էին կազմում հիմնական ընդդիմադիր ուժերի առաջնորդների, աչքի ընկնող դեմքերի, շտաբների ներկայացուցիչների հետապնդումներն ու ձերբակալությունները, որոնք շարունակվեցին ընդհուպ ընտրության օրը: Նման բան անհնար կլինեք պատկերացնել նույնիսկ ստալինյան կամ հիտլերյան ռեժիմների պայմաններում: Չմոռանալով, որ ընտրության նախօրյակին իշխանությունը մեկուսացրել էր մի շարք ընդդիմադիր ղեկավարների ու գործիչների, որոնք լուրջ ազդեցություն ունեն հանրության լայն շրջանակներում: Բավական կլինեք նշել միայն, որ միանգամայն անհիմն մեղադրանքով ի սկզբանե նախընտրական գործընթացից մեկուսացվեց ամենամեծ քվեի հավակնող ընդդիմադիր ուժի առաջնորդ և վարչապետի թեկնածու Սամվել Կարապետյանը: Գործընթացներից մեկուսացվածների թվում էին մեծ հեղինակություն վայելող Բագրատ Գալստանյան, Միքայել Աջապահ-

յան, Մկրտիչ Պոռոյան թեմակալ առաջնորդներն ու այլ հոգևոր հայրեր, Գյումրի և Մասիս քաղաքների հաղթած ընդդիմադիր քաղաքապետները, հեղինակություն վայելող և ընտրություններում լուրջ դերակատար Անդրանիկ Թևոնյանը, Արթուր Մարգարյանը, Աշոտ Մինասյանը (Երկաթ) և ուրիշ գործիչներ: Անհաջողության հեռանկարից գազազած՝ երկրի ղեկավարը տեղում պատիժներ էր թելադրում իր հետ բանավիճել համարձակվող քաղաքացիների նկատմամբ: Նման խելագարությունների վրա նույնիսկ Ստալինն ու Հիտլերը կգարմանային: Կարելի է պատկերացնել, որ աշխարհի որևէ օրինագանց առաջնորդ ընտրապայքարի ժամանակ կարող էր հրապարակավ սպառնալ, թե կբանտարկի, կսպանի իր հիմնական մրցակիցներին: Եվ այսօր էլ, երբ դեռ Սահմանադրական դատարանում վիճարկվում են ընտրությունների արդյունքները, շարունակվում է հիմնական ընդդիմադիր ուժերից մեկի առաջնորդ Գագիկ Ծատուկյանի նկատմամբ հալածանքը, ումից օրը ցերեկով բացահայտորեն խլվեց ընտրություններում կուսակցության ձեռք բերած հաղթանակը: Ցավոք, անվերահսկելի բռնապետի վերածված Հայաստանի այսօրվա ղեկավարի անօրինականությունները հնարավոր են դարձել եվրոպացի առաջնորդների քաղաքական հովանավորության հետևանքով:

Նախընտրական գործընթացներում դրսևորված իշխանության չարաշահման աղաղակող երևույթ էր վարչական ռեսուրսի լայն կիրառումը: Վերևից ներքև ողջ պետական համակարգին հրահանգված էր ծառայել իշխող ուժի նախընտրական աշխատանքներին և վերջինիս հաղթանակի ապահովմանը: Տարփոդելով կրթական հաստատությունները քաղաքական գործընթացներից հեռու պահելու պահանջը՝ Նիկոլ Փաշինյանի ժողովրդային հանդիպումների «ընտրագանգվածը» ապահովվում էր հիմնականում ուսուցիչներին անգաման չափահաս աշակերտության հաշվին: Ղեկավարության խիստ վերահսկողությամբ այդ միջոցառումներին պարտադրաբար մասնակցում էին նաև պետական համակարգերում ծառայողներն ու պարզ աշխատողները, իսկ նրանց չներկայանալու, կամ ընտրողների ցուցակներ չներկայացնելու պարագայում հրահանգված էր վերջիններիս և նրանց հարազատներին հեռացնել աշխատանքից: Ի դեպ, վրեժխնդրության այս գործընթացը շարունակվում է նաև հետընտրական շրջանում: Ակնհայտորեն Նիկոլ Փաշինյանը մտահոգ է հեռավոր կամ մոտալուտ ապագայի անորոշ հեռանկարներով:

Մենք տեսնում ենք, որ իշխանությունը բռնագավթած Նիկոլ Փաշինյանի հետընտրական ջղաճիգ վարքը շատ չի տարբերվում նախընտրական վարքագծից: Այս երևույթի պատճառները ևս ակնհայտ են՝ նախ և առաջ բոլոր կեղծարարություններով ու խախտումներով հանդերձ, Փաշինյանը չի կարողացել ապահովել 50+1 տոկոսի արդյունք: Եվրոպացի դիտորդները, նրա «հաղթանակը» ճանաչելով հանդերձ, նշել են բազմաթիվ թերություններ ու ընտրախախտումներ, իսկ Ռուսաստանն ու Չինաստա-



նր փաստացի դեռևս չեն ճանաչել այդ Պյոտոյան հաղթանակը: Որքան էլ որ Փաշինյանի համար կարևորն արտաքին հովանավորների կարծիքն է, նա չի կարող հաշվի չստել այն փաստերի հետ, որ հայ ժողովրդի մեծամասնությունը մերժում է իրեն և ընտրության հրամցված արդյունքը համարում է կեղծված: 8 տարի Փաշինյանը երկրի ներսում ու երկրից դուրս իր քաղաքական դրամագլուխն էր դարձրել ժողովրդի բացարձակ աջակցության միջոց, իսկ այժմ նա ներկայանում է որպես անօրինականորեն իշխանության տիրացած, քաղաքական-քաղաքական առումներով խոցելի, իրավական հնարավորությունների իմաստով թույլ ղեկավար: Որքան էլ որ վերարտադրված ղեկավարը ձևացնի, թե հաղթահարել է ընտրության փորձությունը և կրկին ներգրավվել ընթացիկ աշխատանքների մեջ, նա չի կարող ծանր հարված չդիտել միանգամից յոթ կուսակցությունների կողմից ընտրությունների անօրինական ճանաչումն ու դրանց չեղարկման պահանջը Սահմանադրական դատարանից: Անգամ թեթևամտորեն ժամանակից շուտ իրենց հովանավորչայններին շնորհավորած եվրոպացի ղեկավարները չեն կարող համապատասխան հետևություններ չանել այս իրողությունից. այս գործելակերպով նրանք իրենք էլ այսօր մաշեցնում են իրենց հեղինակությունը սեփական ժողովուրդների աչքերում:

Ընտրություններում վերարտադրվելը գերնպատակ դարձրած Փաշինյանը այդ նպատակին պատրաստ էր գոհաբերել ամեն ինչ: Արևմուտքն ու թուրքադրբեջանական դաշինքը նրան պարտադրեցին հստակ ցուցադրել իր հակառուսական կողմնորոշումը և ստանձնել երկրի համար կործանարար մի շարք պարտավորություններ: Իր համար ոչ ուրիշ քաղաքական կացության պայմաններում Նիկոլը, ըստ էության, հաստատեց, որ դուրս է բերելու երկիրը ԵԱՏՄ-ից ու ՀԱՊԿ-ից, ՀԷՑ-ից հեռու, Ռուսաստանի հետ եղած բոլոր կապերից հրաժարվելու նպատակով, վերջինիցս վերցնելու է Հարավկովկասյան երկաթուղու կառավարման իրավունքը, նախընտրական հանդիպումների ժամանակ նա ակնարկեց նաև



Ատոմակայանի հարցում Ռուսաստանի հետ եղած կապերը խզելու մասին: Հայաստանի համար լուրջ փորձություն է լինելու ռուսական գազից հրաժարվելու կամ այն ավելի քան եռակի անգամ բարձրացված գնով գնելու հետևանքները:

Ի պատասխան հակառուսական արշավին Հայաստանի միասնալու՝ ռուսական շուկայի փակվելը և որոշ այլ սահմանափակումներ կարճ ժամանակ անց ի ցույց կդնեն պարզ աշխատավորներին պատուհասած ծանր հետևանքները:

Քայլերը, որոնց հետևանքները Հայաստանի տնտեսության ու ժողովրդի համար դժվար հաղթահարելի են լինելու, բացարձակապես չեն հուզում Արևմուտքին, որը, հակառուսականության տենդով մթագնած ձգտում է Ռուսաստանի դուրս մղմանը Հարավային Կովկասից, շատ էլ չնտահոգվելով, որ այս գործում կրակից շագանակներ հանող Հայաստանը կարող է այրել և մատները, և ողջ մարմինը:

Քննությունների արդյունքը դեռևս չամրապնդած Փաշինյանից Ադրբեյջանն ու Թուրքիան պահանջում են առանց հապաղելու կատարել ստանձնած բոլոր պարտավորությունները՝ 300.000 ադրբեյջանցիների տեղավորում Հայաստանում, անկլավներից հրաժարում, ԹԲԻՓ-ի գործարկում, Սահմանադրության փոփոխություն, Մայր եկեղեցու հետ հաշվեհարդար և այլն:

Քննարկական առաջին շաբաթներին Փաշինյանին դեռևս հաջողվում է հանգստացնել ու խաբել ժողովրդին՝ իր վարած արտաքին քաղաքականության հետևանքով ծառայած մարտահրավերների հարցում, սակայն կարճ ժամանակ անց դրանք ջրի երես են դուրս գալու, դժգոհության տրամադրություններով վարակելով անգամ իր նկատմամբ աղանդավորական համակրանք ունեցողներին: Փաշինյանը հասկանում է, որ իր բոլոր ցանկությունները հյու կենդանու պես կատարող ուժային ու արդարադատության համակարգերի պատրաստակամության

պայմաններում անգամ դժվար է լինելու վարկից զուրկ, թույլ ու սահմանափակ իշխանությունը պահելը, մանավանդ, երբ երկրի առջև ցցված են տարերային կամ կազմակերպված ըմբոստացումների ներքոժ պարունակող հիմնահարցեր: Այդ իսկ պատճառով նկարված ընտրություններն անգամ նրան հոգեկան հանգստություն չեն բերում՝ շարունակվում են ընդդիմության նկատմամբ հալածանքներն ու ձերբակալությունները: Հապշտապ կերպով հին խորհրդարանի կազմով վարչապետ կոչվածը դեռևս փորձում է իր կառավարման և գալիք ընտրությունների համար իր վրայով հարմար օրենքներ կարել: Նա ձգտում է գլխատել ընդդիմադիր ուժերին, որպեսզի հավանական նոր ըմբոստացումների ժամանակ ժողովուրդը զրկված լինի կարող և հեղինակություն վայելող առաջնորդներից: Ութը տարի անընդհատ ժողովրդին սեր բացատրվող ղեկավարը միանգամից կաշառակեր հայտարարեց արձանագրված կես միլիոնից ավելի մարդկանց, որոնք ձայն էին տվել ընդդիմությանը: Փաշինյանը մեծ ցնցում ապրեց նախընտրական շրջանում հանկարծ հասկանալով, որ ժողովուրդը ոչ միայն զգվում է իրենից, այլև հաղթահարել է վախի զգացողությունը: Փաստացի այսօր նրա դիմաց մի հասարակություն է, որը չի ցանկանում տեսնել իրեն, և նման պայմաններում ոչ մի հանճարեղ դիկտատորի համար հեշտ չէ երկար ժամանակով կայուն պահել գողացված աթոռը: Մյուս կողմից, հիմնական ընդդիմադիր ուժերը կպահպանեն ձեռքբերած վարկը, եթե իսկապես կազմեն միասնական ճակատ, անկախ խորհրդարան մտնել-չմտնելու հարցից կզենեացնեն ժողովրդական դժգոհությունը և կսկսեն երկարատև համաժողովրդական պայքար: Ինչպես ֆիզիկայի հայտնի օրենքն է հաստատում, բնության մեջ էներգիան չի կորչում, այլ մի ձևից փոխակերպվում է մեկ այլ ձևի:

Սա հասկանում է Նիկոլը, վստահ ենք հասկանում են նաև ազգային ուժերի այսօրվա առաջնորդները: ■

## Հետընտրական գործընթացները Հայաստանում: Լուրջություն փոթորկից առաջ

Անի Մելքոնյան  
Պատմաբան

Հունիսի 7-ին Հայաստանում տեղի ունեցան հերթական խորհրդարանական ընտրությունները, որոնց լեգիտիմությունը՝ մեղմ ասած, կասկածի տակ է:

Նախ՝ ձայների հաշվարկը դեռ չավարտված, Փաշինյանը հայտարարեց իր հաղթանակի մասին, ինչը լեգիտիմության տեսանկյունից շատ կասկածելի է, քանի որ «Նիկոլ Փաշինյանի հայտարարության պահին տեղամասերում դեռ ձայների հաշվարկը ավարտված չի եղել՝ կամ ավարտվել է Փաշինյանի ասուլիսին զուգահեռ կամ առանձին դեպքերում ավարտվել է ասուլիսից 1-2.5 ժամ անց»:<sup>1</sup> Սա նշանակում է, որ վարչապետի աթոռը զբաղեցնող անձը հստակ հրահանգ է իջեցրել ԿԸՀ-ին ընտրությունների արդյունքների վերաբերյալ:

Հունիսի 8-ին ԲՀԿ-ն դիմեց ձայների վերահաշվարկի պահանջով, քանի որ «Կենտրոնական ընտրական հանձնաժողովի կայքում քվեարկության արդյունքների հրապարակման օնլայն համակարգով «Բարգավաճ Հայաստան» կուսակցության հավաքած ձայները 4 տոկոս էին, ինչն անցողիկ շեմ է, սակայն ավելի ուշ ԿԸՀ նախագահ Վահագն Հովակիմյանի ներկայացրած տվյալներից պարզ է դառնում, որ ԲՀԿ-ի ձայները 3.996 տոկոս են, հետևաբար, այս պահի դրությամբ չի հաղթահարում անցողիկ շեմը»,<sup>2</sup> ակնհայտ էր, որ արհեստականորեն ԲՀԿ-ին զրկում էին իր քվեներից, ինչի իրավական ձևակերպումը տվեց ԿԸՀ-ն հունիսի 12-ին հայտարարելով, որ «խորհրդարան կանցնի 3 ուժ, ԲՀԿ-ն չի հաղթահարել անցողիկ շեմը»:<sup>3</sup>

Այն, որ ընտրությունները կեղծվել են, որ տարատեսակ չարաշահումներով, կեղծիքներով ու վարչական ռեսուրսի կիրառմամբ Փաշինյանը կարողացավ հավաքել ձայների ընդամենը 49%-ից մի փոքր ավելին, ակնհայտ է, ուստի դրա վրա կանգ չենք առնելու, կփորձենք խոսել հետընտրական հնարավոր գարգացումներից:

Ընտրություններին հաջորդող օրվանից արդեն ակնհայտ էր, որ Փաշինյանի «այրուռայան հաղթանակից» հետո, ընտրողների մի սովոր գանգվածի մոտ իշխում է այն մտայնությունը, թե հավաքական ընդդիմությունը չպետք է վերցնի մանդատները, իսկ մյուս հատվածը պնդում է հակառակը, որ պետք է վերցնի:

Իրականությունն այն է, սակայն, որ թե՛ Փաշինյանը, որպես 50+1% չհավաքած, լեգիտիմության լուրջ խնդիր ունեցող ու Ալիևի պահանջները կատարելու համար բավարար քանակությամբ պատգամավորներ չունեցող՝ փոքրամասնության վարչապետ, և թե՛ հայաստանյան ընդդիմությունը հայտնվել են



պատային իրավիճակի առաջ, որովհետև՝ եթե հիմա ընդդիմությունը վերցնի մանդատները ու գնա ԱԺ, դա շատերի համար կընկալվի, որպես «ընտրությունների լեգիտիմացում» ու ընդդիմադիր քաղաքացիների շարքում լուրջ հիասթափություն առաջ կբերի: Մանդատները չվերցնելու դեպքում, սակայն, կարող է առաջանալ մի իրավիճակ, երբ Փաշինյանի հանցավոր հակահայ քաղաքականության հետևանքով սովի ու սնանկացման եզրին հասած ժողովուրդն ինքսարույն կողողի փողոցները, իսկ խորհրդարանում ընդդիմության բացակայությունը լուրջ խնդիրներ կառաջացնի իշխանության փոխանցման հարցում:

Ինչևէ, լիահույս ենք, որ մեր երկու առաջատար ընդդիմադիր ուժերը հաշվարկել են բոլոր հնարավոր սցենարները և կկայացնեն լուրջ ու կշռադատված որոշում:

Հետընտրական հաջորդ սցենարը կարող է լինել փողոցային պայքարը, ինչն այս պահին կարծես թե չի նշմարվում, նաև հասարակության շրջանում առկա որոշակի հիասթափությամբ պայմանավորված: Գուցե նաև այդ հարցում ընդդիմության մի մասին որոշակիորեն կաշկանդեց Նիկոլ Փաշինյանի հայտարարությունը՝ «ով համաձայն չէ՝ հենց այսօրվանից դուրս եկեք փողոց»:<sup>4</sup> Ըստ նրանց, ժողովրդին փողոց դուրս բերելը կարող էր ընկալվել, որպես ընդդիմության կողմից փաշինյանական օրակարգի սպասարկում և երկրորդ, հավանաբար մտավախություն կար, որ Փաշինյան-Ալիև պայմանավորվածություն կարող է



լինել սաղրանքներով քաղաքացիական բախումներ հրահրելու ու Հայաստանի ներքաղաքական կյանքը տակնուվրա անելու հարցում:

Ինչևէ, այս փուլում կարծես թե փողոցային պայքարի հեռանկար չի նշմարվում, հատկապես, որ ընդդիմադիր խոշոր ուժերը դեռ ՄԴ-ում վիճարկում են ընտրությունների արդյունքները:

Իհարկե իշխանափոխության բազմաթիվ տարբերակներ կան, բացի ընտրություններից ու փողոցային պայքարից, որոնց մասին իհարկե մեր խոշոր ընդդիմադիր ուժերը գիտեն՝ հետևաբար պարտավոր են ունենալ նաև պլան Բ, պլան Գ ու Դ, հատկապես, որ վստահ ենք, շատ լավ հասկանում են, թե ինչ ողբերգական հետևանքներ կարող է ունենալ Փաշինյանի հետագա կառավարումը Հայաստանի համար, և խոսքը միայն տնտեսական սարսափագրու վնասների մասին չէ, որոնք հավանաբար կրելու է ՀՀ-ն ռուսական պատժամիջոցների ու հայ-ռուսական հարաբերությունների վատթարացման հետևանքով:

Հայաստանի գլխին, դամոկլյան սրի պես կախված է 300.000 աղքատացիների վերաբնակեցման վտանգը, որի մասին պաշտոնապես խոսում են Աղբրեջանում «Արևմտյան աղքատացիների՝ հայրենի բնակավայրեր վերադարձի հարցը» դիտարկելով որպես Աղբրեջանի և Հայաստանի միջև խաղաղության գործընթացի շրջանակում քննարկվող գլխավոր թեմաներից մեկը...:

«Հայաստանի ղեկավարությունը պետք է հաշվի առնի տարածաշրջանում ձևավորված նոր իրողությունները»,<sup>5</sup>- հայտարարել է «Արևմտյան Աղբրեջանի համայնքի» նախագահ Ազիզ Ալեքքերյիսն՝ «Վերադարձ Արևմտյան Աղբրեջան. պատմական արդարության և մարդու իրավունքների վերականգնում» խորագրով միջոցառման ժամանակ: Հայաստանից, իհարկե պատասխան չի հնչել՝ արցախցիների վերադարձի իրավունքը շարունակաբար ժխտող իշխանության կողմից:

Իսկ աղբրեջանցիների վերաբնակեցումը Հայաստանում, կնշանակի նաև ընտրական իրավունքի իրացում, թուրքական խմբակցություն ԱԺ-ում, ՏԻՄ-երում թուրք ավագանիների ու համայնքի ղեկավարների, թուրք բնակչության «իրավունքների պաշտպա-

նության» համար թուրքական ոստիկանության ու զինուժի առկայություն, ինչը կամ կհանգեցնի հայ-թուրքական անդադար բախումների կամ Հայաստանի Հանրապետության լուծարման ու Հայաստանի թուրքացման: Մա Հայաստանի քաղաքական դաշտի խոշոր խաղացողները շատ լավ են հասկանում, և հուսով ենք ունեն՝ արագ ու անցնցում ճանապարհով Հայաստանի թուրքահպատակ իշխանությանը հեռացնելու արդյունավետ տարբերակ, եթե ոչ, ապա այդ տարբերակը պետք է հնարավորինս արագ գտնել, կամ խորհրդակցել հասարակության առավել գիտակից զանգվածների հետ ու մշակել փողոցային պայքարի ճանապարհով իշխանափոխության հասնելու առավել արագ և արդյունավետ ճանապարհը, որովհետև, ինչպես ցույց են տվել ՀՀ պատմության վերջին 30 տարիները՝ Հայաստանում դժվար է իշխանություն փոխելը ընտրությունների ճանապարհով, փողոցային պայքարի ճանապարհով էլ գերագույն բարդ խնդիր է, եթե իհարկե այդ իշխանությունը, 2018-ի իշխանության նման, տրամադրված չէ օրերի ընթացքում հեշտությամբ հանձնելու իշխանությունը:

Ամեն դեպքում, Հայաստանի Հանրապետության ժողովուրդն ու ընդդիմադիր քաղաքական ուժերն ունեն մեկ տարուց էլ քիչ ժամանակ դեպի անդունդ պացքը կասեցնելու և Հայաստանի Հանրապետության լուծարումը կանխելու համար, հապաղելը, ուշացումը կամ նախկին սխալների անդադար կրկնումը կարող են Հայաստանի համար ողբերգական 2027-ի արժանանալ, հետևաբար պետք է գործել արագ և հնարավորինս արդյունավետ, քանի դեռ հավանականություն կա կանխելու անդառնալի և ճակատագրական կորուստները: ■

### Ծանոթագրություններ

- <https://www.yerkir.am/hy/article/2026/06/10/313345>
- <https://armenpress.am/hy/article/1252424>
- <https://yerkir.am/hy/article/2026/06/14/313581>
- <https://www.panorama.am/am/news/2026/06/17/%D5%86%D5%AB%D5%AF%D5%B8%D5%AC-%D5%93%D5%A1%D5%B7%D5%AB%D5%B6%D5%B5%D5%A1%D5%B6/3162030>
- <https://www.aravot.am/2026/06/24/1565321/>

## «Արևմտյան Ադրբեջանի» գաղափարը որպես աշխարհաքաղաքական ճնշման և համակարգային վերաձևման ռազմավարական հայեցակարգ

Արամ Շահնագարյան  
Քաղաքական վերլուծաբան

Հայաստանի և հայ ժողովրդի առջև ծառայած մարտահրավերների շարքում, վերջին տարիներին, առանձնահատուկ տեղ է զբաղեցնում, այսպես կոչված, «Արևմտյան Ադրբեջանի» թեման: Եթե ընդամենը մի քանի տարի առաջ այն կարող էր ընկալվել որպես ադրբեջանական քարոզչամեթոդային հերթական ծայրահեղական և մարգինալ նախաձեռնություն, ապա այսօր արդեն կասկածից վեր է, որ գործ ունենք պետական մակարդակով ձևավորված, համակարգված և երկարաժամկետ իրականացվող ռազմավարության հետ, որի ռազմավարական խորությունն ու քաղաքական նշանակությունը վաղուց արդեն դուրս են քարոզչության սահմաններից: Խոսքն այլևս քարոզչական հերթական նախաձեռնության մասին չէ, այլ պետական դոկտրինի մակարդակի մշակված ծրագրի, որի վերջնական պատակը Հայաստանի Հանրապետության նկատմամբ աշխարհաքաղաքական և հոգեբանական ճնշման համակարգային ամրագրումն է:

«Արևմտյան Ադրբեջան» եզրն այսօր փաստացի վերածվել է թուրք-ադրբեջանական դաշինքի ռեզոնանսային հենասյան, որի միջոցով փորձ է արվում ոչ միայն վերաձևել տարածաշրջանի աշխարհաքաղաքական հավասարումների քարտեզը, այլև հարվածել հայկական պետականության գոյաբանական հիմքերին: Այս առումով, գործ ունենք պետական մակարդակով մշակվող և հետևողականորեն իրականացվող քաղաքական նախագծի հետ, որի նպատակն է կազմաքանդել հայկական պետականության գաղափարական հենքերը, իմաստագրել նրա ինքնիշխանության բովանդակությունը և կասկածի տակ դնել հայ ժողովրդի՝ սեփական հայրենիքում պետականորեն կազմակերպված գոյության պատմական ու քաղաքական իրավաչափությունը:

Այս տեսանկյունից «Արևմտյան Ադրբեջանի» հայեցակարգը չի կարող դիտարկվել լոկ որպես ադրբեջանական քաղաքականության առանձին դրսևորում: Այն վերածվել է տարածաշրջանի աշխարհաքաղաքական քարտեզի վերաձևման ռազմավարության բաղկացուցիչ մասի, որը մշակվում և առաջ է մղվում թուրք-ադրբեջանական սերտ ռազմավարական համագործակցության շրջանակներում: Այս ռազմավարության տեսանկյունից Հայաստանը դիտարկվում է ոչ միայն որպես հակառակորդ պետություն, այլև որպես աշխարհագրական, քաղաքական և քաղաքակրթական գործոն, որը խոչընդոտում է Բոսֆորի ավերից մինչև Կենտրոնական Ասիա ձգվող միաս-



նական աշխարհառազմավարական տարածքի ձևավորմանը: Հետևաբար Հայաստանի նկատմամբ իրականացվող ճնշումները չեն բխում միայն երկկողմ հակասություններից կամ հետպատերազմյան իրողություններից: Դրանք բխում են շատ ավելի խորքային և հեռահար աշխարհաքաղաքական հաշվարկներից, որոնցում հայկական պետականության դիմադրող կանության կտրուկ թուլացումը դիտարկվում է որպես ռազմավարական անհրաժեշտություն:

Հենց այս աշխարհաքաղաքական տրամաբանության շրջանակներում էլ «Արևմտյան Ադրբեջանի» գաղափարը ձեռք է բերում առանձնահատուկ ռազմավարական նշանակություն: Եթե նախորդ տասնամյակներում հակահայկական քաղաքականության հիմնական առանցքն Արցախի հարցն էր, ապա այսօր նույն գործառույթն աստիճանաբար փոխանցվում է «Արևմտյան Ադրբեջանի» օրակարգին: Դրա տրամաբանության սահմաններում Հայաստանը ներկայացվում է ոչ թե որպես տարածաշրջանի ինքնիշխան և լիիրավ պետություն, այլ որպես վիճարկելի պատմաքաղաքական տարածք, որի նկատմամբ հնարավոր է ձևակերպել նոր պահանջներ, առաջ քաշել նոր հավակնություններ և ստեղծել մշտական ճնշման նոր գործիքակազմ: Հենց այս հանգամանքն է, որ «Արևմտյան Ադրբեջանի» թեման վերածում է Հայաստանի Հանրապետության անվտանգությանը, ինքնիշխանությանը և երկարաժամկետ պետական



«Վերադարձ Արևմտյան Ադրբեջան» երրորդ փառատոն-համաժողովի գովազդային պաստառը

կենսունակությանը անմիջականորեն սպառնացող մարտահրավերի:

Թեև Հայաստանի գործող իշխանությունները փորձում են հանրությանը ներշնչել, թե «Արևմտյան Ադրբեջանի» թեման և դրա շրջանակում շուրջ 300 հազար ադրբեջանցիների Հայաստան «վերադարձի և վերաբնակեցման» վերաբերյալ մտահոգությունները չեն համապատասխանում իրականությանը և արհեստականորեն ուռճացված քաղաքական թեզեր են, այդուհանդերձ, նման մոտեցումը ոչ միայն իրականությունից կտրված է, այլև դրսևորվում է որպես վտանգավոր քաղաքական ինքնախաբեություն:

Իրականում «Արևմտյան Ադրբեջանի» հայեցակարգի շրջանակներում ձևավորվող՝ ադրբեջանցիների Հայաստան հնարավոր վերադարձի վերաբերյալ քաղաքական և գաղափարական օրակարգերը վաղուց դուրս են եկել Երևանի ներքաղաքական խոսույթի սահմաններից և ձևավորվում են Բաքու-Անկարա առանցքում՝ համակարգային ռազմավարական որոշումների մակարդակով:

Այս իրողության ամենաթաքում և բացահայտ դրսևորումներից մեկը նախօրեին Նախիջևանի Օրդուբադ քաղաքում կազմակերպված «Վերադարձ Արևմտյան Ադրբեջան» երրորդ փառատոն-համաժողովն էր: Այստեղ արդեն խոսքը ոչ թե շարքային միջոցառման, այլ պետական քաղաքականության հրապարակային ցուցադրության մասին է: Երբ այդպիսի միջոցառումը տեղի է ունենում պետական հովանավորությամբ, և երբ կրթության ու գիտության ոլորտի պատասխանատու պաշտոնյան հայտարարում է, որ «Արևմտյան

Ադրբեջանի» թեման ազգային ինքնության կառուցման ռազմավարական առանցք է, ապա հստակ է, որ գործ ունենք ոչ միայն գաղափարական դիրքորոշման, այլև՝ պետական դոկտրինի բացահայտ ձևակերպման հետ:

Նույնքան խոսում է այն փաստը, որ այդ շրջանակներում «Արևելյան Ջանգեզուրի» վերաբնակեցման փորձը ներկայացվում է որպես հաջողված մոդել և ապացույց, որ հետևողական քաղաքականության պայմաններում հնարավոր է իրագործել որևէ ռազմավարական նպատակադրում: Այս ձևակերպումների տրամաբանությունը վկայում է, որ այստեղ գործ ունենք ոչ թե առանձին «հումանիտար» կամ «պատմական հիշողության» գործիքավորման փորձերի հետ, այլ քաղաքական փորձի մոդելավորման գիտակցված մոտեցման հետ, որի միջոցով ստեղծվում է նախադեպային մտածողություն՝ ուղղված հնարավոր ռազմավարական նախագծերի արդարացմանն ու լեգիտիմացմանը:

Այս ամենը թույլ է տալիս արձանագրել, որ քննարկվող գործընթացները դուրս են եկել պատմական նարատիվների պարզ բանաձևման շրջանակներից և տեղափոխվել են ավելի խորքային մակարդակ՝ տարածքային, քաղաքական և երկարաժամկետ ռազմավարական նպատակադրումների տրամաբանության դաշտ, որտեղ ձևավորվում է ծրագրային մտածողություն՝ որպես տարածաշրջանային աշխարհաքաղաքական վերաձևումների գործիքակազմի մաս:

Այս համատեքստում առանձնակի նշանակություն ունի նաև Թուրքիայի քաղաքական վերնախավի հռետորաբանությունը, որը փաստացի ամբողջացնում է թուրք-ադրբեջանական համատեղ ռազմավարական մոտեցումների գաղափարական շրջանակը: Թուրք պաշտոնյաները «Արևմտյան Ադրբեջանի» խնդիրը ներկայացնելով որպես հարյուր հազարավոր մարդկանց «պատմական հայրենիք» վերադարձի իրավունք, փաստում են, որ այստեղ գործ ունենք ոչ թե առանձին քաղաքական գնահատականների, այլ համակարգված խոսույթի ձևակերպման հետ:

Այս ձևակերպումների հիմքում ընկած է քաղաքական լեզվի նպատակային մշակում, ըստ որի «իրավունք», «արդարություն» և «խաղաղություն» հասկացությունները վերածվում են ոչ թե իրավական կամ բարոյական հասկացությունների, այլ՝ քաղաքական պահանջների լեգիտիմացման մեխանիզմների: Այսպիսով ձևավորվում է մի եզրաբանական դաշտ, որի միջոցով հնարավոր է արտաքին աշխարհին ներկայացնել ռազմավարական նպատակադրումները որպես հումանիտար կամ իրավական գործընթացներ՝ քողարկելով դրանց իրական՝ տարածաշրջանի աշխարհաքաղաքական քարտեզի վերաձևման տրամաբանությունը:

Շեռևաբար պետք է ընդգծել, որ «Արևմտյան Ադրբեջանի» գաղափարը չի կարելի դիտարկել որպես առանձին քաղաքական-հասարակական գործիչների կամ ակադեմիական շրջանակների բնույթի հռե-

տորաբանություն, այլ այն երկարաժամկետ և աստիճանաբար ձևավորված պատմաքաղաքական հայեցակարգի արդյունք է՝ փուլային և կուտակային զարգացմամբ, որտեղ այն ծառայում է մեկ գլխավոր նպատակի՝ կասկածի տակ դնել հայկական պետականության պատմական և քաղաքական լեգիտիմությունը: Պետականությունը, որը գրկվում է իր պատմական խորությունից, դառնում է քաղաքական սակարկության առարկա: Հենց այս տրամաբանությունն է ընկած «Արևմտյան Ադրբեջանի» նախագծի հիմքում՝ Հայաստանը ներկայացնելով որպես վիճարկելի տարածք, որի նկատմամբ կարող է ձևակերպվել «պատմական իրավունքների վերականգնման» քաղաքականություն:

Սակայն այս նախագիծը չի սահմանափակվում պատմության վերաշարադրմամբ, այն գործնական քաղաքական ճնշման մեխանիզմ է: Պատմությունը այստեղ վերածվում է պահանջների շղթայի մեկնարկային կետի՝ մշակութային ժառանգությունից մինչև տարածքային հավակնություններ, որտեղ յուրաքանչյուր փուլ նախապատրաստում է հաջորդը՝ հիմք ստեղծելով նոր պահանջների ձևակերպման համար: Այս գործընթացը տեղավորվում է թուրք-ադրբեջանական ռազմավարական փոխգործակցության ընդհանուր տրամաբանության մեջ՝ տարածաշրջանային քաղաքականության ձևավորման համադրված նպատակադրումների շրջանակում:

Այս իրադրության ֆոնին Սյունիքի գործոնն ունի առանցքային, գրեթե վճռորոշ նշանակություն: Այն ոչ միայն աշխարհագրական տարածք է, այլև աշխարհաքաղաքական հանգույց, որի վերահսկողությունը կամ շրջանցումը ձևավորում է տարածաշրջանային հաղորդակցությունների ամբողջ համակարգը: Հենց այստեղ է, որ «Արևմտյան Ադրբեջանի» գաղափարը ստանում է իր ամենախորքային քաղաքական գործառույթը՝ դառնալով լրացուցիչ ճնշման և գաղափարական հիմնավորման մեխանիզմ:

Այս հանգուցային հասկացությունը ձևավորում է նաև Սյունիքի շուրջ քաղաքական խոսույթի բարձր զգայնությունը: Տարածաշրջանային հաղորդակցությունների հարցը այստեղ դուրս է գալիս գուտ ենթակառուցվածքային հարթությունից և վերածվում է ռազմավարական ազդեցության գործոնի, որի միջոցով կարող է ընդլայնվել քաղաքական պահանջների օրակարգը: Այս համատեքստում Սյունիքը դիտարկվում է ոչ թե մեկուսացված տարածքային միավոր, այլ ընդհանուր ճնշման համակարգի բաղադրիչ՝ սերտորեն կապակցված «Արևմտյան Ադրբեջանի» գաղափարական շրջանակում ձևավորվող պահանջների դինամիկայի հետ:

Այս փոխկապակցվածության պայմաններում Հայաստանի գործող իշխանությունների քաղաքական խոսույթում հաճախ գերիշխում է այն մոտեցումը, թե հնարավոր է հասնել հարաբերական կայունության՝ զիջումների և ազգային պահանջատիրության օրակարգից հրաժարվելու միջոցով: Սակայն գործընթացների զարգացումը ցույց է տալիս, որ



նման ընկալումը հիմնականում բխում է քաղաքական հաշվարկի սահմանափակ շրջանակից և չի համընկնում տարածաշրջանային զարգացումների իրական տրամաբանության հետ: Երբ հակառակորդն առաջնորդվում է առավելագույն նպատակադրումների տրամաբանությամբ, զիջումները սովորաբար չեն հանգեցնում վերջնական հավասարակշռության, այլ վերածվում են նոր պահանջների ձևավորման հիմքի:

Ադրբեջանի վարքագիծը վերջին տարիներին այս տրամաբանության հետևողական արտահայտությունն է. յուրաքանչյուր փուլում զիջումները ոչ թե փակել են հակամարտային օրակարգը, այլ ընդլայնել այն՝ ձևավորելով պահանջների ուռճացող փաթեթ: Այս համատեքստում «Արևմտյան Ադրբեջան» հայեցակարգը այդ ռազմավարության գաղափարական շրջանակը ձևավորող առանցքային տարր է, որի միջոցով փորձ է արվում վերափոխադրել Հայաստանի նկատմամբ առաջադրվող պահանջների բնույթը և ընդլայնել դրանց արդարացման դաշտը՝ պատմաքաղաքական հիմնավորումներով:


Այս իրողությունների ամբողջությունը թույլ է տալիս արձանագրել, որ գործ ունենք ոչ թե առանձին քաղաքական հայտարարությունների կամ իրավիճակային նախաձեռնությունների հետ, այլ ձևավորվող երկարաժամկետ և փուլային ռազմավարական համակարգի հետ, որում գաղափարական, քաղաքական և հաղորդակցային գործիքակազմերը գործում են փոխկապակցված տրամաբանությամբ: Այս համակարգի առանձնահատկությունն այն է, որ այն զարգանում է կուտակային ազդեցության սկզբունքով՝ յուրաքանչյուր փուլում ընդլայնելով իր պահանջների և արդարացման շրջանակը:

Այս պայմաններում առանցքային մարտահրավերը ոչ միայն արտաքին քաղաքական արձագանքների ձևակերպումն է, այլև գործընթացների բնույթի ճիշտ ընկալումը՝ որպես նպատակային և երկարաժամկետ ռազմավարական տեսլական: Հետևաբար անհրաժեշտ է վերանայել խնդրի նկատմամբ մոտեցման հայեցակարգային հիմքերը՝ անցում կատարելով իրավիճակային արձագանքից դեպի համակարգային և կանխատեսող ռազմավարական մտածողություն, ըստ որի կարելի է համարժեք գնահատել ընթացող զարգացումների խորքային տրամաբանությունը: ■

## Քառս, որի վերջին հանգրվանը ինքնառչնչացումն է

Մանվել Մկրտչյան  
Հրապարակախոս

Պատերազմների պատմությունը վկայում է, որ ցանկացած բանակի կործանումը ոչ թե նահանջն ու պարտությունն է, այլ բանակի ներսում սկսված խուճապն ու քառսը: Ե՛վ գորքի նահանջը և՛ նույնիսկ մեծ կորուստները վերականգնելի են, եթե չկա խուճապ, չկա քառս և հուսահատություն: Թե՛ համաշխարհային, թե՛ հայոց պատմությունը ասվածի բազմաթիվ վառ օրինակներ են տվել: Ազգերն ու պետությունները անցել են սրանց միջով ու լավ գիտեն, թե ինչ զարհուրելի հետևանքների է հանգեցնում քառսը և հուսահատությունը և սա ոչ միայն պատերազմների, ճակատամարտերի, ներքին առճակատումների դեպքում, այլև խորը սոցիալ-տնտեսական ճգնաժամերի, հասարակական ու քաղաքական, հոգևոր ու բարոյական անկումների պարագայում: Սա ամենալավը գիտակցում են խոհեմ առաջնորդները, լուրջ կառավարությունները, հասարակությունը և մտածող ազգային հանրությունը: Ահա, թե ինչու նրանք ձգտում են պետությունը զերծ պահել քառսից ու ցնցումներից, կանխել այն ամենը, ինչը կարող է հանգեցնել դրան: Անհատի կամ մեկ մարդու ներսում՝ հոգում և գիտակցության մեջ սկսված քառսը առաջին հերթին մտքի մթագնումն է, հույզերի անկառավարելի վայրիվերումը: Մարդը վերածվում է խաղալիքի, փետուրի, անհասկանալի գոյացության, որը բացարձակ չի հասկանում, թե ինչ է կատարվում իր հետ, իր շուրջը, չի գիտակցում իր օգուտն ու վնասը, նրա բոլոր քայլերը տարերային են, նրա հոգևոր կառույցը այլևս ջախջախված է, իսկ բանական հատվածը սրընթաց գահավիժում է: Մի՞թե պատահական է, որ մարդը այդքան հեշտ կարող է ինքն իրեն գցել ցանկացած մոլորության մեջ, հավատալ գոյություն չունեցող բաների, պայքարել դրանց հաղթահարման համար և այլն: Ուշագրավ է, որ քառսի մեջ ապրող մարդու համար նույնիսկ առողջ բնագոյներն են նահանջում՝ նրան դարձնելով կերակուր ամենտարբեր հանգամանքների երախում: Նրա միտքն այլևս ապակառուցողական է (դետարտիկտիվ), տարերային, իսկ որոշումներն ու քայլերը մեկը մյուսից անհեթեթ: Նրանց էությունը, որպես կանոն, խուճապային է, էքսպանսիվ, իսկ այդպիսիներին կառավարելն անասելի հեշտ է, քանի որ կուլ են տալիս ցանկացած մանիպուլյատիվ խոսք, կեղծիք և հակված չեն բանական եզրահանգումների: Մի կարճ ժամանակով ուժգին ոգևորվելը և այնուհետև՝ խորը հուսահատությունը նրանց դեպքում արտահայտվում է բուռն սիրո և աստեղության ձևով: Մարդկային հոգեկերտվածքը, հատկապես նրա տարերային ու քառսիկ էությունը, չափազանց բարդ երևույթ է: Այդ մասին բավական հետաքրքիր դիտարկում է արել չին մեծ մտածող և միստիկ Լաո Ցզին: Մի անգամ նրան հարցրել են՝ կա՞ արդյոք միջոց քառսից



ազատվելու, նա քննադատ է տվել ու ասել. «Ենթադրենք դուք գնացել եք առվակից ջուր բերելու ու տեսնում եք, որ ջուրը պղտոր է, խմելու համար ոչ պիտանալի: Մի՞թե դուք մտնում եք առվակի մեջ և փորձում ազատել տիղմն ու ավազը ջրից: Չէ՞ որ դա անհնար է... Դուք միայն նստում եք առվակի ափին ու սպասում: Որոշ ժամանակ անց տեսնում եք, թե ինչպես տիղմն ու ավազը նստեցին հատակին և ջուրը առանց ձեր ջանքերի գուլավեց: Այդպես էլ քառսի դեպքում՝ ամեն բանը կարգավորվում և գուլավում է ինքնաբերաբար: Սպասումն ու համբերությունը լուծումն են շատ հարցերի»: Սա, իհարկե, միստիկական գեղեցիկ հայացք է, բայց կիրառելի չէ պրակտիկ քաղաքականության դեպքում: Ազգերն ու հասարակությունները մարդու բնույթից բխող քառսի դեմն առնելու ճանապարհին ստեղծեցին պետություն կառույցը, պետություն երևույթը, որը միակ լավագույն պատենշն էր քառսի դեմ: Հասարակության կենսազորմունությունը կազմակերպող և կառավարող ինստիտուտները՝ քաղաքական, սոցիալ տնտեսական, մշակութային և հատկապես իրավական ու անվտանգային համակարգերը, մարդկային բանականության բարձր դրսևորումներն են: Այս համակարգերից թեկուզ մեկի վատ աշխատանքը հանգեցնում է անցանկալի, եթե չասենք՝ աղետալի հետևանքների: Ինչքան ամուր են այդ համակարգերը, այնքան առողջ է հասարակությունը, այնքան հեռու է քառսի վտանգը: Այս մասին ամենալավ գիտեն իշխանությունները քանի որ ամեն

նից մոտ հենց նրանք են կանգնած հասարակության կնճռոտ հիմնահարցերին: Միացյալ Նահանգների նախագահ Ֆրանկլին Ռուզվելտը, որի կառավարման տարիներին Ամերիկյան տեսավ իր պատմության ամենաուժեղ տնտեսական ճգնաժամերից մեկը՝ «Մեծ դեպրեսիան», ասում էր. «Կառավարության ցանկացած սխալ, թեկուզ ոչ միտումնավոր վրիպում, ուժգնանում է հասարակության ներքևի շերտերում և հանգեցնում է հրեշավոր հետևանքների: Կառավարության քայլերի հապաղման կամ շտապողականության գինը վճարում է ոչ թե քաղաքական ու բիզնեսի ընտրախավը, այլ ժողովուրդը՝ ողջ հասարակությունը»: Մայլակին գամված մարդը, սրտիկներ չէր շոայլում այն ու ձախ, այլ խոհեմաբար տեսնում էր իր երկրի ներկան ու ապագան, հարցեր էր կարգավորում: Ժամանակները փոխվեցին, շատ ջրեր հոսեցին աշխարհում և ահա եկավ զելենսկիների, սահակաշվիլիների, փաշինյանների, կայակալասների, մակրոնների, ջոնսոնների, ֆոնդերլայենների և նմանատիպ բախտախնդիր ամբոխավարների ժամանակը: Ինչո՞ւ, ինչպե՞ս, ի՞նչ տրամաբանությամբ դա տեղի ունեցավ, ի՞նչպես բնական նպատակները գլխիվայր շուտ եկան... Հարցեր, որոնց պատասխանները մարդկությունը երևի կհիմանա մի քանի տասնամյակ հետո: Մտաբերեցի՞նք այս գործիչներին, որպեսզի առավել տեսանելի լինեն մոլորակով մեկ քառսփողների նողկալի արարքները: Մենք էլ, ինչքան լարենք մեր միտքը, միևնույն է, 2018 թվականից ի վեր չենք գտնի իշխանությունների բանական արարքների հետքեր: Տկարամիտ իշխանաապետը հանձնեց մեր հայրենիքի մի թանկագին կտոր և ասաց՝ «Հայաստանը վերջապես դարձավ անկախ», հետո սկսեց «պատմական Հայաստան, իրական Հայաստան» գառնանցանքը իր կեղտոտ հետևանքներով: Օրը ցերեկով, բոլորի աչքի առաջ նա ականապատեց Հայաստան-Ռուսաստան քաղաքական ու հատկապես՝ տնտեսական կամուրջը, հազարավոր տնտեսավարողների ու այգեգործների զցելով հուսահատության և անելանելիության գիրկը: Մոլագարի տենդով հիմա էլ կեղծել է ընտրությունները և կառավարման համակարգը մտցրել փակուղի: Չշարունակեմ, ինձանից լավ գիտեք... Ինչ էլ ասենք, միևնույն է, վերջում կրկին գալու ենք նույն ելակետին, այն է՝ պետությունը զավթած այս թրքահաճոնները հատուկ ծրագրով ամեն ինչ տանում են քառսի: Ժողովուրդը նման դեպքում կասեր՝ «Մի գիժ քարը գլորել է փոսը, հազար խելոք չեն կարողանում հանել»: Պարզապես, պետք է իմանալ, որ օտար կենտրոնները լավ գիտեն արժեհամակարգային քառս ստեղծելու ներուժը ցանկացած երկրում, այդ իրավիճակներից իրենց ցանկալի շագանակները հանելու հնարավորությունները: Մեր դեպքում՝ այն, ինչ արվում է, կաներ միայն թշնամու դրածոն, թշնամու խամաճիկը: Ցավոք, այսօրինակ քառսից ու մղձավանջներից երկրները հայտնվում են հրեշավոր սոցիալ-քաղաքական ցնցումների ու արյունահեղությունների մեջ: Ահա թե ուր են գլորում երկիրը այս մարդիկ: Ու տեսնում ենք նաև, որ բրիտանա-



թուրքական տեխնոլոգները շատ կանոնիկ կերպով սրան հարկավոր պահերին միացնում անջատում են, որ ոեխը շաղ տա, դիվադադար անի հանրությանը: Երանի ամեն բան ոեխ շաղ տալով էլ ավարտվեր, բայց քառսի տոնուսը բարձ պահելու համար պետք են նաև գործողություններ և դրանք չեն ուշանում: Կարող է թվալ, թե քառս բնորոշումը գույների խտացում է, պատկերավոր բառ, սակայն խնդիրն էլ հենց այն է, որ մեր կյանքի թվացյալ կանոնիկ վիճակների խորքերում օրեցօր ահագնանում է համակարգը լիովին անդամալույծ դարձնելու մղումը, որովհետև վարչախմբի սուտն ու կեղծիքը, տխմարություններն ու սանձարձակությունները այլևս դուրս են մղում մեր կյանքից բանական ցանկացած բան: Պետությունը, որպես հասարակությանը և ժողովրդին կազմակերպող և տեր կանգնող միակ կառույց, դառնում է ոտքի տակի փալաս: Ապականելով ընտրությունները սրանք հասան նրան, որ հասարակությունը այլևս չգիտի ինչին հավատա ու, վստահի, չգիտի ինչին ապավինի, երբ իրավական համակարգը վերածվել է մի մարդու ձեռքի խաղալիքի, իշխանական քմահաճոյքների գործիքի: Մա ճահիճի մեջ խեղդվող մարդու վիճակն է, որի միայն քիթ ու բերանն է դեռ մնացել դրսում: Վախը, խուճապը, հուսահատությունը և մյուս բաները, որոնք քառսի գույներն են, սկիզբ են առնում մարդու և հասարակության զգոնության պակասից կամ չգոյությունից: Մարդը չգիտի ինչ է անում և ինչու, չի հասկանում դեպի ուր է շարժվում և ինչու: Օրինակ, քվեաթերթիկը ԲՊ և Նիկոլի օգտին արկղը զցող մարդը և սոցիալական սեզմենտը բացարձակ չէր գիտակցում, թե ինչ արեց և ինչու: Եթե նրան հարցնեք, թե ինչու այդպես արեց, նա ձեզ կնայի իր դատարկ ու անիմաստ հորթի աչքերով և կասի իշխանական քարոզչամեքենայի ներարկած մեկ-երկու հիմար միտք: Ահա, թե ինչու ենք ասում, որ տհասությունը և անպատասխանատվությունը քառսի պտուղներն են, իսկ հուսահատությունը քառսի մեջ ապրող մարդու անբաժան մասը: Կա այսպիսի պլեգորիկ պատմություն հուսահատության վերաբերյալ. «Մատանան հոգնել էր չար գործերից և մի օր որոշեց վաճառքի հանել իր բոլոր գործիքները՝ ատելությունը, նախանձը, ազահույնու-



նը, վրեժխնդրությունը, մաղձը, երկերեսանիությունը և այլն: Շուկայում նա մի սեղանիկ դրեց ու դրա վրա շարեց այս արատները որպես մարդակործան գործիքներ: Բայց կար մի գործիք, որը նա նախընտրեց չվաճառել, քանի որ դա, ըստ սատանայի՝ ամենահրեշավորն էր: Մարդիկ իրար հրմշտելով արագ գնեցին բոլոր գործիքները և հեռացան: Շնչակտուր հայտնվեց վաճառքից ուշացած մի մարդ և խնդրեց, որ մի գործիք էլ իրեն տա: Սատանան ասաց, թե վերջ, ամբողջը սպառվել է, ոչնչով չի կարող օգտակար լինել: Եվ այդ պահին մարդը նկատեց թաքցված գործիքը: Խնդրեց, որ այդ մեկն էլ իրեն վաճառի: Սատանան խոժոռվեց ու ասաց, որ չէր կամենա դա որևէ մեկի ձեռքն ընկնի, որովհետև դա աշխարհի ամենահրեշավոր գործիքն է, դրա անունն է ՀՈՒՄԱՀԱՏՈՒԹՅՈՒՆ: Տոտալ հուսահատության մասին իրենց ստեղծագործություններում և նամակներում ուշագրավ դիտարկումներ են արել ռուս գրականության ականավոր դեմքեր Ալեքսեյ Տոլստոյը, Բուլգակովը, Շոլոխովը և այլք, երբ խոսել են դարասկզբի Ռուսաստանում տիրող սոսկալի իրավիճակի մասին: Նախահեղափոխական և հեղափոխական Ռուսաստանի այդ շրջանը, որը պատմության մեջ հայտնի է որպես «մղձավանջի և քաոսի» տարիներ, մեծ երկրին բերեց այնպիսի հուսահատություն, որը պարզ բառերով անկարելի է նկարագրել: Քաոսից ծնվեցին զանազան քաղաքական հոսանքները և կուսակցությունները՝ մենշևիկները, բոլշևիկները էսեները, կադետները, անարխիստները, մոնարխիստները և այլն, որոնցից ամեն մեկն իրեն համարում էր փրկության միակ գիտակը: Ներագգային ցնցումները և արյունահեղությունը «քաոսի» պտուղներն էին, որոնք ռուս ժողովուրդը մինչև օրս էլ ցավով ու ամոթով է հիշում, այնպես, ինչպես մեր հետագա սերունդները կհիշեն Նիկոլի կառավարման տարիները և հայրենիքի կո-

րուսները: Բանն այն է, որ հենց «քաոս հրեշից» էր, որ ծնվեց մեկ ուրիշ հրեշ՝ «բոլշևիզմ» անվանք, որը հետագայում խժոեց ամեն լավ բան իր ճանապարհին: Մարդկության պատմության մեջ սա անվերջ կրկնվող սցենար է՝ «քաոսը» ցրելու փոխարեն առաջնորդներն իրենց ձեռքն են առել մահակը և դարձել արյունարբու բռնակալներ: Բացառություն չեղավ նաև «ադրբեջանա-թուրքական խամաճիկը», որին այսօր արդեն միելք է մնացել՝ գնալ զանազան կամայականությունների: Ամենաքիչը 100 հազարից ավելի քվե գողացողի համար այլևս սահմանագծեր և արգելակներ չկան և նա ունի մեկ գերխնդիր՝ ինչ որ կերպ մարսել իր սրիկայություններն ու հանցանքները: Այլ կերպ ասած՝ քաոսը ծնում է կամայականություն, իսկ կամայականությունն էլ գոյատևում է քաոսի գործությամբ: Այս պահին դժվար է ասել, թե ո՞ր կետում կկտրվի այս արատավոր շղթան: Ինչը կնպաստի դրան, արտաքին և ներքին հանգամանքների ինչպիսի դասավորության դեպքում դա տեղի կունենա: Հունիսի 7-ի ընտրություններին մեր հանրությունը, թող որ ոչ ամբողջությամբ, բայց կարողացավ պրկել իր մկանները և ռեալ ջանքեր գործադրել թրքահպատակներին վոնդելու գործում: Եթե 2021 թ. ընտրություններից հետո ցավով ասում էինք, «Ժողովուրդը, որը ընտրում է խաբեբաներին, ծախված քաղաքական գործիչներին և դավաճաններին զոհ չէ, այլ հանցակից», ապա հիմա գիտենք որ ողջամտությունը բնավ էլ չի լքել մեր հանրությանը: Մնում է, որ նա չհուսահատվի և չիրաժարվի իր մտադրությունից: Դրա համար կան բոլոր նախադրյալները՝ ըմբոստ ժողովուրդ և համերաշխ ընդդիմություն: Իր ուժը գիտակցած ժողովրդի ձեռքից անհնար է խլել նրա արժանապատվությունը, կազդուրվելու կամքը և քաոսը մեկնդմիշտ անցյալում թողնելու վճռականությունը: ■

## Ազգի երազանքը և պատմական հիշողությունը. գոյության հրամայականը

Անժելա Հարությունյան  
Բանասեր, մանկավարժ

Ազգերը գոյատևում են ոչ միայն իրենց տարածքով, բանակով կամ տնտեսությամբ, այլև, առաջին հերթին, իրենց հիշողությամբ և երազանքով: Երբ ժողովուրդը կորցնում է իր պատմական հիշողությունը, նա սկսում է մոռանալ, թե ով է ինքը, որտեղից է գալիս, իսկ երբ նրան գրկում են երազանքից, նա դադարում է պատկերացնել, թե ուր պիտի գնա:

Այսօր հայ ժողովրդի առջև ծառայած վտանգը միայն տարածքային կորուստները, անվտանգային սպառնալիքները կամ էլ քաղաքական մարտահրավերները չեն: Ավելի խորը և երկարաժամկետ վտանգ է ազգային դիմագծի խեղումը, ազգի ինքնության, պատմական հիշողության թուլացումը և ազգային երազանքի վերացումը: Եթե ժողովրդի գիտակցության մեջ սերմանվում է այն միտքը, որ նրա հազարամյա պատմությունը երկրորդական է, որ նրա պատմական հայրենիքը պարզապես անցյալի էջ է, իսկ ազգային նպատակներն ու ձգտումները վտանգավոր կամ ավելորդ են, ապա հարված է հասցվում հենց ազգի գոյության հիմքերին: Սա իր հերթին բերելու է ապագայի հանդեպ հավատի թուլացման՝ դարձնելով հասարակությանը հեշտ կառավարելի անդեմ գոյազանգված:

Պատմական հիշողությունը պարզապես անցյալի մասին գիտելիք չէ: Այն ժողովրդի ինքնաճանաչումն է: Երբ հայը խոսում է Հայաստանի մասին, նա նկատի չունի միայն ներկայիս պետական սահմանները, այլ նաև հազարամյակների ընթացքում ձևավորված քաղաքակրթական տարածքը, մտքով գնում է Հայկական լեռնաշխարհ, Մեծ Հայք, որտեղ ստեղծվել են հայկական պետականություններ, մշակույթ և հոգևոր արժեքներ: Երբ հայը խոսում է Արարատի մասին, նա չի հիշում սոսկ, այն, ինչը հիմա Թուրքիայի տարածքում է, այլև այն, որ հայի հպարտության ու փառքի և Հայաստանի կարևորագույն խորհրդանիշներից մեկն է: Երբ հայն ասում է Արցախ, մտքով գնում է Մեծ Հայքի Արցախ աշխարհ ու վերարժևորում է իր հայրենիքը, իր երբեմնի ունեցածն ու իր պատմականին ու իրավականին տեղ լինելու միտքն ու հոգեբանությունն արթնանում են նրա մեջ: Նույնը Սևանի մասին՝ նա չի հիշում միայն ներկայիս լիճը, այլ նաև Գեղամա ծովը, և այսպես շարունակ, այսինքն՝ դարերի ընթացքում ձևավորված մշակույթը, պատմությունը և ավանդույթները:

Իսկ հիմա մեր երկրում պետական մակարդակով վարվում է քաղաքականություն՝ փոխելու հայի հայեցի, հայկական մտածելակերպը, ինչը ոչ թե պարզապես վտանգավոր է, այլև աղետաբեր, քանի որ նման մոտեցումը փորձ է կտրելու ազգին իր պատմական խորքից և սահմանափակել նրա ինքնությունը միայն ներկայի նեղ շրջանակներում: Ազգը, որը կորցնում



է իր պատմական հիշողությունը, աստիճանաբար թուլացնում է նաև իր մշակութային, հոգևոր և ազգային դիմադրողականությունը: Պատմությունը, լեզուն, մշակույթը և ազգային արժեքները պարզապես անցյալի հիշողություններ չեն, այլև այն հիմքերն են, որոնց վրա կառուցվում է ժողովրդի ներկան ու ապագան: Երբ հասարակությանը ներկայացվում է, թե ազգային ինքնագիտակցությունը պետք է զիջի տեղը պատմական արմատներից զերծ աշխարհայացքին, վտանգվում է ոչ միայն մշակութային ժառանգությունը, այլև սերունդների կապը սեփական ինքնության հետ: Ուստի ազգային մտածողության պահպանումը չի նշանակում ապրել անցյալով, այլ նշանակում է հենվել սեփական արմատների վրա՝ վստահությամբ կառուցելու համար ապագան: Ազգը, որը հրաժարվում է իր անցյալից, դժվար թե կարողանա վստահորեն կառուցել իր ապագան:

Հայ ժողովրդի համար իր այդ պատմական հիշողության կարևոր բաղադրիչ է հենց Արցախը: Անկախ քաղաքական իրադարձություններից՝ Արցախը հայ ժողովրդի պատմական, մշակութային և հոգևոր ժառանգության մասն է: Կորուստը կարող է ցավ պատճառել և ստիպել վերանայելու անցյալը, բայց չի կարող վերածվել ուրացման: Ժողովուրդը կարող է կորցնել տարածք, սակայն չի կարող կորցնել հիշողություն, եթե չի հրաժարվում իր ինքնությունից: Բայց այսօր՝ Արցախի կորստից հետո, մեզ՝ հայերիս



պարտադրվում է ոչ միայն համակերպվել փաստի հետ, այլ նաև վերանայել սեփական հիշողությունը, ուրանալ՝ բղավելով՝ ինչո՞վ է Արցախը մերը եղել: Մեկ բան է կորուստը, մեկ այլ բան՝ ուրացումը: Ժողովուրդը կարող է կրել ծանր պարտություն, կարող է ժամանակավորապես կորցնել իր պատմական տարածքների նկատմամբ վերահսկողությունը, սակայն եթե սկսում է ժխտել սեփական պատմական ներկայությունը, սեփական մշակութային հետքը կամ սեփական հիշողությունը, ապա վտանգվում է ոչ միայն տարածքը, այլև ինքնությունը, ապագայի պահանջատիրական իրավունքը և գոյությունը: Իսկ ներկայիս հակահայ իշխանությունը հենց ուրացում է սերմանում հայի մեջ, ուրացում իր արմատներից՝ ինչն անում է սպառնալիքով և հասարակության մեջ ազգային հարցերի շուրջ վախի մթնոլորտ ձևավորելով: Երբ փորձ է արվում փակել Արցախի թեման կամ այն ներկայացնել որպես արգելված քննարկման առարկա, ժողովուրդը ոչ միայն աստիճանաբար հեռացվում է իր պատմական հիշողությունից և ազգային ինքնության կարևոր բաղադրիչներից մեկից, այլև ազգային երազանք փայփայելուց, որը փոխանցվում է սերնդեսերունդ՝ որպես հիշողության, հույսի և ինքնության մի մաս՝ ապագայում հասնելու համար պատմական արդարության վերականգնմանը:

Պատմության մեջ բազմաթիվ են ժողովուրդները, որոնք պահպանել են իրենց ազգային նպատակները և երազանքը՝ նույնիսկ ամենադժվար պայմաններում: Եվ այսօր աշխարհում տարբեր պետություններ գիտակցաբար ձևավորում են իրենց ազգային գաղափարախոսությունները և երկարաժամկետ նպատակները՝ դրանք փոխանցելով հասարակությանը, որպես միասնական ուղղություն: Ազգային երազանքն այնտեղ դիտվում է ոչ թե որպես վերացարկված գաղափար, այլ որպես պետական-քաղաքական ռազմավարության հիմք: Այդ գաղափարի իրագործման մեջ իրենց ուրույն տեղն ունեն կրթությունը, գիտությունը, մշակույթը, և այս ոլորտներում ներդրված հստակ ռազմավարության միջոցով հաջորդ սերունդներին է փոխանցվում սեփական տեսլականը: Այդպես է վարվում Չինաստանը, որը մինչ օրս փայփայում է երազանք՝ ստեղծելու Մեծ Չինաստան՝ ինտեգրելով Թայվանը: Թուրքիան ունի իր երազանքը՝ ստեղծելու Մեծ Թուրանը: Ադրբեջանն ունի իր

երազանքը՝ ստեղծելու Արևմտյան Ադրբեջան, որի իրագործմանը դեռ վաղուց տարվող գաղափարական գործընթացներն այսօր արդեն բացահայտ զարգանում և դրսևորվում են՝ պատմական նարատիվն ու երազանքը վերածելով քաղաքական նպատակադրումների և դրանցից բխող տեսանկյունի քայլերի: Ադրբեջանի պետական և ակադեմիական շրջանակներում «Արևմտյան Ադրբեջան» գաղափարը ներկայացվում է որպես պետական օրակարգի բաղադրիչ, որտեղ Հայաստանի Հանրապետության տարածքի որոշ հատվածներ ներկայացվում են որպես «պատմական հայրենիք»: Այդ մոտեցումն ուղեկցվում է գիտաժողովներով, հրապարակումներով և կրթական ծրագրերով, մի ողջ սերնդի պատրաստում են այդ մտածելակերպով և հոգեբանությամբ, շեշտում, որ կրթության և գիտության այսօրվա հիմնական ուղղություններից մեկը հենց Արևմտյան Ադրբեջան թեման է: Պետական մակարդակով հայտարարվում է, որ Արևմտյան Ադրբեջանի հարցն իրենց ազգային օրակարգի կարևոր ուղղություններից մեկն է, և Ադրբեջանը շարունակելու է իր ազգային շահից բխող այդ քաղաքականությունը:

Ի հակադրումն Ադրբեջանի բացահայտ գավթողական այդ ազգային քաղաքականության՝ մեր երկրում պետական մակարդակով որդեգրված է կեղծ ու պատրանքային խաղաղության օրակարգ, ոչ մի պարագայում հակամարտության չգնալու քաղաքականությունը: Ընդհուպ երբ անգամ ավերվում են հայկական պատմամշակութային ժառանգությունները Արցախում՝ հիմնավորելով, թե Ադրբեջանի սուվերեն տարածքն է, ինչ կուզի, այն էլ կանի, (երբ դրա իրավունքը պարզապես չունի) նույնպես արդարացվում է մերօրյա հակահայ իշխանությունների կողմից: Եվ ստորուկի այս պատվազուրկ կարգավիճակն ու հոգեբանությունն էլ երևի վերջինների պատկերացմամբ մեր ազգային շահն է, իսկ ցանկացած սեփական ազգային հարցի և իրավունքի արծարծում դիտվում է որպես սպառնալիք այդ կեղծ խաղաղությանը:

Բայց խաղաղությունը միակողմանի զիջումների գործընթաց չէ, այլ կողմերի՝ փոխադարձ վստահության և հարգանքի դրսևորում՝ միմյանց պետականության, ինքնիշխանության, ազգային ինքնության և պատմական հիշողության հարցերում: Ուստի այսօր ստեղծված իրավիճակը խաղաղություն կոչելը ոչ թե միամտություն է, այլ ուղիղ սպառնալիք մեր ազգային գոյությանը: Եվ այսօր ոչ միայն այս վտանգավոր խաղաղությունն են փորձում փաթաթել մեր վզին, այլև արգելում են մեզ՝ որպես ազգի, հիշել ու երագել, և հենց մեր այդ ազգային երազանքը դիտում են սպառնալիք, բայց որը մեր գոյության հիմքն է:

Այդպես չեն վարվում, սակայն, ազգերը, որոնք ունեն երազանք: Վերը նշեցինք չինացիների օրինակը, որոնք մեկ Մեծ Չինաստան ունենալու համար իրենց հասարակությանն ու սերունդներին դաստիարակում են այդ գաղափարախոսությամբ: Թուրքիան, Մեծ Թուրանը՝ իր վաղեմի երազանքը իրագործելու համար տարիներ շարունակ իր սերունդներին և հասարակությանը պատրաստում է այդ գաղափարախո-

սությամբ, վերահսկում բոլոր դասագրքերի բովանդակությունը, հատկապես պատմության վերաբերյալ ունի հստակ մշակված կրթական ռազմավարություն: Նույն կերպ է վարվում Ադրբեջանը՝ իր երազած Արևմտյան կամ Պատմական Ադրբեջան երազանքի համար և այդ «պատմական» բառն այնքան է շեշտում, որ այն արտառոց է հնչում նորածիլ և արհեստածին մի պետության համար: Իսկ մենք, որ մեր անունով կոչվող Հայկական լեռնաշխարհի բնիկներն ենք ու հազարավոր տարիների պատմություն ունենք, ոչ միայն չունենք մեր երազանքը, այլև գրկվում ենք այն ունենալու իրավունքից, որովհետև մեր երկրում մեկը պետական մակարդակով մատ է թափ տալիս ասելով՝ Ղարաբաղի հարցը փակված է, այդ հարցը բարձրացնողն ինձ հետ գործ կունենա: Այսինքն՝ հայ, մտքիդ ծայրով անգամ չանցկացնես, որ դու կարող ես երազանք ունենալ: Ու մենք, թերևս ոչ միայն երազանք չունենք, այլև հավաքականորեն գաղափարախոսություն էլ չունենք: Մենք ունենք մեր սերունդներին կրթելու, զիջելու, տալու, փոխանցելու գաղափարախոսություն, որի անունն է Խաղաղություն: Որովհետև այն ամենը, ինչ-որ հայրենասիրական ու ազգային է, կոչվում է ուռա-հայրենասիրություն հենց կրթության նախարար Ժաննա Անդրեասյանի կողմից: Ու մեզ մնում է երևի Հայաստանի դպրոցներում վերջերս մեծ տարածում գտած «Լավ սովորիք, որ լավ ապրես» կոչ-ուղենիչը, թերևս որպես մեր գաղափարախոսության կարևոր հիմնասյուն: Այսօր այդ գաղափարախոսությամբ կրթում են սերունդներին: Նախկինում քարոզվում էր լավ սովորել, դատնալու համար պիտանի ու լավ մարդ-քաղաքացի առաջին հերթին երկրի համար, ներդրում ունենալ քո պետության ու հայրենիքի զարգացման գործում, հետո արդեն ավելի մեծ նպատակներ ու գաղափարներ ունենալ՝ մարդկության, աշխարհի հետ կապված: Այսօր դա չէ մեր երկրի կրթական ոլորտի գաղափարախոսությունը, որդեգրվել է նոր ռազմավարություն՝ ստամոքսի մակարդակի իջեցված «Լավ սովորիք, որ լավ ապրես»-ը, որում կարևորվում է միայն ազգային ինքնությունն անտեսող անդեմ անհատի ես-ը, նրա լավ ապրելը, և ամեն բան ծառայեցվում ու տարվում է այդ ես-ի՝ որպես սպառողի ցանկությունների գոհացմանը, բնավ կարևոր չէ, թե որտեղ կապրես, քո ապրած տեղը Հայաստան կկոչվի, թե Արևմտյան Ադրբեջան, կամ էլ ինչ կարևոր է դու հայ կկոչվես, թե ոչ: Կարևորը լավ ապրելն է: Այս պարագայում ավելորդ է խոսել ազգային երազանքից, ազգային նպատակներից, սերունդ աճեցնել այդ մտածողությամբ և հոգեբանությամբ: Մենք մեր սերունդներին դաստիարակում ենք զիջելու, հանձնելու, համակերպվելու պարտվողական հոգեբանությամբ, սերունդներով վախ ու հարմարվողականություն, ինչը հասարակությանը դիմադրողականությունից գրկելու և կառավարելի դարձնելու միջոց է: Պատմությունը բազմիցս ցույց է տվել, որ վախի վրա կառուցված հասարակությունները երկար ժամանակ չեն պահպանում իրենց ինքնությունը:

Գարեգին Նժդեհը գրել է. «Այն օրը, երբ հայը կվախենա մահից, օտարը կթագավորի մեր հայրե-



նիքում»: Այս խոսքերը վերաբերում են ոչ միայն ռազմական իրավիճակին, այլ նաև ազգային կամքին, ինքնավստահությանը և պատասխանատվությանը: Եթե մենք չունենք մեր երազանքը, փոխարենը մեր երկրում ունենք թշնամու երազանքը իրագործողներ, որոնք կրթության ոլորտում կոչվում են առարկայական նոր չափորոշիչներով դասագրքերը ձևողներ և կարկատողներ, իսկ իշխանական ոլորտում դա արդեն մի ողջ քաղաքացիական կուսակցություն է, օրնիքուն լծված նրան, որ հայն ուրանա իր ինքնությունը, մոռանա իր պատմությունը: Թերևս դա է միակ ճանապարհը խոչընդոտելու, որ հայը երազանք ունենա, շեղվի միակ ուղուց, որով գնալով հայր կմնա ազգային ուրույն ինքնություն ունեցող էթնիկ միավոր, դադարի պահանջատերը լինելուց այն ամենի հարցում ինչն իրենն է:

Եվ մենք, որ Հայկական կոչվող լեռնաշխարհի հազարամյա տերերն ենք, մերը սուսուփուս տալիս ենք, երկրի ղեկավարի մակարդակով հայտարարում, թե չգիտենք, թե որն է զիջելու կարմիր գիծը՝ պատճառաբանելով՝ թույլ ենք, հնար չունենք, խաղաղություն ենք ուզում, վերածվելով Չարենցի ասած «անտղի ու անդեմ ժողովրդի» («Պատմության քառուղիներով»):

Բայց մենք ոչ թույլ ենք, ոչ անտղի և ոչ էլ անդեմ: Մենք պարզապես պիտի գիտակցենք, որ հազարամյա պատմություն ունեցող ժողովուրդ ենք, և այդ պատմությունը մեզ ոչ միայն հուշեր ու դասեր է տալիս, այլև իրավունք և, ամենակարևորը, պարտավորություն սերունդների առջև: Մենք ժառանգություն պիտի թողնենք սերունդներին, մենք պատասխանատու ենք նրանց առջև:

Ազգին կարելի է գրկել տարածքից, բայց եթե նա պահպանում է իր հիշողությունն ու երազանքը, նա շարունակում է ապրել: Իսկ եթե նրան գրկում են հիշողությունից և երազանքից, ապա, անգամ սեփական բնօրրանում առհավետ խաթարվում է նրա գոյությունը:

Ուստի այսօր, առավել քան երբևէ, անհրաժեշտ է պահպանել պատմական հիշողությունը, ամրացնել ազգային ինքնությունը և ձևավորել ապագայի այնպիսի երազանք, որը կձառայի ոչ միայն ներկային, այլև գալիք սերունդներին: Դա քաղաքական ընտրությունն է. դա գոյության հրամայականն է: ■

# Միացումից անկախացում: Ներքաղաքական խմորումները Լեոնային Ղարաբաղի (Արցախի) Հանրապետությունում (1992-1993 թթ.)

Տարոն Վլադիկի Հակոբյան  
Պատմական գիտությունների թեկնածու, դոցենտ, ՀՀ ԳԱԱ պատմության ինստիտուտի աշխատակից,  
դասավանդում է ՀՀ ՊՆ Վ.Սարգսյանի անվան ռազմական ակադեմիայում

«Դրոշակի» 2026 թ. երկրորդ համարում «Միացումից անկախացում» խորագրի ներքո հրատարակել էինք պարմաբան Տարոն Հակոբյանի հոդվածաշարի առաջին հոդվածը՝ նվիրված Արցախյան շարժման 36-րդ տարեդարձին: Հոդվածաշարի առիթը, իհարկե, հայ ժողովրդի պարմության անքակելի մասը դարձած Արցախյան սրբազան պայքարն է, պարերազմական դրամատիկ իրադարձությունների խորապարկերին անկախության ձեռքբերումն ու Հայոց Երկրորդ Հանրապետության կայացումը: Դյուրին ճանապարհ չի անցել այդ գործընթացը, երբ արտաքին մարտահրավերների կողքին ներարցախյան զարգացումները գրնայել են նաև Հայաստանի օրվա իշխանության քաղաքական ենթակայական հաշիվներով թելադրված ճնշման ներքո: Այնուամենայնիվ, հայության բոլոր հարվածներին միավորող միասնության հզոր գաղափարը այն ժամանակ հնարավորություն ընձեռեց անգամ ծանր կորուստների գնով հաղթահարելու Երկրորդ Հանրապետության պետականության կայացման ճանապարհին ընկած թե՛ արտաքին և թե՛ ներքին փորձությունները: «Դրոշակի» այս և հաջորդող համարներում կներկայացնենք պարմական իրողություններն ավերակա հեղափոխական այս հոդվածաշարի հերթական դրվագները՝ վարահ լինելով րվյալ նախաձեռնության արդիականության հարցում:

## Խմբագրության կողմից

1992 թ. ապրիլի 14-ին Լեոնային Ղարաբաղի Հանրապետության (ԼՂՀ) առաջին գումարման Գերագույն խորհրդի (ԳԽ) նախագահ Արթուր Մկրտչյանի ողբերգական մահից հետո երկրում ստեղծված ներքաղաքական լուրջ ցնցումները չսասանեցին ԼՂ պետականության հիմքերը, ավելին, ներքաղաքական կայունության ապահովման գործում մեծ դեր խաղացին օրենսդիր մարմնի դրսևորած քաղաքական կամքը և պատասխանատվության զգացումը, որի վճռականության շնորհիվ հնարավոր եղավ հարթել ստեղծված իրավիճակը:

Մայիսյան հաղթանակներից հետո թվում էր, թե ԼՂՀ-ում հանդարտվել են ներքաղաքական հակասությունները, սակայն հունիսի 2-6-ը տեղի ունեցած ԼՂՀ ԳԽ առաջին նստաշրջանն ապացուցեց հակառակը: Նստաշրջանում ԼՂՀ ԳԽ նախագահի ընտրությունների ժամանակ իրենց նորից զգացնել տվեցին ներքին հակասությունները:



Նստաշրջանին մասնակցելու համար ԼՂՀ էին ժամանել Մեծ Բրիտանիայի լորդերի պալատի փոխ-խոսնակ բարոնուհի Քերոլայն Քոքսը, Հայաստանի Հանրապետության (ՀՀ) ԳԽ նախագահ Բաբկեն Արարքյանը, ՀՀ հատուկ ծրագրերի վարչության պետ Վահան Շիրխանյանը, ՀՀ պաշտպանության նախարար Վազգեն Սարգսյանը, ՀՀ ընդդիմադիր կուսակցությունների ներկայացուցիչներ, ՀՀ ԳԽ պատգամավորներ Կիմ Բալայանը,<sup>1</sup> Դավիթ Վարդանյանը և ուրիշներ: Նշենք մի ուշագրավ հանգամանք. ՀՀ-ից եկած պաշտոնական պատվիրակության՝ ԼՂՀ ԳԽ նախագահ ընտրելու վերաբերյալ պահանջն արդեն հայտնի էր պատգամավորներին: Նստաշրջանը վարում էր ԼՂՀ ԳԽ նախագահի պաշտոնակատար Գեորգի Պետրոսյանը:

Մինչև ԳԽ նախագահի և նրա առաջին տեղակալի ընտրությունների անցկացումը, խոսքը տրվեց ՀՀ ներկայացուցիչներին: Այնուհետև ԳԽ նստաշրջանն աշխատանքը շարունակեց դոսիակ նիստով, որտեղ ելույթ ունեցան ՀՀ ԳԽ նախագահ Բաբկեն Արարքյանը և ՀՀ պաշտպանության նախարար Վազգեն Սարգսյանը: Նրանք ՀՀ ղեկավարության տեսակետները հայտնեցին ԼՂՀ-ին առնչվող քաղաքական, տնտեսական, ռազմական և այլ հարցերի վերաբերյալ՝ միաժամանակ հաղորդելով ԼՂՀ ԳԽ նախագահի «բարեհաջող» ընտրությունից հետո ՀՀ-ից սպասվող ծրագրված օգնության մասին:

Պատգամավորների քվեարկությամբ ընդունվեց Արցախի պետականության խորհրդանիշներից մեկը՝



ԼՂՀ պետական դրոշը (կարմիր, կապույտ, նարնջագույն, որի աջ փոքրիկ հատվածը եռանկյունի սպիտակ գծով անջատված է դրոշի հիմնական մասից, ինչը խորհրդանշում էր թե՛ Արցախի օրվա կացությունը, թե՛ ապագայի ձգտումը):

Դրոշի հեղինակը սփյուռքահայ նկարիչ Վահե Ֆատտալն էր: Ինչպես ժամանակին ասել է ԼՂՀ ԳԽ նախագահի պաշտոնակատար Գեորգի Պետրոսյանը՝ «Դրոշի նախագիծը հավանության է արժանացել ԼՂՀ ԳԽ նախագահ Արթուր Մկրտչյանի կողմից»:<sup>2</sup>

Հունիսի 3-ի առավոտյան նիստում խորհրդարանն անցավ օրակարգի չորրորդ հարցին՝ ԼՂՀ ԳԽ նախագահի ընտրություններին: Նախագահի թափուր պաշտոնի համար առաջադրվեցին Ռոբերտ Քոչարյանի և Գեորգի Պետրոսյանի թեկնածությունները: Պատգամավոր Հրանտ Խաչատրյանն առաջարկեց նախքան թեկնածուների նախընտրական ծրագրերը լսելը ստանալ ՀՀ ԳԽ պատվիրակության հավաստիացումն առ այն, որ ընտրության արդյունքները չեն անդրադառնա ՀՀ և ԼՂՀ փոխհարաբերությունների վրա: Նման հավաստիացումներ ստանալով ՀՀ ԳԽ նախագահ Բաբկեն Արարքյանից, որը նաև ընդգծեց հարցի երկկողմանիությունը, խորհրդարանը թեկնածուներին հնարավորություն տվեց ներկայացնել իրենց ծրագրերը և պատասխանել հարցերին:<sup>3</sup>

Փակ գաղտնի քվեարկության առաջին փուլում ԼՂՀ ԳԽ նախագահի պաշտոնակատար Գեորգի Պետրոսյանն իր մրցակցից 7 ձայն ավելի (30) ստացավ, սակայն դա բավական չէր ընտրվելու համար, քանի որ պահանջվում էր ստանալ ընտրող պատգամավորների երկու երրորդի (41) աջակցությունը:

Դարձյալ ԳԽ նախագահի թեկնածուներ առաջադրվեցին Գեորգի Պետրոսյանն ու Ռոբերտ Քոչարյանը, ինչպես նաև Լեոնարդ Պետրոսյանն ու Վազիֆ Գալստյանը: Սակայն վերջին երկուսը հանեցին իրենց թեկնածությունները: Քվեարկությունից առաջ պատգամավորներն իրենց կարծիքը հայտնեցին ստեղծված կացության և թեկնածուների մասին: Երկրորդ անգամ ելույթ ունենալով՝ ՀՀ պաշտպանության նախարար Վազգեն Սարգսյանը նորից պատգամավորների ուշադրությունը հրավիրեց անձամբ իր և ՀՀ իշխանությունների դիրքորոշման վրա: Քվեարկության երկրորդ փուլն ավարտվեց հետևյալ արդյունքներով. Գեորգի Պետրոսյանի օգտին՝ 26, Ռոբերտ Քոչարյանի օգտին՝ 27 ձայն: Քվեարկությունից անմիջապես հետո կրկին ելույթ ունեցավ ՀՀ ԳԽ նախագահ Բաբկեն Արարքյանը՝ պաշտպանելով Վազգեն Սարգսյանի տեսակետը: Այա հանդես եկան ՀՀ ընդդիմադիր կուսակցությունների ներկայացուցիչները:

Հաջորդ օրը՝ հունիսի 4-ին, պատգամավորները նախ քննարկեցին ԼՂՀ պատվիրակության՝ ԵԱՀԽ նիստին մասնակցելու նպատակով Հոռո մեկնելու հնարավորություններն ու նպատակահարմարությունը: Ելույթ ունեցող պատգամավորները քննադատության ենթարկեցին ՀՀ իշխանությունների արտաքին քաղաքականությունը՝ նրանց մեղադրելով վերջին ժամանակներում մի շարք փաստաթղթեր ստորագրելու համար, որոնցում ԼՂ-ն հանիրավի դիտվում էր Ադրբեյջանի կազմում:

Մինչև ԼՂՀ ԳԽ նախագահի թեկնածուների առաջադրմանն անցնելը, խորհրդարանը որոշեց, որ յուրաքանչյուր թեկնածու կարող է քվեարկվել երե-



քից ոչ ավելի անգամ: Ապա վերստին առաջադրվեցին Ռոբերտ Քոչարյանի ու Գեորգի Պետրոսյանի թեկնածությունները՝ այս անգամ, սակայն, Շահեն Մեղրյանի, Վլադիկ Հակոբյանի և Բորիս Առուշանյանի թեկնածությունների «ընկերակցությամբ»: Վերջին երկուսն իսկույն հանեցին իրենց թեկնածությունները, ապա անսպասելիորեն ինքնաբացարկ հայտնեցին Գեորգի Պետրոսյանը և Ռոբերտ Քոչարյանը:

Թեկնածու Շահեն Մեղրյանը հանդես եկավ նախընտրական ծրագրով, պատասխանեց պատգամավորների հարցերին, որից հետո գաղտնի քվեարկության թերթիկ մտցվեց միայն Շահեն Մեղրյանի ազգանունը: Նրա օգտին քվեարկեց 33 պատգամավոր: Արդյունքում ԳԻՄ նախագահի պաշտոնը կրկին մնաց թափուր:

Մտքերի փոխանակությունից և դարձյալ համաձայնության չգալուց հետո որոշվեց նիստն անցկացնել դոնփակ: Փակ նիստում պատգամավորները պաշտպանեցին ԼՂՀ Նախարարների խորհրդի (ՆԽ) նախագահ Օլեգ Եսայանի առաջարկը՝ ստեղծված իրավիճակից դուրս գալու համար կազմավորել կողմերի ներկայացուցիչներից բաղկացած համաձայնեցնող հանձնաժողով: Բանակցությունների սեղանի շուրջ նստեցին Գեորգի Պետրոսյանը, Շահեն Մեղրյանը, Լևոն Մելիք-Շահնազարյանը, Վալերի Բալայանը՝ մի կողմից, և Ռոբերտ Քոչարյանը, Լեոնարդ Պետրոսյանը, Օլեգ Եսայանը, Սերժ Սարգսյանը՝ մյուս կողմից:<sup>4</sup>

Հունիսի 5-ի առավոտյան նիստը սկսելիս պատգամավորներն իմացան, որ բանակցություններն անպտուղ են անցել: Ինչպես հայտնի դարձավ, մի կողմը պաշտպանել է Շահեն Մեղրյանի թեկնածությունը, իսկ մյուսը կողմն առաջարկել է ԼՂՀ-ում մտցնել նախագահական կառավարում:<sup>5</sup> Այնուհետև Շահեն Մեղրյանը հանդես եկավ հայտարարությամբ, նշելով, որ ԳԻՄ նախագահի համար իր թեկնածության առաջադրումից հետո նստաշրջանի ընդմիջումների ընթացքում ետևաբեմում հնչել են տարբեր հայտարարություններ. իբր ԻՊՈՒ ստորաբաժանումները խանգարում են նստաշրջանի աշխատանքին, ինչպես նաև խոսակցություններ են եղել Շահումյանի շրջանի պատվիրակության հասցեին, թե ինչու ԼՂՀ ԳԻՄ նախագահը պիտի ընտրվի Շահումյանի շրջանից: Ի նշան վիրավորվածության՝ Շահումյանի շրջանի պատվիրակությունը հեռանում է դահլիճից:<sup>6</sup> Ստեղծվում է մի իրադրություն, որը կարող էր հանգեցնել ներքին ընդհարումների: Նշենք նաև, որ առաջարկություններ են եղել իշխանությունը տալ բանակին և ցրել խորհրդարանը:<sup>7</sup>

Պատգամավոր Վալերի Հայրիյանը կարդաց ԼՂՀ ինքնապաշտպանության ուժերի (ԻՊՈՒ) հրամանատարական կազմի դիմումը խորհրդարանին: Որոշվեց ԼՂՀ ԻՊՈՒ հրամանատար Արկադի Տեր-Թադևոսյանին և Հայ առաքելական եկեղեցու Արցախի թեմի առաջնորդ Պարզև սրբազան Սարտիրոսյանին հրա-

վիրել նստաշրջան: Ընդմիջումից հետո ելույթ ունեցավ ՀՀ հատուկ ծրագրերի վարչության պետ Վահան Շիրիսանյանը: Նա իր ելույթով հասկացրեց, որ ՀՀ իշխանությունների հետ առճակատումը կարող է հանգեցնել բացասական հետևանքների: Այնուհետև ելույթ ունեցավ ԼՂՀ ԳԻՄ նախագահի պաշտոնակատար Գեորգի Պետրոսյանը, նշելով, որ ինքն այժմ հանդես է գալիս որպես իր ժողովրդի ճակատագրով մտահոգված արցախցի և անհանգստացած է Վազգեն Սարգսյանի այն հայտարարությամբ, թե, իբր, Հայաստանը ներքաշվել է պատերազմի մեջ, և այդ ամենը կատարվել է Դաշնակցության մեղքով:

Ծավալված մտքերի փոխանակությանը մասնակցեցին մի շարք պատգամավորներ, այդ թվում՝ ԻՊՈՒ հրամանատար Արկաղի Տեր-Թադևոսյանը: Նա պատգամավորներին մասնավորապես հաղորդեց ԼՂՀ սահմանում ադրբեջանական ուժերի կուտակման մասին և առաջարկեց վերջ դնել երկպառակությանը:<sup>8</sup>

Ի վերջո, ձայների ճնշող մեծամասնությամբ որոշվեց ԳԻՄ նախագահի ընտրությունները հետաձգել մինչև հուլիսի վերջը՝ խորհրդարանի պատգամավորական թափուր տեղերի համար կրկնական ընտրությունների անցկացումից հետո:

Երեկոյան նիստում պատգամավորներն անցան «ԼՂՀ պետական անկախության հիմունքների մասին» ԼՂՀ սահմանադրական օրենքի քննարկմանը, ապա և ընդունեցին այն: Նիստի վերջում նրանք ձեռնամուխ եղան ԼՂՀ Սահմանադրության մշակման հանձնաժողովի ստեղծմանը:

Հունիսի 6-ին նստաշրջանն առաջին ընթերցմամբ ընդունեց զինապարտության և զինվորական հանցագործության համար քրեական պատասխանատվության մասին ԼՂՀ օրենքները, որոնք միտված էին հանրապետության ռազմաքաղաքական իրավիճակի կայունացմանը: Պատգամավորները չկարողացան որոշումներ կայացնել ևս մի շարք օրախնդիր հարցերի վերաբերյալ: Նստաշրջանն ընդհատվեց պատգամավորների անբավարար ներկայության պատճառով, քանի որ սահմանային շրջաններում վիճակը վատթարացել էր, և մի շարք պատգամավորներ, լինելով ԻՊՈՒ ստորաբաժանումների մարտիկներ ու հրամանատարներ, շտապ մեկնեցին ճակատային գիծ: Որոշվեց նստաշրջանի աշխատանքը շարունակել հունիսի 17-ին:

Այսպիսով, ԼՂՀ առաջին գումարման ԳԻՄ առաջին նստաշրջանը ցույց տվեց, որ, ինչպես արդեն նշել ենք, ԼՂՀ-ում ոչ միայն չէին մարել ներքաղաքական հակասությունները, այլև, կարելի է ասել, դրանք զարգանում էին արդեն կայծակնային արագությամբ:

Դրանում կարևոր դեր են խաղացել արտաքին ուժերը, որոնք ամեն գնով ձգտում էին իշխանափոխություն իրականացնել ԼՂՀ-ում:

Պատմագրության մեջ հանիրավի կերպով չի բարձրանալու այն պատմական ճշմարտությունը, որ ԼՂՀ ԳԻՄ ընտրություններում հաղթանակեցին



և իշխանության եկան պաշտոնական Երևանի համար կատարելապես անցանկալի ուժեր, ինչը ՀՀ իշխանությունների, հատկապես նախագահ Լևոն Տեր-Պետրոսյանի համար անսպասելի էր: Ամենայն հավանականությամբ, նա գտնում էր, որ Արցախը կարող է որոշակի քաղաքական ինքնուրույնություն ձեռք բերել և գտնվել Հայաստանի ներքին կյանքից, իսկ արտաքին քաղաքական ասպարեզում իր պահանջները թելադրել, որպես անկախ երրորդ կողմ: Այսինքն՝ ՀՀ իշխանությունները կորցնում էին անչափ կարևոր խաղաքարտ, որն անհրաժեշտության դեպքում կարող էր ներքին կայունության գրավական լինել: ՀՀ նախագահը նաև երկյուղ ուներ, որ այդ խաղաքարտը կարող է օգտագործել ընդդիմությունը: Բացի այդ, պաշտոնական Երևանը կարող էր զրկվել հայադրբեջանական հակամարտության, ինչպես նաև Արցախյան շարժման մեջ առաջատարի դերից: ■

(Շարունակելի)

### Չդրված

<sup>1</sup> Նստաշրջանի ժամանակ լուր տարածվեց ՀՀ ԳԻՄ պատգամավոր Կ. Բալայանի առեւանգման մասին, ինչի հետևանքով քաղաքական մեծ աղմուկ բարձրացավ, և որոշ ժամանակ անց նա ազատ արձակվեց: Պատահարի հանգամանքները պարզելու համար ստեղծվեց պատգամավորական հանձնաժողով:

<sup>2</sup> «Երկիր», 03.06.1992թ.:

<sup>3</sup> «Արցախ», 08.06.1992թ.:

<sup>4</sup> Տե՛ս Հակոբյան Տ., 2011, 95:

<sup>5</sup> Տե՛ս ԱՀ պետարխիվ, Ֆոնդ 254, ցանկ 4, պահպանման միավոր 2, կապ 1, թերթ 98:

<sup>6</sup> Տե՛ս նույն տեղում, թ. 95:

<sup>7</sup> Տե՛ս նույն տեղում, թ. 86:

<sup>8</sup> Տե՛ս նույն տեղում, թ. 94:

## «Օղակ» գործողություն. արցախահայության բռնի տեղահանում և պետական ահաբեկչություն

Մարի Հովհաննիսյան  
Քաղաքագիտության մագիստրոս

Արցախյան հակամարտության պատմության մեջ «Օղակ» գործողությունը (ռուսերեն՝ Операция «Кольцо») պետական ահաբեկչության, էթնիկ գտումների և միջազգային հումանիտար իրավունքի զանգվածային խախտումների դասական օրինակ է: 1991 թվականի գարնանն ու ամռանն իրականացված այս ռազմական գործողությունը, որը պաշտոնապես ներկայացվում էր որպես «անձնագրային ռեժիմի ստուգում», իրականում նպատակ ուներ վերջնականապես լուծելու Արցախի հարցը՝ բնիկ հայ բնակչությանը բռնի տեղահանելու և տարածաշրջանի ժողովրդագրական պատկերն արմատապես փոխելու միջոցով:<sup>1</sup>

Սույն հոդվածի նպատակն է համապարփակ վերլուծության ենթարկել «Օղակ» գործողության պատմաքաղաքական նախադրյալները, իրագործման մեխանիզմները, ներգրավված դերակատարների պատասխանատվությունը և հումանիտար հետևանքները: Հոդվածում հատուկ ուշադրություն է դարձվում իրավական և քաղաքական որակումներին՝ միջազգային իրավունքի և արդի գիտական հայեցակարգերի համատեքստում համապատասխան գնահատական տալու նպատակով:

### Պատմական և աշխարհաքաղաքական համատեքստը

«Օղակ» գործողությունը պետք է դիտարկել և քննել Խորհրդային Միության փլուզման և դրան նախորդած էթնիկ լարվածությունների համատեքստում: Հակամարտության արմատները հասնում են 1921 թ., երբ ՌԿ(բ)Կ Կովկասյան Բյուրոյի որոշմամբ Լեռնային Ղարաբաղը կցվեց Ադրբեջանական ԽՍՀ-ին:<sup>2</sup> Տասնամյակներ շարունակ ադրբեջանական իշխանությունները վարել են հայկական ինքնության ճնշման և տարածաշրջանի «ադրբեջանականացման» հետևողական քաղաքականություն, ինչը 1988 թվականին հանգեցրեց Արցախյան շարժման վերածնունդին:<sup>3</sup>

1991 թվականին իրավիճակը ողջ ԽՍՀՄ-ում ճգնաժամային էր: ԽՍՀՄ կենտրոնական իշխանությունները՝ Միխայիլ Գորբաչովի գլխավորությամբ, փորձում էին պահպանել միասնական պետությունը նոր Միութենական պայմանագրի միջոցով: Հայաստանի Հանրապետությունը, որդեգրելով անկախության ուղին, բոլորեց 1991 թվականի մարտի 17-ի համամիութենական հանրաքվեն:<sup>4</sup> Ի հակադրություն Հայաստանի դիրքորոշման, Ադրբեջանի ղեկավարությունը՝ Այազ Մութալիբովի գլխավորությամբ, հավատարմություն հայտնեց Մոսկվային՝ դրա դիմաց ստանալով Խորհրդային Միության զինված ուժերի աջակցությունը հայկական դիմադրությունը ճնշե-



լու հարցում:<sup>4</sup> Այսպիսով, «Օղակ» գործողությունը դարձավ պատժիչ միջոցառում ընդդեմ Հայաստանի անկախության ձգտումների և Արցախի ինքնորոշման պայքարի:

### Գործողության ծրագրումը և հիմնական դերակատարները

«Օղակ» գործողության գաղափարախոսության մշակումն ու դրա իրագործման ծրագրի կազմումը սկսվել էր դեռևս 1989-1990 թվականներին: Ինչպես վկայում են արխիվային նյութերը և հետագայում արված հարցազրույցները, Ադրբեջանի Կոմկուսի կենտրոնի երկրորդ քարտուղար Վիկտոր Պոլյանիչևն այս ծրագրի գլխավոր ճարտարապետներից էր: Պոլյանիչևն նմանատիպ գործողություններ իրագործելու փորձ ձեռք էր բերել Աֆղանստանում: Նա էր կազմել հայաբնակ գյուղերի ամբողջական հայաթափման հրեշավոր ծրագիրը:<sup>5</sup>

Գործողությունն իրականացվում էր մի քանի ուժային կառույցների սերտ համագործակցությամբ: Հիմնական հարվածային ուժն ապահովում էին ԽՍՀՄ Պաշտպանության նախարարության զորքերը՝ մասնավորապես Գանձակում (Կիրովաբադ) տեղակայված 4-րդ բանակը և դրա կազմում գտնվող 23-րդ գվարդիական մոտոհրաձգային դիվիզիան: Գյուղերի անմիջական շրջափակումն ու «օղակի» ստեղծումն

իրականացնում էին ԽՍՀՄ ՆԳՆ ներքին զորքերը: Իսկ բնակավայրեր ներխուժելու, բռնություններ, թալան և բնակչության բռնի տեղահանում իրականացնելու գործառույթը վստահված էր «սև բերետավորներ» անվամբ հայտնի Ադրբեջանական ԽՍՀ ՆԳՆ հատուկ նշանակության միլիցիայի ջոկատներին (ՕՄՕՆ):<sup>6</sup>

Ադրբեջանի նախագահ Այազ Մութալիբովը խոստովանել է, որ դեռևս 1989 թվականին նման գործողությունների ծրագրեր են քննարկվել Մոսկվայի հետ:<sup>7</sup> Մոսկվան այս գործողությամբ փորձում էր քաղաքական ճնշում գործադրել հայ բնակչության վրա և ստիպել հրաժարվելու անկախության գաղափարից, մինչդեռ Բաքուն դիտարկում էր այն որպես տարածաշրջանի վերջնական հայաթափման հնարավորություն:<sup>8</sup>

### Գործողության իրականացման մեխանիզմը և փուլերը

«Օղակ» գործողությունն առանձնանում էր ռազմական հստակ մարտավարությամբ, որը կրկնվում էր բնակավայրից բնակավայր: Սկզբնական փուլում ԽՍՀՄ ներքին զորքերը և խորհրդային բանակի ստորաբաժանումները՝ օգտագործելով գրահատելանիկա (S-72 տանկեր, ՀՄՄ-ներ) և մարտական ուղղաթիռներ (ՄԻ-24), շրջափակում էին հայկական գյուղերը՝ կտրելով հաղորդակցության բոլոր ուղիները, հեռախոսակապը և էլեկտրաէներգիան:<sup>9</sup>

Երբ գյուղը հայտնվում էր լիակատար մեկուսացման մեջ, բարձրախոսներով հայտարարվում էր «անձնագրային ռեժիմի» ստուգման մասին: Գյուղացիներից պահանջում էին դուրս գալ տներից և հավաքվել կենտրոնական հրապարակում: Սա ծառայում էր որպես իրավական քողարկում լայնամասշտաբ բռնությունների համար: Այնուհետև գյուղ էին մտնում ադրբեջանական ՕՄՕՆ-ի ջոկատները և բնակարանների «զննության» անվան տակ թալանում, սպանում, խոշտանգում հայությանը:

Գործողությունը 1991 թվականի ապրիլի 30-ին սկսվեց Գետաշեն և Մարտունաշեն գյուղերի վրա հարձակմամբ:<sup>10</sup> Այս բնակավայրերը, գտնվելով ԼՂԻՄ սահմաններից դուրս, ունեին ռազմավարական մեծ նշանակություն: Գետաշենի պաշտպանությունը ղեկավարում էր Թաթույ Կրպեյանը, իսկ Մարտունաշենինը՝ Սիմոն Աչիբգյոյանը: Հարձակումը սկսվեց վաղ առավոտյան՝ զանգվածային հրետակոծությամբ: Չնայած խորհրդային բանակի տրամադրած ահռելի ուժային առավելությանը՝ հայ կամավորները ցույց տվեցին կատաղի դիմադրություն: Թաթույ Կրպեյանը, փորձելով կանխել խաղաղ բնակչության կոտորածը, գերի վերցրեց խորհրդային բանակի մի քանի սպաների, այդ թվում՝ գնդապետ Մաշկովին, օգտագործելով նրան որպես կենդանի վահան բանակցությունների համար: Այնուամենայնիվ, անհավասար պայքարում Թաթույ Կրպեյանը և Սիմոն Աչիբգյոյանը հերոսաբար զոհվեցին:<sup>11</sup>



Գյուղ ներխուժած ՕՄՕՆ-ականները դրսևորեցին ծայրահեղ դաժանություն: «Մեմորիալ» կազմակերպության տվյալներով՝ սպանվեցին տասնյակ մարդիկ, հիմնականում տարեցներ, ովքեր չէին կարողացել լքել տները: Բնակիչներին ուժով նստեցնում էին ուղղաթիռներ և տեղափոխում Ստեփանակերտ կամ Հայաստան՝ ստիպելով նախապես ստորագրել «կամավոր» հեռանալու մասին փաստաթղթեր:<sup>12</sup>

Գետաշենի և Մարտունաշենի անկումով սկզբնավորված «Օղակ» գործողության աշխարհագրությունն արագորեն ընդլայնվեց՝ ընդգրկելով Հյուսիսային Արցախի, Լեռնային Ղարաբաղի և հարակից շրջանների այլ հայաբնակ վայրեր ևս: Շահումյանի շրջանի այս առաջնագծային բնակավայրերի ամբողջական տեղահանումից հետո (ապրիլի 30 - մայիսի 8), արդեն մայիսի կեսերին բռնաճնշումների հաջորդ թիրախը դարձավ Հաղրութի շրջանը, որտեղ մայիսի 13-ից 16-ն ընկած ժամանակահատվածում խորհրդային զորքերի և ադրբեջանական ՕՄՕՆ-ի համատեղ գործողություններով իրականացվեց մի շարք հայկական գյուղերի բնակչության բռնի տեղահանությունը:<sup>13</sup>

1992 թվականի հունիսի 12-ին ադրբեջանական զինված ստորաբաժանումները, օգտագործելով Գանձակում տեղակայված խորհրդային նախկին 4-րդ բանակի զգալի ռազմական ներուժն ու սպառազինությունը, լայնածավալ հարձակողական գործողություն ծավալեցին Լեռնային Ղարաբաղի հյուսիս-արևելյան, արևելյան և հարավ-արևելյան սահմանագծի ողջ երկայնքով՝ Շահումյանից մինչև Հաղրութ: Ռազմական գործողությունների կիրառմամբ ադրբեջանական կողմը բռնագավթել է ամբողջ Շահումյանի շրջանը, Մարտակերտի շրջանի մեծ մասը, ինչպես նաև Ասկերանի շրջանի մի շարք գյուղեր:<sup>14</sup>

Այսպիսով, շուրջ երկու ամիս տևած «Օղակ» գործողության հետևանքով ընդհանուր առմամբ հայաթափվեց ավելի քան 24 գյուղ: Բռնի տեղահանված և սեփական հայրենիքից արտաքսված խաղաղ հայ բնակչության թիվը, ըստ պատմագիտական և իրավապաշտպան աղբյուրների համադրված տվյալների, կազմեց 10.000 մարդ:<sup>15</sup>



«Օղակ» գործողությունն ուղեկցվել է մարդու իրավունքների համակարգված և զանգվածային խախտումներով, որոնք արձանագրվել են ինչպես տեղական, այնպես էլ միջազգային իրավապաշտպան կառույցների, մասնավորապես՝ Helsinki Watch (ներկայումս՝ Human Rights Watch) կազմակերպության զեկույցներում: Գործողության ընթացքում իրականացված բռնությունները ներառում էին արտադատական սպանություններ, ֆիզիկական խոշտանգումներ և անձնագրային ռեժիմի ստուգման պատրվակով խաղաղ բնակչության, այդ թվում՝ կանանց և երեխաների նկատմամբ կիրառված ուժային հարկադրանք, ինչի հետևանքով սպանվեց շուրջ 100 հայ խաղաղ բնակիչ:<sup>16</sup>

Արձանագրվել են նաև մարդկանց ողջ-ողջ այրելու և մարմնական ծանր խեղումների ենթարկելու առանձին փաստեր:

Բնակչության ահաբեկման և հայկական ինքնապաշտպանական ջոկատների վրա լրացուցիչ քաղաքական ու հոգեբանական ճնշում գործադրելու նպատակով լայնորեն կիրառվել է պատանդառության մարտավարությունը: «Օղակ» գործողության ողջ ընթացքում պատանդ է վերցվել շուրջ 700 հայ: Նրանց զգալի մասը տեղափոխվել է Գանձակի քննչական մեկուսարան և բանտեր, որտեղ ձերբակալվածները ենթարկվել են համակարգված խոշտանգումների ու արժանապատվությունը նվաստացնող վերաբերմունքի:<sup>17</sup>

Մարդկային կորուստներին զուգահեռ, գործողությունն ուներ ընդգծված տնտեսական բաղադրիչ, որն արտահայտվում էր խաղաղ բնակչության գույքի համատարած կողոպուտով ու ոչնչացմամբ: Բնակչության բռնի տեղահանումից անմիջապես հետո ադրբեջանական ՕՄՕՆ-ը և տեղի ադրբեջանցի բնակիչները հրկիզում էին հայերի տները, թալանում գյուղտեխնիկան, յուրացնում անասունը և միտումնավոր ոչնչացնում այն ամենը, ինչը հնարավոր չէր կողոպտել:<sup>18</sup> Գույքի և կենսական ենթակառուցվածքների այսօրինակ կազմակերպված ոչնչացումն ուներ

հստակ ռազմավարական նպատակ՝ ամբողջությամբ բացառել հայերի հնարավոր վերադարձը հայրենի օջախներ:

### Համաշխարհային մամուլի արձագանքը

Չնայած խորհրդային տեղեկատվական շրջափակմանը՝ «Օղակ» գործողության մասին տեղեկությունները ներթափանցեցին միջազգային լրահոս: Արևմտյան մի շարք լրատվամիջոցներ տեղի ունեցածը բնութագրում էին որպես էթնիկ զտում և պետական մակարդակով կազմակերպված ահաբեկչություն:

Ամերիկյան և բրիտանական խոշորագույն լրատվական գործակալություններն ու հեռուստատաղիորնկերությունները, մասնավորապես՝ Associated Press-ը, United Press International-ը, Reuters-ը, BBC-ն, ինչպես նաև CNN հեռուստարնկերությունը (որը 1991 թ. ապրիլի 30-ին կեսժամանոց հատուկ թողարկում հեռարձակեց Գետաշենի դեպքերի վերաբերյալ), ռուսերենով և անգլերենով պարբերական տեղեկատվություն էին հաղորդում Արցախում և Շահումյանում տեղի ունեցող բռնագաղթի մասին:<sup>19</sup>

Միջազգային մամուլի վերլուծություններում հստակորեն մատնանշվում էր Մոսկվայի կողմնակալ դիրքորոշումը. The Washington Post պարբերականում Մայքլ Դոբսն արձանագրում էր, որ ռազմական գործողությունները ծավալվել են այն բանից հետո, երբ տանկերով ու զրահամեքենաներով գինված խորհրդային ՆԳՆ զորքերը ադրբեջանական ՕՄՕՆ-ի հետ համատեղ շարժվել են հայաբնակ գյուղերի վրա՝ փորձելով նախագահ Մ. Գորբաչովի գլխավորությամբ Հայաստանը ներքաշել պատերազմի մեջ: Իր հերթին, The Washington Times-ը շեշտում էր, որ ԽՍՀՄ նախագահը, ՊԱԿ-ը և ՆԳՆ-ն մեղադրվում են պետական ահաբեկչություն թույլ տալու մեջ, իսկ The Los Angeles Times-ն արձանագրում էր, որ «Անկախության ուղի բռնելու համար Հայաստանը պատժվեց Խորհրդային Միության իշխանությունների կողմից»:<sup>20</sup>

### Իրավական գնահատական. Էթնիկ զտում, թե՛ ցեղասպանություն

«Օղակ» գործողության իրավական որակումն առանցքային է պատմական արդարության վերականգնման համար: «Օղակ» գործողության ընթացքում իրագործված արարքները, արդի գիտական և միջազգային-իրավական վերլուծություններում, դասակարգվում են երկու հիմնական հասկացությունների շրջանակներում:

Միջազգային իրավունքի տեսանկյունից «Օղակ» գործողությունն իրագործման մեթոդաբանությամբ և նպատակադրմամբ դասական էթնիկ զտում է: Ըստ ՄԱԿ-ի սահմանման՝ այս երևույթը բնորոշվում է որպես մի էթնիկ խմբի կողմից մյուսին որոշակի տարածքից բռնի ուժով հեռացնելու նպատակաուղղված քաղաքականություն:<sup>21</sup> Գործողության ըն-

թացքում արձանագրված և համակարգված բնույթ կրող այնպիսի հանցագործությունները, ինչպիսիք են արտադատական սպանությունները, պատանդառությունը, ֆիզիկական խոշտանգումներն ու խաղաղ բնակչության գույքի միտումնավոր ոչնչացումը, միջազգային պրակտիկայում դիտարկվում են որպես էթնիկ զտումների իրագործման բազային գործիքակազմ:

Միննույն ժամանակ, համաձայն 1948 թվականի «Ցեղասպանության հանցագործությունը կանխարգելելու և պատժելու մասին» ՄԱԿ-ի կոնվենցիայի II հոդվածի՝ ցեղասպանություն է համարվում որոշակի ազգային, էթնիկական, ռասայական կամ կրոնական խմբի անդամների սպանությունը կամ նրանց համար կանխամտածված այնպիսի կենսապայմանների ստեղծումը, որոնք միտված են այդ խմբի լրիվ կամ մասնակի ֆիզիկական ոչնչացմանը:<sup>22</sup> Այս համատեքստում, Հյուսիսային Արցախի հայաբնակ գյուղերում իրականացված կազմակերպված կոտորածները, բնակչության ամբողջական բռնի տեղահանումն ու կենսական միջավայրի հետևողական ոչնչացումը լիովին համապատասխանում են ցեղասպանության հանցակազմի իրավական հատկանիշներին:

Հատկանշական է, որ միջազգային կառույցները ոչ միայն ժամանակին չտվեցին «Օղակ» գործողության պատշաճ իրավաբաղաբական գնահատական, այլև տասնամյակներ շարունակ դրա կազմակերպիչներն ու անմիջական իրագործողներն այդպես էլ չենթարկվեցին քրեաիրավական պատասխանատվության: Միջազգային իրավունքի տեսանկյունից այս հանցագործության համար պատասխանատվությունը բաշխվում է երկու հիմնական՝ պետական<sup>23</sup> և անհատական քրեական մակարդակներում:

Պետական պատասխանատվության տիրույթում առաջնային սուբյեկտ է Ադրբեյջանի Հանրապետությունը, որը, որպես Ադրբեյջանական ԽՍՀ իրավահաջորդ, կրում է ուղղակի պատասխանատվություն իր վարչական սահմաններում իրականացված էթնիկ զտումների, մարդու իրավունքների զանգվածային խախտումների և բռնի տեղահանությունների համար: Նույն տրամաբանությամբ, իրավական պատասխանատվության համապարտ բաժին է կրում նաև Ռուսաստանի Դաշնությունը՝ որպես ԽՍՀՄ միջազգային-իրավական իրավահաջորդ և շարունակող պետություն, քանի որ խորհրդային կենտրոնական իշխանության վերահսկողության տակ գտնվող կանոնավոր գործերն ու ՆԳՆ ստորաբաժանումները գործուն և առանցքային աջակցություն են ցուցաբերել այդ հանցագործությունների իրագործմանը:

Պետական պատասխանատվությանը զուգահեռ ժամանակակից իրավագիտության մեջ գործում է նաև անհատական քրեական պատասխանատվության սկզբունքը:<sup>24</sup> Այս համատեքստում, Ադրբեյջանի նախկին նախագահ Այազ Մուխայիբովի, Ադրբեյջանի կոմկուսի կենտրոնի երկրորդ քարտուղար Վիկտոր Պոլյանիչկոյի, ինչպես նաև գործողությանը մասնակից խորհրդային և ադրբեյջանական բարձրաստիճան



զինվորականների ու հրամանատարների նպատակաուղղված գործողությունները, ըստ միջազգային քրեական իրավունքի չափանիշների, բնորոշվում են որպես պատերազմական հանցագործություններ և մարդկության դեմ ուղղված արարքներ, որոնք չունեն վաղեմության ժամկետ:

### Եզրակացություն

«Օղակ» գործողությունը դարձավ այն «կարմիր գիծը», որից հետո Արցախյան հակամարտությունն անդառնալիորեն անցավ լայնամասշտաբ պատերազմական փուլի:

Հայկական կողմի համար սա դաս եղավ, որ միայն սեփական զինված ուժերի ստեղծումը կարող է երաշխավորել բնակչության ֆիզիկական անվտանգությունը: Սա խթանեց Հայաստանի Պաշտպանության նախարարության ձևավորումը 1992 թվականին և կամավորական ջոկատների միավորումը կանոնավոր բանակի կազմում:

«Օղակ» գործողությունը սուկ տեղային ռազմական իրադարձություն չէր, այլ պետականորեն ծրագրված էթնիկ զտման քաղաքականություն, որի հեռահար նպատակն Արցախում հայկական գործոնի լիակատար վերացումն էր: Մայրամուտին գտնվող խորհրդային կայսրության իրական դեմքը բացահայտած այս իրադարձությունների իրավական գնահատականը պետք է լինի անդառնալի. դրանք մարդկության դեմ ուղղված հանցագործություններ են, որոնք չունեն վաղեմության ժամկետ: 1991 թվականի այս դասերն արդիական են նաև այսօր, քանի որ միջազգային հանրության այնժամանակյա լռությունն ու անպատժելիության նախադեպը ճանապարհ հարթեցին Ադրբեյջանի հետագա ագրեսիաների համար՝ վկայելով, որ առանց անցյալի հանցագործությունների իրավական ճանաչման հնարավոր չէ կառուցել կայուն և արդար տարածաշրջանային ապագա:

Այս առումով, 1991 թվականի և 2023 թվականի պատմական ողբերգությունների միջև առկա է բացահայտ պատճառահետևանքային կապ, որի հիմքում

ընկած է հենց անպատժելիության սինդրոմը: 1991-ին իրականացված պետական ահաբեկչությունն ու էթնիկ զտումները այդպես էլ չարժանացան պատշաճ միջազգային արձագանքի, ինչը կանաչ լույս վառեց Բաքվի հաջորդող ռազմական նկրտումների համար: Սրա հետևանքով 32 տարի անց նույնությամբ կրկնվեց մինևույն մեթոդաբանությունը. այն սցենարը, որն Ադրբեջանը փորձարկեց «Օղակ» գործողության ընթացքում՝ ներառելով բնակավայրերի լիակատար շրջափակումը, հումանիտար ճնշումը, հոգեբանական տեռորը, ավելի մեծ ծավալով արտապատկերվեց 2022-2023 թվականներին՝ Արցախի 10-ամյա շրջափակման, Բերձորի միջանցքի արգելափակման և 2023 թ. սեպտեմբերի 19-ի ռազմական ագրեսիայի ժամանակ:

Արձանագրված փաստերը վերահաստատում են Ադրբեջանի որդեգրած ռազմավարական նպատակների նույնականությունը, այն է՝ հայության նկատմամբ ցեղասպանական քաղաքականության հետևողական իրագործումը: Եթե 1991 թվականին «Օղակ» գործողությունը Արցախի լայնածավալ էթնիկ զտման մեկնարկային փուլն էր, ապա 2023 թվականին Ադրբեջանի պետական քաղաքականությամբ ավարտին հասցվեց այդ ցեղասպանական ծրագիրը՝ բնօրրանից բռնի տեղահանելով բնիկ հայ ժողովրդին և ամբողջապես հայաթափելով Արցախը: Ուստի, պատմագիտական լիակատար հիմքերով կարող ենք պնդել, որ «Օղակ» գործողությունն Արցախի ամբողջական բռնազավթման և հայաթափման փորձնական տարբերակն էր՝ յուրօրինակ մի մեթոդաբանական լաբորատորիա, որտեղ մշակված և փորձարկված գործիքակազմը, միջազգային հանրության անտարբերության պայմաններում, Ադրբեջանի կողմից հաջողությամբ և ամբողջ ծավալով կիրառվեց 2023 թվականին: ■

Հղումներ

\* Տես Աշոտ Մելքոնյան (խմբ.), Հայոց պատմություն, հղ. IV, գիրք 2-րդ (Ժամանակակից շրջան) (Երևան: «Ջանգալ» հրատարակչություն, 2016), էջ 442-445; Ղարաբաղյան հիմնախնդիր. Փաստաթղթերի և նյութերի ժողովածու (1988-2001 թթ.) (Երևան: ՀՀ ԱԳՆ, 2002), էջ 84-89: Հմմտ. Human Rights Watch / Helsinki Watch, Bloodshed in the Caucasus: Escalation of the Conflict in Nagorno Karabakh (New York: Human Rights Watch, 1992), pp. 9-11; Правозащитный центр «Мемориал», Нарушения прав человека в ходе проведения операции «Кольцо» в связи с конфликтом в Нагорном Карабахе (апрель-июль 1991 г.) (Москва: Мемориал, 1991), с. 12-15; Thomas de Waal, Black Garden: Armenia and Azerbaijan Through Peace and War (New York: New York University Press, 2003), pp. 114-117.

<sup>1</sup> ՌՎ(Բ) Կ Կովկասյան բյուրոյի 1921 թ. հուլիսի 5-ի որոշման տեքստի և պատմական համատեքստի համար տես Արցախի պատմությունը. Փաստաթղթերի և նյութերի ժողովածու (Երևան: ՀՀ ԳԱ Պատմության ինստիտուտ, 2015), էջ 214: Հմմտ. Gérard Chaliand, The Karabagh Crisis: Context and Factors, in: Minorities in the Age of Nation-States (London: Pluto Press, 1989), pp. 54-57.

<sup>2</sup> Լենդրուշ Խուրշուդյան, Ղարաբաղյան հիմնախնդիրը (պատմա-

կան ակնարկ) (Երևան: ԵՊՀ, 1999), էջ 48: Լ.Գ.Մ հայության տնտեսական ու ժողովրդագրական ճնշումների, այդ թվում՝ տարածաշրջանի ժողովրդագրությունը փոխելու վերաբերյալ Հեյդար Ալիևի բացահայտ խոստովանությունների մասին տես De Waal, Black Garden, pp. 138-139.

<sup>3</sup> ՀՀ Գերագույն խորհրդի 1991 թ. հունվարի 30-ի և մարտի 1-ի որոշումները համամիութենական հանրաքվեին չմասնակցելու և սեպտեմբերի 21-ին ՀՀ անկախության հանրաքվե անցկացնելու մասին տես Ղարաբաղյան հիմնախնդիր. Փաստաթղթերի և նյութերի ժողովածու (1988-2001 թթ.) (Երևան: ՀՀ ԱԳՆ, 2002), էջ 78-81: Պատմաքաղաքական համատեքստի համար տես նաև Աշոտ Մելքոնյան (խմբ.), Հայոց պատմություն, հղ. IV, գիրք 2-րդ (Երևան: «Ջանգալ», 2016), էջ 440:

<sup>4</sup> ԽՍՀՄ կենտրոնական իշխանությունների և Ադրբեջանի ղեկավարության քաղաքական փոխհամաձայնության և դրա հետևանքով խորհրդային բանակի ու ներքին գործերի ներգրավման մասին տես Правозащитный центр «Мемориал», Нарушения прав человека в ходе проведения операции «Кольцо»..., с. 6-8: Հմմտ. Svante E. Cornell, Small Nations and Great Powers: A Study of Ethnopolitical Conflict in the Caucasus (London: Routledge, 2001), p. 78; De Waal, Black Garden, p. 114.

<sup>5</sup> Վ. Պոլյանիչկոյի կողմից Լ.Գ.Մ կազմկոմիտեի միջոցով 1989-1990 թթ. հայաթափման ծրագրերի նախապատրաստման և նրա «աֆղանական փորձի» կիրառման մասին մանրամասն տես De Waal, Black Garden, pp. 104-106: Տես նաև ԽՍՀՄ ժողովրդական պատգամավորների վկայություններն ու զեկույցները՝ Информационный бюллетень Правозащитного центра «Мемориал», № 3, 1991, с. 9.

<sup>6</sup> Բարսեղյան-Կրպեյան Ի., «Թաթուլ Կրպեյան. Հյուսիսային Արցախի Գետաշենի ենթաշրջանի ինքնապաշտպանությունը», Երևան, 2016, էջ 125-126:

<sup>7</sup> De Waal, Black Garden, p. 114:

<sup>8</sup> Правозащитный центр «Мемориал», Нарушения прав человека в ходе проведения операции «Кольцо»..., с. 4-6; De Waal, Black Garden, pp. 115-116; Cornell, Small Nations and Great Powers, p. 78; Հայոց պատմություն, հղ. IV, գիրք 2-րդ, էջ 441-442:

<sup>9</sup> Բալայան Վ., Արցախի պատմությունը. Հնադարից մինչև մեր օրեր, Երևան, 2011, էջ 270:

<sup>10</sup> Այս մասին առավել մանրամասն տես հեղինակի՝ ««Օղակ» գործողության նախերգանքը. Արցախի հյուսիսային դարպասի՝ Գետաշենի և Մարտունաշենի անկումը» հոդվածում, Դրօշակ, 2026, թիվ 5, էջ 33-37:

<sup>11</sup> Բարսեղյան-Կրպեյան Ի., «Թաթուլ Կրպեյան...», էջ 85-125:

<sup>12</sup> Правозащитный центр «Мемориал», Нарушения прав человека в ходе проведения операции «Кольцо» в ЛН.Գ.Հ (апрель-май 1991 г.), Москва, 1991, с. 14-16, 21-23.

<sup>13</sup> Բալայան Վ., Արցախի պատմությունը., էջ 271:

<sup>14</sup> Նշված աշխ., էջ 273:

<sup>15</sup> Правозащитный центр «Мемориал», նշվ. աշխ., էջ 4, 24:

<sup>16</sup> <https://www.hrw.org/report/1992/09/01/bloodshed-caucasus/escalation-armed-conflict-nagorno-karabakh> (հասանելիության ամսաթիվը՝ 10.06.2026 թ.):

<sup>17</sup> Правозащитный центр «Мемориал», նշվ. աշխ., էջ 21-25, 29-31:

<sup>18</sup> Բարսեղյան-Կրպեյան Ի., «Թաթուլ Կրպեյան...», էջ 225:

<sup>19</sup> Նշված աշխ., էջ 212:

<sup>20</sup> “The Washington Post”, Dobbs Michael. “Armenia-Azerbaijan clash leaves at least 25 dead”, May 2, 1991.

<sup>21</sup> <https://www.un.org/en/genocide-prevention/definition> (հասանելիության ամսաթիվը՝ 12.06.2026 թ.):

<sup>22</sup> <https://www.un.org/en/genocide-prevention/definition> (հասանելիության ամսաթիվը՝ 11.06.2026 թ.):

<sup>23</sup> [https://legal.un.org/ilc/texts/instruments/english/draft\\_articles/9\\_6\\_2001.pdf](https://legal.un.org/ilc/texts/instruments/english/draft_articles/9_6_2001.pdf) (հասանելիության ամսաթիվը՝ 20.06.2026 թ.):

<sup>24</sup> [https://legal.un.org/ilc/texts/instruments/english/draft\\_articles/7\\_4\\_1996.pdf](https://legal.un.org/ilc/texts/instruments/english/draft_articles/7_4_1996.pdf) (հասանելիության ամսաթիվը՝ 20.06.2026 թ.):

## Տարագիրների հանդեպ քաղաքականությունը Հայաստանի Առաջին հանրապետությունում (ըստ Կ. Պոլսի «Ճակատամարտ» օրաթերթի հրապարակումների)

Մարիամ Հովսեփյան

ԳԱԱ Պատմության ինստիտուտի ավագ գիտաշխատող,  
բանասիրական գիտությունների թեկնածու

«Ճակատամարտ» օրաթերթը հրատարակվել է 1918-1924 թթ. Օսմանյան Թուրքիայի մայրաքաղաք Կ. Պոլսում: Այն ունեցել է բարձր վարկանիշ: Պարբերականի հրապարակումների օգնությամբ կաշխատենք ներկայացնել Հայաստանի Առաջին հանրապետության կողմից արևմտահայ տարագիրների և որբերի համար իրականացվող ծրագրերը, այդ ոլորտում թերթի բարձրացրած առաջնահերթ կարևորության հիմնախնդիրները և դրանց լուծման նպատակով խմբագրակազմի առաջարկած տարբերակներն ու եղանակները: Պետք է փաստել, որ «Ճակատամարտը» ՀՅԴ ոչ պաշտոնական օրգանն էր ու համարվում էր այդ կուսակցության Արևմտյան բյուրոյի 1909-1915 թթ. պաշտոնաթերթ «Ազատամարտի» իրավահաջորդը:<sup>1</sup> Այն «Ազատամարտի» նման կարողացել է վեր կանգնել նեղ կուսակցականությունից՝ դառնալով ժողովրդական կամ հանրային սիրված ու փնտրված պարբերական: Այստեղ արժարժվում էին տարբեր տեսակետներ մտահոգիչ հիմնախնդիրների վերաբերյալ: Թուրքական իշխանությունների գրաքննության պայմաններում անգամ թերթի լրագրողներն ու թղթակիցները, ի պատիվ իրենց, փորձել են հնարավորինս պահպանել ազատ խոսքի իրավունքը:

1918 թվականի հոկտեմբերի 30-ին Մուդրոսում Անտանտի և թուրքական իշխանությունների միջև կնքված զինադադարի պայմանագիրը<sup>2</sup> հնարավոր դարձրեց թուրքերի գերեվարած և նրանց կողմից բռնի կերպով տեղահանված հայերի վերադարձը Կ. Պոլիս և իրենց նախկին բնակավայրերը:<sup>3</sup> Այդ փաստաթուղթն Առաջին աշխարհամարտում պարտության կրած Թուրքիայում բնակվող ազգություններին տալիս էր խոսքի և հասարակական գործունեության ազատություն: Օգտվելով երկրում ստեղծված հանգամանքներից՝ արևմտահայ հայտնի հրապարակախոս, «Ազատամարտի» պատասխանատու խմբագիրներից Հակոբ Միրունին (Ճոլոյանը) և նրա գաղափարակից ընկերները որոշել էին հրատարակել «Ճակատամարտ» օրաթերթը:<sup>4</sup> «Ճակատամարտը» 1918-1920 թթ. գրեթե բոլոր համարներում անդրադարձել էր հայ գաղթականների ունեցրելու և որբերի ու ծագման խնդիրներին «Վերապրողները», «Գավառի ձայներ» և «Հայկական կյանք» խորագրերի ներքո, ինչպես նաև՝ «Մեր խոսքը» վերնագրով խմբագրականներում: Հայոց ցեղասպանությունից մազապուրծ տարագիրներն ապաստան էին փնտրել



հարևան երկրներում, իսկ Հայաստանի Առաջին հանրապետության հիմնադրումից հետո նրանց մեծ մասը համախմբվել էր հենց այնտեղ՝ փրկված ու անկախ հայրենիքում: Նրանք հուսով էին, որ շուտով վերադառնալու էին Էրզրոն՝ իրենց ծննդավայր հայրենիքը: Սակայն մինչ կհասներ այդ բաղձալի օրը, փորձում էին գոյատևել Անկախացած Հայաստանում, որտեղ մոլեգնում էր սովը, և չկային ապրուստի ու կեցության տարրական պայմաններ: Հայոց նորաստեղծ պետությունը հնարավորության սահմաններում անում էր ամենը՝ հայ գաղթականների և որբերի կյանքը փրկելու, նրանց կացարանի և գոյատևման հիմնահարցերը լուծելու համար: Փաստենք, որ եթե չլիներ արտաքին օգնությունը, ապա 1918-1920-ականներին Հայաստանում ապաստանած գաղթականներին ու որբերին սովամահությունը կպատուհասեր: 1918 թ. հոկտեմբերին Միմոն Վրացյանը գրում էր, որ սպառվել էին երկրի հացի պաշարները. «Ոչ միայն գաղթականությունը, այլև տեղացիներից շատերը մատնեցին սովամահության: 6 ամսայ ընթացքում սովից ու հիանդություններից Հայաստանում մեռաւ մօտ 180.000 մարդ»:<sup>5</sup> 1918 թ. նոյեմբերին Հայաստանում գտնվող յուրաքանչյուր 5000 որբից 480-ը մահանում էր:<sup>6</sup> Սովը Հայաստանում շարունակվել էր մինչև 1919 թ. կեսերը, և այդ ընթացքում տասնյակ հազարավոր գաղթական-



ներ ու որբեր էին մահացել սովից ու համաճարակներից:<sup>7</sup>

1918 թ. հուլիսին Հայաստանում գործում էր 35 որբանոց՝ ավելի քան 2250 որբերով, իսկ Վրաստանում՝ 27 որբանոց ավելի քան 1950 որբերով:<sup>8</sup> 1918 թ. սեպտեմբերին Հայաստանում որբանոցների թիվը դառնում է 32, իսկ որբերինը՝ 2400:<sup>9</sup> Այդ որբանոցների կարիքները հոգում էին մի շարք բարեգործական կազմակերպություններ, ի թիվս որոնց՝ «Նորայրական օգնության» կոմիտեն, Մոսկվայի Հայկական կոմիտեն, Կովկասի Հայկական բարեգործական ընկերությունը, Անգլիական բարեգործական ընկերությունը, Ամերկյանը և այլն:<sup>10</sup> 1919 թ. հունվարին Հայաստանում առկա էր 46 որբանոց 6567 որբերով:<sup>11</sup> 1919 թ. ապրիլի 25-ին Հայաստանի կառավարությունում ներկայացված զեկուցագրի տվյալներով՝ Հայաստանի Առաջին հանրապետությունում ապաստանած արևմտահայ գաղթականների թիվը 263.000 էր, իսկ Ատրպատականում, Վրաստանում, Հյուսիսային Կովկասում, Ռուսաստանի այլ բնակավայրերում՝ 200.000:<sup>12</sup> Նույն զեկուցագրից պարզվում էր, որ Հայաստանում գտնվում էին ավելի քան 40.000 որբեր, որոնցից 15.612-ը տեղավորված էին որբանոցներում:<sup>13</sup>

Պետք է նկատի ունենալ նաև այն հանգամանքը, որ 1918 թ. սկզբներին թուրքերի՝ Արևելյան Հայաստան ներխուժելու հետևանքով գաղթական էին դարձել արևելահայ որոշ բնակավայրերի (Կարսի, Ալեքսանդրապոլի, Սուրմալուի, Էջմիածնի, Ղարաբաղի, Կարաբաղի և այլն) բնակիչներից շատերը, և այդպիսով՝ Հայաստանի Առաջին հանրապետության բնակչության գրեթե կեսը՝ 450.000-ը, գաղթականի կարգավիճակում էր հայտնվել:<sup>14</sup>

Գաղթականների խնդիրներով զբաղվում էր պետական 4 կառույց՝ Հայաստանի հողերի դարձնող գաղթականության հարցերի մշտական հանձնաժողովը, խնամատարության ու աշխատանքի, ներքին գործերի և հանրային կրթության նախարարությունները:

1918 թ. Հայաստանում ընդունվել էին մի շարք օրենքներ՝ ուղղված տարագիր գաղթականների առջև ծառայած կենսական խնդիրների լուծմանը: Պետությունը փորձում էր սովի, համաճարակների, պա-

տերազմական իրավիճակում անգամ հնարավորինս հոգավ գաղթականների և որբերի ներգաղթի, կեցության, խնամքի, աշխատանքով ապահովվածության, կրթության և առողջության պահպանման հարցերը:

ԳԱԱ Պատմության ինստիտուտի հրատարակած «Հայոց պատմություն» բազմահատորյակից տեղեկանում ենք հետևյալ մանրամասներին. «Գաղթականների դրամական նպաստը օրական կազմում էր 60 կոպեկ (մեկ շնչի հաշվով): Գաղթականների սոցիալական պաշտպանության նպատակից էլնելով՝ յուրաքանչյուր շնչին օրական տրվում էր կես ֆունտ այլուր՝ որպես նվազագույն չափաբաժին: 1918 թ. հոկտեմբերի մեկից մինչև 1919 թ. հունվարի մեկը գաղթականությանը ցույց տրված օգնության ծախսերը, ըստ կառավարության կազմած նախահաշվի, կազմել էին ավելի քան 12.7 միլիոն ռուբլի: Կառավարության կազմած նախահաշվով՝ 10 հազար որբի ծախսերը հոգալու համար ամսական պահանջվում էր 1.5 միլիոն ռուբլի»:<sup>15</sup> - Նշված է վերոհիշյալ գրքում:

Հայոց նորաստեղծ պետությունը, 1918 թ. հոկտեմբերի 11-ին ընդունված օրենքի համաձայն, ստանձնել էր որբերի խնամքն ու դաստիարակությունը: Դեկտեմբերին խնամատարության և աշխատանքի նախարարության զեկույցի համաձայն՝ Հայաստանում ապաստանել էին շուրջ 40.000 որբեր, որոնցից 15.612-ն էին խնամվում պետական ու բարեգործական կազմակերպությունների կողմից:<sup>16</sup> Կային 50 որբանոցներ, որոնցից թվով ամենաշատ՝ 1219 որբ էր ապաստանել Ալեքսանդրապոլում գործող որբանոցը:<sup>17</sup>

1919 թ. ապրիլին խնամատարության և աշխատանքի նախարարությունը երկրի տարածքում գտնվող որբանոցներում և այլ վայրերում, այդ թվում՝ փողոցներում ապրող որբերի խնամքը հանձնում է Ամերկումին՝ Մերձավոր Արևելքի Ամերիկյան նպաստամատույց կոմիտեին,<sup>18</sup> որը ստանձնել էր նաև Վրաստանում հայտնված հայ որբերի խնամքը:<sup>19</sup> Ամերկումի խնամքին թողնված հայ որբերի կրթության և դաստիարակության խնդիրներն սկզբնապես դրվել էին խնամատարության և աշխատանքի նախարարության վրա:<sup>20</sup> 1919 թ. հունիսի 5-ի Նախարարների խորհրդի որոշմամբ Ամերկումին հանձնված որբանոցների սաների կրթության և դաստիարակության գործառնությունը հանձնվել էր հանրային կրթության նախարարությանը:<sup>21</sup> 1919 թ. մայիսից խնամատարության և աշխատանքի նախարարությանը ենթակա որբանոցները պետությունը հանձնում է Ամերկումին:<sup>22</sup>

1919 թ. մայիսին Հայաստանում գործում էին 86 որբանոց և մանկական 10 հիվանդանոց, որոնցում եղած որբերի թիվը 13.820 էր:<sup>23</sup>

Հայաստանի Առաջին հանրապետության որբանոցների գործերի գլխավոր կառավարիչը բժիշկ Գրիգոր Սաղյանն էր:<sup>24</sup>

Հայաստանում սոցիալական պայմանների որոշակի բարելավմանը զուգընթաց՝ կառավարությունը որոշում է Ամերկումի խնամքին հանձնված որբանոցները կամ գոնե դրանց մի մասը վերցնել իր խնամքի տակ, որպեսզի հայ որբերը չենթարկվեն ամերիկյան

դաստիարակության և վարք ու բարքի, նաև՝ կրոնագաղափարական ազդեցությանը:<sup>25</sup> Արդեն 1919 թ. հուլիսին Հայաստանն այդ կազմակերպությունից ետ է վերցնում 25 որբանոց ու մանկական 4 հիվանդանոց, որոնցում խնամվում էր 2498 որբ:<sup>26</sup> Նույն թվականի աշնանը Հայաստանի որբանոցներում (թե՛ պետական, թե՛ Ամերկումի) գտնվող որբերի թիվը 23.110 էր:<sup>27</sup>

Հայոց պետության կողմից իրականացվող որբախնամում ու գաղթականների տեղավորման, նրանց խնդիրները լուծելու նպատակով կատարվող աշխատանքները հանգամանորեն ներկայացվել են «Ճակատամարտ» օրաթերթի էջերում՝ առավելապես «Կյանքը Հայաստանի մեջ» խորագրի ներքո: Օրինակ՝ «Մով կա» հոդվածում պատկերացում էր տրվում, թե տիտանական ինչ ջանքեր էր գործադրում Հայաստանի կառավարությունը գաղթականների տեղավորման, ներգաղթի և պարենավորման հիմնահարցերը վերացնելու ուղղությամբ:<sup>28</sup> Դա արվում էր մի երկրի կողմից. «որից կտրում էին բոլոր հացառատ վայրերը, որ ինքը քաղցած լինելով, կերակրում էր կէս միլիոնի հասնող գաղթականների հսկայական քանակը»:<sup>29</sup>

Հայաստանի Առաջին հանրապետության պետական այրերին մշտապես զբաղեցրել է արևմտահայ գաղթականներին և որբերին դեպի Էրզրոն ներգաղթեցնելու խնդիրը: Հատկապես խոսքը վերաբերում է 1920 թ. գարնան ժամանակահատվածին, երբ այդ հարցի լուծման փնտրտույքը հանձնարարվել էր կոնկրետ մարմնի՝ 1920 թ. մարտին հիմնված ներգաղթի հանձնաժողովին: Այս կառույցը պետք է ծրագիր մշակեր, ըստ որի՝ Հայաստանում և դրա սահմաններից դուրս գտնվող արևմտահայ տարագիրները պիտի վերադառնային Արևմտյան Հայաստան: Այս շրջանում ստեղծվել էին պատմաքաղաքական որոշակի հանգամանքներ, որոնք հնարավորություն էին տալու Թուրքիայի հետ ձեռք բերել պայմանավորվածություն՝ արևմտահայ գաղթականների և որբերի վերադարձի վերաբերյալ:<sup>30</sup>

Արևմտահայ տարագիրների ներգաղթի խնդիրներն իրենց անդրադարձն են գտել «Ճակատամարտի» էջերում: Թերթի հրապարակումներում զգացվում է մտահոգություն և թերահավատություն, որ Թուրքիան թույլ կտար նրանց վերադառնալ իրենցից բռագրավված հայրենիքն ու հայրենի շենքերը: Թեև խմբագրակազմն առաջարկում էր Հայաստանի Հանրապետության կառավարությանը եռանդուն կերպով պահանջել թուրքական իշխանություններից հնարավորություն և իրավունք տալ գաղթականներին վերադառնալու իրենց ծննդավայրը,<sup>31</sup> բայց նաև գիտակցում էր, որ Թուրքիան չէր բավարարելու Հայաստանի այդ պահանջը: Այս առումով բնորոշ է 1918 թ. դեկտեմբերի 31-ին օրաթերթում տպագրված Հայաստանի Առաջին հանրապետության արտաքին գործերի նախարարության կողմից թուրքական կառավարությանը հղված ծանուցագիրը, որում արտահայտված էր բողոք հայ գաղթականների վերադարձն արգելող թուրքական քաղաքականության դեմ:<sup>32</sup>



1919 թ. մարտի 20-ին «Ճակատամարտը» տպագրել է Հայաստանի վարչապետ Հովհաննես Քաջազունու հեռագիրը՝ ուղղված Թիֆլիսի Դաշնակից պետությունների զինվորական պետին, որտեղ բարձրացված էր Կարսի շրջանի գաղթականության՝ Արփաչայի ափին կանգ առնելու խնդիրը:<sup>33</sup> Նշվում էր, որ գորավար Քրիստոֆեր Ուոկլերի ստորագրած պայմանագրի համաձայն՝ Կարսի գաղթականությունը պետք է վերադառնար իր հայրենիքը, ուստի Հայաստանի բոլոր կողմերից գաղթականները Արփաչայի ափին էին կուտակվել:<sup>34</sup> «Մուտքը Կարսի շրջանը անկարելի ըլլալով, գաղթականները իրարու վրայ դիզում կը մնան ու բառիս բուն նշանակությամբ կը կոտորուին, քանի որ այդ շրջանի հացովն է, որ տաճիկ զօրքը 8 ամիս շարունակ սպրեր է, իսկ մնացածն ալ հետը տարեր է»:<sup>35</sup> գրում էր վարչապետ Հովհաննես Քաջազունին: «Ճակատամարտը» ներկայացրել էր Հայաստանի Առաջին հանրապետության խորհրդարանի նախագահ Ավետիս Սահակյանի դիմումը դաշնակից խորհրդարանների նախագահներին, որով նրանց տեղեկացնում էր, թե ինչպես էին հայ տարագիրներն երկրի ազգաբնակչության հետ զոհ գնում Հայաստանում տիրող քաղցին ու բժավոր ժանտառենդի համաճարակին<sup>36</sup> (օրական մահանում էր 2000-3000 մարդ):<sup>37</sup>

1919 թ. մայիսին տպագրած վերլուծականներում «Ճակատամարտը» հուսադրում էր ընթերցողներին այն լուրով, որ Հայաստանի Առաջին հանրապետությունում սովն սկսել էր կենտրոնից նահանջել դեպի ծայրագավառները, իսկ արևմտահայ գաղթականության մտահոգության կիզակետում առավելապես խորհրդարանական ընտրությունների տարագիրների մասնակցության և նրանց ներգաղթի կազմակերպման հարցերն էին:<sup>38</sup> «Ներգաղթի խնդիրը կեանքի և մահուան խնդրի ձեռք է ստացել թրքահայերու համար: Արևմտահայ փախստականը, որ 5 տարիներ է վերթափառական, աստանդական, նպաստընկալ կերպով սպրեցաւ, մերթ գնաց իր հայրենիքը՝ զայն շենցնելու և մարած օջախը վերականգնելու յոյսով, մերթ յուսալքում բռնեց նորէն գաղթի ճամփան, թողուց իր հուսկ ինչքն ու ստացումքը, թողուց իր զաւակները յաճախ ճամբու եզերքին ու ետ եկաւ դէպի օտարու-



թիւնը, այսօր այլևս չի կրնար շարունակել նոյն վիճակը և կ'ուզէ ամեն գնով իր երկիրը վերադառնալ, բայց ճամփայ չկայ»,<sup>39</sup> - կարդում ենք թերթում:

1919 թ. հուլիսի 25-ի համարում Մ. Պետրոսյանն անդրադառնում էր Հայաստանի խորհրդարանի ընդունած այն բանաձևին, որը մասնավորապես վերաբերում էր Հայաստանի, Վրաստանի, Ատրպատականի սահմաններում ապաստանած փախստականների և Մուսուլի, Բաղդադի ու Հալեպի հայ գաղթականների և որբերի ներգաղթի խնդիրներին:<sup>40</sup> Նրա կարծիքով՝ ներգաղթի և հայրենիքի վերածնության խնդիրները կապված էին Հայկական հարցի լուծման և Էրզրոի ազատագրման հետ: Պնդում էր հետևյալը. «Մինչև որ Երկիրը չզրաւուի, կորստաբեր է ներգաղթը: Ամեն ճիգ պետք է թափել՝ կասեցնելու տարերային շարժումը գաղթականներուն, որքան ալ անհանդուրժելի ըլլայ իրենց ներկայ վիճակը»:<sup>41</sup> Ներգաղթը բարդ և գրեթէ անիրականանալի գործընթաց էր, որը նախապատրաստական մեծ աշխատանք էր ելթադրում: Ըստ հողվածագրի՝ աշխարհագրական դիրքի, փոխադրության և պարենավորման միջոցների դժվարությունն անհնարին էր դարձնում ներգաղթի ղեկավարումը մեկ կենտրոնի կողմից, ուստի անհրաժեշտ էր հիմնել Կ.Պոլսում ևս մեկ կենտրոն, որ «օժանդակէ Հայաստանի կառավարութեան և լրացնէ անոր գործը»:<sup>42</sup>

«Ճակատամարտի» հրապարակագիրներից Վահան Հարությունյանը պահանջում էր մշակել ներգաղթի հեռահար ծրագրեր:<sup>43</sup> «Անհրաժեշտ է, որ դէպի Հայաստան վերադառնալու սահմանում հայութիւնը լրջօրէն պատրաստուի այդ մեծ ու կենսական գործին: Անհրաժեշտ է հոգ տանիլ, որպէսզի տարագրութեան ճամբաներուն վրայ ցրուած հայութիւնը չկորսուի, և մեզի աւանդ թողուած որբուկները ընդհանուրին գուրգուրանքին առարկայ դառնան»<sup>44</sup>, - գրում էր հողվածագիրը: Ներգաղթի գործը պիտի սկսվեր հավաքաբար և արվեր որոշակի մեթոդով մշակված ծրագրով, որ հայության վերադարձը հայրենիք այս անգամ չլինէր որպէս հալածանքի հետևանք կամ որպէս անկազմակերպ ներխուժում, կամ էլ որպէս անստույգ վախճանով մի նոր տարագրություն:<sup>45</sup> Հողվածագրի կարծիքով՝ կազմվելիք ներգաղթի միություններն

առաջին հերթին պիտի ունենային հողագործական ուղղվածություն, որ նպաստէին Արևմտյան Հայաստանի տնտեսական վերագարթոնքին:<sup>46</sup> Իբրև հավաքական ներգաղթի կազմակերպված մարմին պիտի հանդես գային նաև ներգաղթի արհեստավորական միությունները՝ նպատակ ունենալով արևմտահայ գավառ ուղարկել զանազան արհեստավորական խմբեր:<sup>47</sup> Անհրաժեշտ էր կազմակերպել ներգաղթի մտավորական միություններ նույնպես:<sup>48</sup> Ներգաղթի միությունների գլխավոր նպատակներից մեկը պետք է լինէր հայության բոլոր կարող ուժերի մեկտեղումը և նրանց հայրենիք փոխադրելու գործառույթը:<sup>49</sup> Այդ միությունները պիտի իրենց ճյուղերն ունենային արտասահմանի հայկական գաղութներում, բացի այդ՝ պիտի սերտորեն համագործակցէին հայկական ու միջազգային Կարմիր խաչերի, նաև՝ հայրենակցական միությունների հետ:<sup>50</sup> Գլխավոր ներգաղթից հետո ներգաղթի միությունները պիտի շարունակէին իրենց գործունեությունը մինչև այն ժամանակ, երբ հայրենիք բոլոր վերադարձողները կկարողանային հարմարվել նոր կենսապայմաններին և կապրենի բնականոն կյանքով:<sup>51</sup>

1920 թ. կեսերից գաղթականության ներգաղթի խնդիրները մտան փակուղի: Դա պայմանավորված էր Հայաստանի Առաջին հանրապետության համար ստեղծված միջազգային անբարենպաստ աշխարհաքաղաքական հանգամանքներով: Այդ ամենի հետևանքով Արևմտյան Հայաստանում և Կիլիկիայում մինչև 1920 թ. դեռևս բնակվող հայությունն աստիճանաբար, մասնավորապես 1923 թ. հետո Թուրքիայում ընդունված օրենքների պատճառով, ստիպված լքեց բնօրրան հայրենիքը, իսկ շատ հայեր էլ կրոնավորվեցին, թրքացան ու քրդացան:<sup>52</sup>

«Ճակատամարտի» հրապարակումները վկայում էին, որ 1919 թ. մայիսին սովի դեմ պայքարող Հայաստանի Հանրապետությունն արտերկրից ստացած անդամաթերքն անխտիր բաժանում էր «թէ՛ տեղացի և թէ՛ գաղթական ժողովուրդին հաւասարապէս»:<sup>53</sup> Հայաստանին արտաքին տնտեսական օժանդակություն էր հատկացնում Ամերիկյան Նպաստամատույց ընկերությունը: Այն հանձն էր առել տարագիր հայերի խնամատարությունը, նրանց համար արհեստանոցների կազմակերպումը և պարենավորումը՝ սննդամթերքների բաշխման աշխատանքը հանձնելով Հայաստանի խնամատարության նախարարությանը, որը պետք է կատարէր նաև սերմնացուի բաշխումը:<sup>54</sup> Ամերիկյան Նպաստամատույց ընկերությունն ստանձնել էր 1500 հայ որբերի խնամատարության գործը:<sup>55</sup> Հայաստանում նշված ժամանակահատվածում հաշվառված էին 45.000-50.000 տեղաբնակ ու գաղթական որբեր, «որոնք կը կարօտին անմիջական խնամատարութեան»,<sup>56</sup> - այս մասին տեղեկացնում էր Վաղարշակ Հոխիկյանը 1919 թ. ապրիլի 6-ին Երևանից «Ճակատամարտին» ուղարկած թղթակցության մեջ:

«Արևմտահայ որբերը Հայաստանի Հանրապետության մեջ» վերլուծական հողվածում Հ. Բագրունին խորությամբ էր վերհանում հիմնախնդիրը՝ առկա

իրավիճակի մասին տալով օբյեկտիվ պատկերացում հիմնվելով թվային տվյալների և փաստերի վրա:<sup>57</sup> Ըստ այդմ՝ 1914 թ. դեկտեմբերին տեղի ունեցած Բագրևանդի նահանջը, 1915 թ. հուլիսին Վասպուրականի և դրան հաջորդած նահանջները, ինչպես և 1918 թ. թուրքական առաջխաղացման հետևանքով Վանի, Սարիղամիշի, Ալեքսանդրապոլի և Մեծ Ղարաքիլիսայի գրավումներն ու կոտորածներն առաջացրել էին հայ որբերի հսկայական կուտակումներ, ընդ որում, նրանց մեծ մասը հյուծվելով՝ մահացավ, իսկ որոշ մասն էլ Հայաստանի կառավարության ու հանրային զանազան հիմնարկությունների և միությունների նախաձեռնությամբ պատասպարվեց որբանոցներում:<sup>58</sup>

1917 թ. ամռանը, համաձայն «Եղբայրական օգնության» կազմակերպության Երևանի գլխավոր հանձնաժողովի կատարած ցուցակագրման, Կովկասում և տարբեր վայրերում գործում էր 68 որբանոց՝ 6890 որբ-որբուհիներով,<sup>59</sup> իսկ Կարսում, Քանաքեռում, Բաթումում, Սոխումում, Սանահինում, Ղուրլուղուլիում, Ջալալ Օղլիում գործում էին մեկական որբանոցներ՝ 1080 որբերով:<sup>60</sup> Նրանց հոգաձուռությունը և խնամատարությունն այսպես էր բաշխված մի շարք ընկերությունների ու կազմակերպությունների, ի թիվս որոնց Կենտրոնական կոմիտեի, Մոսկվայի, Բաքվի, Պետրոգրադի հայկական կոմիտեների, «Եղբայրական օգնության» և Քահանաների միությունների, Նպաստամատույց ընկերության և այլ հիմնարկությունների վրա:<sup>61</sup> Այս որբերի սնունդը, հագուստը, սենյակներն ու դրանց կահավորանքը բավարար վիճակում էին, և նույնիսկ մահացածության ցուցանիշը հիշյալ որբանոցներում բավական ցածր էր:<sup>62</sup> «Եղբայրական օգնության» Երևանի գլխավոր հանձնաժողովի և Էջմիածնի մասնաճյուղի, նաև Մոսկվայի կոմիտեի և Բարեգործական ընկերության ջանքերի շնորհիվ Երևանի, Էջմիածնի, Բաքվի ու Աշտարակի որբանոցների սաների համար կազմակերպվում էին դպրոցական պարապմունքներ որբանոցներում բացված դպրոցներում կամ դրանցից դուրս գործող ցերեկային դպրոցներին կից:<sup>63</sup> Հ. Բագրունին հիշատակում էր այն փաստը, որ Երևանի, Աշտարակի, Բաքվի և Դիլիջանի որբանոցներում բացվել էին արհեստանոցներ:<sup>64</sup> Դրանցում որբերի կողմից պատրաստվում էին ամեն տեսակի առարկաներ ու գործիքներ, որոնց շուկայական վաճառքից եկամուտ էին ստանում որբանոցները:<sup>65</sup>

Հ. Բագրունին փաստում էր, որ 1918 թ. Հայաստանի Առաջին հանրապետության կառավարությունն որբերի խնամատարության նախնական ծախսերի նպատակով հատկացրել էր յուրաքանչյուր որբի համար ամսական 15 ռուբլի, իսկ մնացյալ կարիքների լուծմանը հատկացվող գումարը հատուցվում էր հանրային կազմակերպությունների ջանքերով այնքան ժամանակ, մինչև մեծահասակ որբերի խնամատարության գործը ստանձնեց Արևմտահայ խորհուրդը, իսկ որբանոցային գաղութներ հիմնելու գործն իրենց վրա վերցրին Մոսկվայի հայկական կոմիտեն և Բարե-



գործական ընկերությունը: Վերջին երկու կազմակերպությունները 2000-ից ավելի որբ էին կենտրոնացրել Ջալալ Օղլիի որբանոցում:<sup>66</sup> 1918 թ. հունիսին Հայաստանում գործում էր 35 որբանոց՝ 2250 որբերով, իսկ Վրաստանում՝ 27 որբանոց՝ 1950 որբերով:<sup>67</sup> Երևանում և Էջմիածնում նոր հավաքված որբերի թիվը 2600-ի էր հասնում, ընդ որում՝ այդ որբերը հավաքվել էին 1918 թ. Հայաստանում ստեղծված հայ փախստականական կազմակերպության գլխավոր խորհրդի ջանքերով:<sup>68</sup> Նյութական անձուկ կացության պատճառով, սակայն, այդ կազմակերպությունն ի վիճակի չէր շարունակելու որբախնամ գործը սեփական նախաձեռնությամբ և միջոցներով: Նույն պատճառներով որբախնամ գործունեության սահմանները չէին կարողանում ընդարձակել «Եղբայրական օգնությունն» ու Մոսկվայի Հայկական կոմիտեն, ուստի հայոց նորակազմ պետությունն ինքն է ստանձնում հայ որբերի խնամատարությունը:<sup>69</sup> Հայաստանի խորհրդարանը հատուկ օրենքով որբանոցային գործը հանձնել էր խնամատարական նախարարությանը և, սկսած 1918 թ. հոկտեմբերից՝ 3 ամսվա համար 7.5 միլիոն գումար էր տրամադրել պետական այդ կառույցին 10.000 որբի հաշվարկով՝ յուրաքանչյուր որբի համար նկատի ունենալով 150-ական ռուբլի:<sup>70</sup> Խնամատարական նախարարությունը 1918 թ. հոկտեմբերից մինչև 1919 թ. մարտ ամիսը կարողացել էր 41 նոր ապաստարանների մեջ հավաքել 11.500 որբի:<sup>71</sup>

Համաձայն խնամատարական նախարարության որբանոցային բաժնի վարիչներից Վանփուշի ներկայացրած վիճակագրական տվյալների՝ մինչև 1919 թ. մարտի վերջը Հայաստանի սահմաններում կար 76 որբանոց:<sup>72</sup> Դրանցում ապաստան գտած 11.581 որբերը<sup>73</sup> 1-15 և երբեմն 16-17 տարեկան էին:<sup>74</sup> «Ամբողջ որբերու 75 առ 100-ը կը կազմեն արեւմտահայեր, իսկ 25 առ 100-ը՝ տեղացիներ, որոնք նոյնպէս ենթարկուեցան նահանջի ու տեղահանութեան և անձամբ կրեցին այն ամենը, ինչ-որ Էնվեր-Թալէթի կառավարութիւնը նիւթած էր տաճկահայ ժողովուրդին համար»,<sup>75</sup>- գրում էր Հ. Բագրունին:

1919 թ. գործող որբանոցներին զուգահեռ՝ Հայաստանի խնամատարական նախարարության որբանոցային բաժանմունքի վարչությունը նախատեսել



էր բացել որբանոցներ Նոր Բայազետում, Դավալուի, Ջալալ-Օղլուի և Կծալինի շրջաններում:<sup>76</sup> Նախատեսում էին հիվանդանոց-որբանոցներ բացել Ալեքսանդրապոլում, Մեծ Ղարաքիլիսայում, Ղամարլուում, Իգդիրում և բոլոր այն վայրերում, որոնցում դրանց կարիքը կար:<sup>77</sup> Նշենք, որ 1919 թ. հիվանդանոց-որբանոցներ էին գործում Երևանում, Էջմիածնում, Քանաքեռում, Ղարաչիչակում, Գիլիջանում:<sup>78</sup> Դրանք գոյատևում էին պետության և մի շարք կազմակերպությունների ջանքերով:<sup>79</sup>

«Ճակատամարտի» հրապարակումների համաձայն՝ հայաստանյան որբանոցներում սնունդը կարելի էր բավարար համարել: Յուրաքանչյուր որբի օրական տրվում էր 3/4 ֆունտ հաց, կես ֆունտ միս, 1/4 ֆունտ բրինձ, 1/4 ֆունտ գետնախնձոր, իսկ երեկոյան ու առավոտյան՝ չամիչով կամ խոշաբով թեյ՝ հաճախ ցամաք հացի հետ:<sup>80</sup>

Ինչ վերաբերում է որբերի կրթական գործի կազմակերպմանը, ապա 1919 թ. մայիսի տվյալներով՝ պետական կարգավիճակ ունեցող որբանոցներում չէին անցկացվում դպրոցական պարապմունքներ:<sup>81</sup> «Պետությունը իր այդ աշխատանքին մէջ դեռ լիովին չէ վիճակի չէ եղած փողոցներու մէջ թափառող եւ հիւժած ու մեռնելու դատապարտուած որբերը հաւաքելու: Կ'ենթադրուի, որ բոլոր որբերը պիտի հաւաքուին ու 11 հազար թիւը 15-18 հազարի պիտի բարձրանայ, հաշուելով այդ թիւին մէջ ու 5000 հիւծածներն ու հիւանդները, որոնց բոլորին վրայ պետութիւնը ամասական 9 միլիոնի պիտոճէ մը կ'ունենայ կամ տարեկան 115 միլիոն՝ սնունդի եւ 10 միլիոն միանուագ գումար մըն ալ հագուստի ու կահաւորութեան», - գրում էր պարբերականը:<sup>82</sup>

Ամփոփելով՝ կարող ենք փաստել հետևյալը:

- «Ճակատամարտն» իր հրապարակումների միջոցով պատկերացում է տվել Հայաստանի Առաջին հանրապետությունում, հետագայում՝ նաև Խորհրդային Հայաստանում հայ տարագիրների ու որբերի համար մշակված և իրագործվող ծրագրերի, նրանց հանդեպ եղած վերաբերմունքի և տարվող պետական քաղաքականության մասին՝ ցույց տալով, որ հայկական 2 պետություններն էլ սրտացավ են եղել գաղթական ու որբ դարձած հայրենակիցներ

րի նկատմամբ և իրենց սուղ միջոցներով ձգտել են թեթևացնել նրանց խնդիրները՝ ներգրավելով հասարակական կյանքում այդ նպատակով համագործակցելով հայկական և օտարերկրյա բարեսիրական կառույցների ու կազմակերպությունների հետ:

- 1918-1920 թթ. Կ.Պոլսի «Ճակատամարտը», անդրադառնալով հայ որբերի և գաղթականների հիմնախնդիրներին, փորձել է լուսաբանել դրանց լուծման ուղղությամբ հայկական ու միջազգային կառույցների կողմից կատարվող աշխատանքները թե՛ Հայաստանի Առաջին հանրապետությունում, թե՛ Թուրքիայի մայրաքաղաքում, թե՛ այլ երկրներում:
- 1918-1920 թթ. «Ճակատամարտը» բազմակողմանիորեն է անդրադարձել հայ տարագիրների ճակատագրին և խնդիրներին: Մի կողմից՝ լուրեր է տպագրել կամ արտատպել հայկական մամուլից, մյուս կողմից՝ վերլուծական հոդվածներով է հանդես եկել՝ դրանցում ներկայացնելով նաև վիճակագրական տվյալներ և սոցիալական հարցախույզներ, ինչպես նաև արտահայտելով խմբագրակազմի տեսակետները հիշյալ հիմնահարցերի վերաբերյալ:
- «Ճակատամարտը» ոչ միայն պարզապես նկարագրել է տարագիրների դրությունը, ոչ միայն ներկայացրել է նրանց կենսապայմանների և ապրելակերպի պարզ նկարագրությունը, այլև վերհասել է նրանց առջև ծառայած խնդիրներն ու դրանց պատճառները:
- «Ճակատամարտը» ներկայացրել է նույն ժամանահատվածում Թուրքիայում հայ գաղթականների և որբերի հանդեպ եղած վերաբերմունքը, խոսել է թուրքական իշխանությունների կողմից նրանց նկատմամբ որդեգրված քաղաքականության մասին, վկայել է ցեղասպանությունից մազապործ հայ գաղթականների և որբերի ունեզրկման, ինչպես նաև բռնի կրոնավորման և նրանց կամքին հակառակ՝ թրքացման ու քրդացման դեպքերի մասին:
- Հայաստանում խորհրդային կարգերի հաստատումից, Թուրքիայի Հանրապետության հիմնադրումից և այդ երկրում ստեղծված նոր՝ հայ ժողովրդի համար առավել անբարենպաստ քաղաքականության որդեգրումից հետո «Ճակատամարտն» այլևս

դադարել է սեփական հրապարկումներով հանդես գալ մասնավորապես հիշյալ կարևոր հիմնահարցերի վերաբերյալ՝ բավարարվելով լոկ հորհրդային Հայաստանի պարբերականներից արտատպումներով, որոնք, բնականաբար, արտացոլել էին խորհրդահայ իրականությունն այնպես, ինչպես պարտադրվել էր ԽՍՀՄ կենտրոնական իշխանությունների կողմից:

- Ինչ վերաբերում է Քեմալական Թուրքիայում հայ որբերի և գաղթականների խնդիրների լուսաբանմանը, ապա «Ճակատամարտ», ստեղծված քաղաքական հանգամանքներում և կրկին վերահաստատված գրաքննության պայմաններում, արդեն անկարող էր արտահայտել մեր ժողովրդին մտահոգող բոլոր, այդ թվում նաև որբերի ու գաղթականների հիմնահարցերի վերաբերյալ սեփական տեսակետներն ու մոտեցումները:
- Թերթի տեսադաշտից չեն վրիպել նաև հայկական գաղթօջախների կողմից հանուն հայ տարագիրների իրականացված ձեռնարկները՝ մատնանշելով նկատված թերություններն ու բացերը: ■

### Հղումներ

<sup>1</sup> Հովսեփյան Մ., «ՀՅԴ Կ.Պոլսի պարբերական մամուլը (1909-1924 թթ.)», Ե., 2009, էջ 61:

<sup>2</sup> «Թուրքիայի Հանրապետության պատմություն», Ե., 2010, էջ 13:

<sup>3</sup> Նույն տեղում, էջ 14:

<sup>4</sup> «Ճակատամարտ» օրաթերթի խմբագիրը Հակոբ Սիրունին էր: Պատասխանատու տնօրեններն էին Մանուկ Ալայնյանը և Շավարշ Միսաքյանը: Արտոնատերը Վրթանես Մարտիրոսյանն էր: Թերթն ունեցել է 3 անվանում՝ «Արդարամարտ» (1918, թիվ 1-12), «Արիարամարտ» (1918, թիվ 13-32) և «Ճակատամարտ» (1918, թիվ 33-ից մինչև վերջին համարը).-տե՛ս Հովսեփյան Մ., «ՀՅԴ կուսակցական և համակիր պարբերական մամուլը Օսմանյան Թուրքիայում 1909-1915 թթ. և 1918-1923 թթ.»», Ե., 2016, էջ 235:

<sup>5</sup> Վրացեան Ս., «Հայաստանի Հանրապետություն», Թեհրան, 1982, էջ 192:

<sup>6</sup> «Բանբեր Երևանի համալսարանի», Ե., 1968, թիվ 2, էջ 217:

<sup>7</sup> Վրացեան Ս., նշվ. աշխ., էջ 253:

<sup>8</sup> Ավետիսյան Ս., «Մերձավոր Արևելքի Ամերիկյան նպաստամատուց կոմիտեի գործունեությունը Հայաստանում 1918-1930 թթ.»», Ե., 2009, էջ 14:

<sup>9</sup> ՀԱԱ, ֆ. 205, ց. 1, գ. 900, թ. 1:

<sup>10</sup> Նույն տեղում:

<sup>11</sup> ՀԱԱ, ֆ. 199, ց. 1, գ. 22, թթ. 8, 9, 20, 21:

<sup>12</sup> Նույն տեղում, թ. 84:

<sup>13</sup> Նույն տեղում:

<sup>14</sup> «Հայոց պատմություն», հ. 4, գ.1, Ե., 2010, էջ 61:

<sup>15</sup> Նույն տեղում, էջ 62:

<sup>16</sup> Նույն տեղում, էջ 63:

<sup>17</sup> Նույն տեղում:

<sup>18</sup> Ամերկումը կամ Մերձավոր Արևելքի Ամերիկյան նպաստամատուց կոմիտեն ստեղծվել էր 1918 թ. ԱՄՆ Կոնգրեսի որոշմամբ դեռևս 1915 թ. ԱՄՆ-ում հիմնված 1-ին համաշխարհային պատերազմից առավել տուժած երկրներին օգնություն տրամադրելու նպատակով ստեղծված Հայաստանի և Սիրիայի Նպաստի կոմիտեների միավորման հիման վրա: Ամերկումը կոչում էին նաև Մերձավոր Արևելքի Նպաստամատուց (տե՛ս Ավետիսյան Ս., նշվ. աշխ., էջ 4-6):

<sup>19</sup> «Բանբեր Երևանի համալսարանի», Ե., 1968, թիվ 2, էջ 219:

<sup>20</sup> ՀԱԱ, ֆ. 205, ց. 1, գ. 619, թ. 1:

<sup>21</sup> ՀԱԱ, ֆ. 207, ց. 1, գ. 94, թ. 17:

<sup>22</sup> «Հայոց պատմություն», նշվ. աշխ., էջ 63:

<sup>23</sup> ՀԱԱ, ֆ. 205, ց. 1, գ. 900, թ. 1:

<sup>24</sup> ՀԱԱ, ֆ. 199, ց. 1, գ. 22, թ. 85: Տե՛ս նաև [https://hy.wikipedia.org/wiki/Գրիգոր\\_Սաղյան](https://hy.wikipedia.org/wiki/Գրիգոր_Սաղյան)

<sup>25</sup> Հովսեփյան Մ., «Հայ գաղթականների և որբերի հիմնախնդիրները Կ.Պոլսի «Ճակատամարտ» օրաթերթում (1918-1923 թթ.)», Ե., 2020, էջ 87-88:

<sup>26</sup> ՀԱԱ, ֆ. 199, ց. 1, գ. 22, թթ. 169-170:

<sup>27</sup> ՀԱԱ, ֆ. 207, ց. 1, գ. 46, թ. 63:

<sup>28</sup> «Ճակատամարտ», Կ.Պոլիս, 1918, թիվ 8 («Սով կա»):

<sup>29</sup> Նույն տեղում:

<sup>30</sup> «Հայոց պատմություն», նշվ. աշխ., էջ 65:

<sup>31</sup> Նույն տեղում:

<sup>32</sup> «Ճակատամարտ», Կ.Պոլիս, 1918, թիվ 37 («Թուրքիա և Հայաստանի գաղթականները»):

<sup>33</sup> Նույն տեղում, 1919, թիվ 110 («Հայաստան և իր հոգերը»):

<sup>34</sup> Նույն տեղում:

<sup>35</sup> Նույն տեղում:

<sup>36</sup> Նույն տեղում:

<sup>37</sup> Նույն տեղում:

<sup>38</sup> Նույն տեղում, 1919, թիվ 166 («Կյանքը Հայաստանի մեջ»):

<sup>39</sup> Նույն տեղում:

<sup>40</sup> Նույն տեղում, 1919, թիվ 215 («Արևմտահայերու ներգաղթը և խնամատարությունը»):

<sup>41</sup> Նույն տեղում:

<sup>42</sup> Նույն տեղում:

<sup>43</sup> Նույն տեղում, 1919, թիվ 72 («Առաջին քայլերը. ներգաղթի միություններ»):

<sup>44</sup> Նույն տեղում:

<sup>45</sup> Նույն տեղում:

<sup>46</sup> Նույն տեղում:

<sup>47</sup> Նույն տեղում:

<sup>48</sup> Նույն տեղում:

<sup>49</sup> Նույն տեղում:

<sup>50</sup> Նույն տեղում:

<sup>51</sup> Նույն տեղում:

<sup>52</sup> «Հայոց պատմություն», նշվ. աշխ., էջ 66:

<sup>53</sup> «Ճակատամարտ», Կ.Պոլիս, 1919, թիվ 164 («Հայաստանի կացությունը»):

<sup>54</sup> Նույն տեղում:

<sup>55</sup> Նույն տեղում:

<sup>56</sup> Նույն տեղում:

<sup>57</sup> Նույն տեղում, 1919, թիվ 161 («Արևմտահայ որբերը Հայաստանի Հանրապետության մեջ»):

<sup>58</sup> Նույն տեղում:

<sup>59</sup> Նույն տեղում:

<sup>60</sup> Նույն տեղում:

<sup>61</sup> Նույն տեղում:

<sup>62</sup> Նույն տեղում:

<sup>63</sup> Նույն տեղում:

<sup>64</sup> Նույն տեղում:

<sup>65</sup> Նույն տեղում:

<sup>66</sup> Նույն տեղում:

<sup>67</sup> Նույն տեղում:

<sup>68</sup> Նույն տեղում:

<sup>69</sup> Նույն տեղում:

<sup>70</sup> Նույն տեղում:

<sup>71</sup> Նույն տեղում:

<sup>72</sup> Նույն տեղում:

<sup>73</sup> Նույն տեղում:

<sup>74</sup> Նույն տեղում:

<sup>75</sup> Նույն տեղում:

<sup>76</sup> Նույն տեղում:

<sup>77</sup> Նույն տեղում:

<sup>78</sup> Նույն տեղում:

<sup>79</sup> Նույն տեղում:

<sup>80</sup> Նույն տեղում:

<sup>81</sup> Նույն տեղում:

<sup>82</sup> Նույն տեղում:

## «Արձագանգ»ի էջերից

Էլիզ Հասրճեան-Շարայխանեան

1972-1976 թթ. Տորոնտոյում լոյս տեսած «Արձագանգ» ամսաթերթի էջերում շատ հետաքրքիր նիւթեր են հրատարակուել, որոնց մէջ զգալի տեղ ունեն թարգմանութիւնները: Ուշիաբնակ տիկին Էլիզ Հասրճեան-Շարայխանեանը տարիներ առաջ թարգմանել է Սարոյեանի «Ռագ Ուակրամ» վէպը, եւ թարգմանութիւնը ցայսօր չի հրատարակուել:

Բայց ինչ իմանաս՝ վաղն ինչ տեղի կ'ունենայ: **Ներկայացուող հրապարակումները նուիրում են ամերիկացի մեծ գրող և մեծ հայ Ուիլեամ Սարոյեանի մահուան 45-րդ տարեկիցին:**

### ՀԱՅՈՒԹԵՆԷՆ ԱՆԲԱԺԱՆ ԹԱԿԱՐԴ»ԻՆ ՄԷՋ

Հազուադէպ չէ նկատել հայութենէ յոգնած եւ անկէ փախչիլ ուզող տիպարներ: Յաճախակի է նաեւ տեսնել անոնց ապարդիւն ճիգերը եւ վերադարձը հոն, ուր կայ պատկանելիութիւն իրենց համար եւ գոյութեան դրդապատճառ: Ուիլեամ Սարոյեան՝ իր «Ռագ Ուակրամ» վէպով եւ Շարլ Ազնաւոր՝ իր վերջերս Հայրենիք այցելութեան առիթով ըրած յայտարարութիւններով, երկու օրինակներ են այս հաստատումին:

Արագ Վակրամեան (Arak Wagramian)՝ «Ռագ Ուակրամ» վէպի հերոսը, որ գինետան մը մէջ սպասարկող մըն է, կը դառնայ նշանաւոր դերասան, կը շահի անուն եւ դրամ բախտի մէկ դարձումով, բայց կ'անդրադառնայ, որ ինք երբեք պիտի չկարենայ նոյնանալ իր նոր տիպին հետ, ու կը վերադառնայ իր ընտանիքին ու ազգականներուն, կ'այցելէ «Ասպարէզ» ի խմբագրատունը, Հայ Եկեղեցի եւ անոնցմով վերանորոգուած՝ կը ջանայ մտերմանալ իր ճշմարիտ անձին հետ: Իր իղձերն ու փափաքները Ֆրեզնոյի հայ այգեպաններուն իղձերն են՝ ընտանիք մը եւ այգի մը: Օտար ամուսնութիւն մը ասոնք անկարելի կը դարձնէ: Քանդուած ընտանիք մը, երկու զաւակներ՝ հայկական անուններով միայն եւ կին մը, գոր կը սիրէ, առանց սակայն կարենալ յարգելու՝ մտածելակերպի, շրջանակի եւ կենցաղի տարբերութիւններու պատճառաւ, կը դարձնեն զինք թշուառ եւ յուսահատ: Հայ քահանայի մը՝ Զատիկի հետ մշակուած մտերմութիւնը կը դառնայ պատճառ, որ ընտանիքի եւ անոր յարաբերական արժէքներուն իմաստին հաղորդուի:

Գրքին վերջաւորութեան՝ Ռագ Ուակրամի կեանքին աներակներուն մէջ, անկարելի է չանդրադառնալ Սարոյեանի հետեւութեան, թէ առաջին Ամերիկա հաստատուող հայերու ձախողանքը նոր կեանքին համակերպելու կը թելադրէ, թէ երկրորդ սերունդի հայերը պէտք է իրենց մտքերը ու հորիզոնները բանան Ամերիկայի բազմազան սովորութիւններուն՝ առանց սակայն դրժելու իրենց ազգային արժէքները եւ հաւատքի հանգանակները: Գրքին մէջ նկարագրուած



են երեք տեսակի հայեր: Հայեր, որոնք առանձնացած են իրենց հայութեան մէջ՝ դժգոհ անով: Յետոյ կան Ռագ Ուակրամի նմանները, որոնք կը փնտռեն, կը ջանան միջին եզր մը գտնել, ու կան նաեւ անոնք, որոնք բոլորովին մոռցած են իրենց ազգութիւնը եւ դարձած ծանծաղ ամերիկացի: Այս վերջինները Սարոյեան կը դատապարտէ:

Հետաքրքրական է Սարոյեանի գլխաւոր քննադատ-վերլուծող Հաւորոտ Ֆլոնի մէկ խօսքը «Ռագ Ուակրամ»-ի մասին, թէ գրքին հայկական մթնոլորտը վէպին լուսագոյն տարրն է:

Անդին Ազնաւոր «Աշխարհ պտղտեցայ, երբեք չմոռցայ, որ հայ էի կ'ըսէ (տե՛ս «Սփիւռք», 21 նոյեմբեր, 1971, N 47) ու յետոյ կ'աւելցնէ. «Քիչ մը զիս յանցաւոր կը զգամ ժողովուրդիս նկատմամբ: Երբեք երգ մը չնուիրեցի իրեն: Յաճախ մտածած եմ: Գիտեմ, որ օր մը երաժշտութեամբ պիտի մեծարեմ զայն: Բայց այդ երգը չեմ ուզեր, որ ձախողի: Ուրեմն չեմ աճապարեր: Այդ օրը հպարտ պիտի ըլլամ աշխարհին պողալու, որ Հայ եմ»:

Երկու արուեստագէտ՝ ամերիկացի աշխարհահռչակ գրող եւ ֆրանսացի նշանաւոր երգիչ, երկու Հայ, որ կը մնան հայութեան «թակարդ»ին մէջ՝ երբեմն չմոռնալով փառաւորել զայն կամ փառաւորուիլ անով:

«Արձագանգ», N 1, 1971

«...Քանի որ ես չեմ կրնար կարդալ կամ գրել մեր սեփական հպարտ ու անխորտակելի լեզուն եւ քանի որ մեր լեզուն պէտք է յաւիտեանս ծաղկի եւ ուռճանայ





անկէ առաջ: Ես աշխարհին կը նայէի զարդարուն աչքով, բայց անդրադարձայ, որ տարիքս առնելով՝ կրնայի անելի իրապաշտօրէն նայիլ աշխարհին: Հիմա կ'ապրիմ ուշիմութեամբ, քան թէ զգայնութեամբ: Ուշիմութիւնը կը ստեղծէ ամբողջականութիւն, եւ հիմա պէտք ունիմ անոր: ԿՐՆԱՄ ԸՍԵԼ, ԹԷ ՆՈՅՆՆ ԵՄ, ԲԱՅՑ՝ ՏԱՐԲԵՐ»:

Նկատելով, որ գրողները իրենց աշնան կը նստին հին կասկածներ փարատելու եւ հանդարտութեամբ իրենց կեանքը յիշելու, ՏԱՐԲԵՐՈՒԹԻԻՆԸ անելի մեծ պէտք է ըլլայ, քան ՆՈՅՆՈՒԹԻԻՆԸ: Բայց այդպէս չէ: Սարոյեան հիմա անելի զգացական է, որքան էր ասկէ 40 տարի առաջ, երբ իր գրքերը նոր կը տպուէին: Տակաւին ան հակառակ է այժմ նորոյթ եղող յուսահատութեան, թէւ կ'ընդունի, որ աշխարհը իր կարծածէն անելի տխուր տեղ մըն է: Եւ բառերը տակաւին կը շարունակեն թափիլ իր հին «Բոյալ» գրամէքենայէն՝ ստեղծելով թատրերգութիւններ, պատմութիւններ եւ յուշեր:

Հիմա շատ հետաքրքրուած է հասկնալու իր անցեալը, եւ իր վերջին գրքերը գլուխներ են երկար ինքնակենսագրութեան մը: Քիչ յիշուած «Կեանքի եւ մահուան օրեր եւ փախուստ դէպի լուսին» (Days of life and death and escape to the moon, 1970) գիրքը ցցուն քրոնիկ մըն է՝ ծերանալու եւ տեսնելու մարդուն բոլոր բարեկամներու մահացումը մէկիկ մէկիկ: «Վայրեր, ուր ժամանակ անցուցած եմ» գիրքը ընթերցողին առաջնորդն է Սարոյեանի աշխարհին մէջ, նկարագրութիւնը 68 տեղերու, ուր ան հանդիպեցաւ իր բախտին: Գրած է զայն անցեալ տարի, Փարիզի մէջ երկար պտոյտներու եւ ուրիշ գործերու միջեւ: Ամփոփելու համար, վերջին գրական կտակ մը գրելը Սարոյեանի ձեռք չէ, մարդ մը, որ «Տը Նիւ Եորքը» թերթի կողմէ առենօք կոչուած է «ամենամեծ, հարուածող ու փախչող ամերիկացի գրողը»:

1934-ին 26 տարեկանին Սարոյեան Սան Ֆրանսիսքո եկաւ բախտ փնտռելու: Անդադար ծխելով

հաստ սիկարէթներ՝ ոլորուած 5 սէնթոնց ածան ծխախոտով եւ մոլեգնութեամբ գրելով դեղին, ածան թուղթի վրայ՝ ան դրկեց նամակ մը Ուիթ Պըրնէթի եւ Մարթա Ֆոյլիի, որոնք խմբագիրներն էին «Story» թերթին՝ ծանուցանելով, թէ ինք գրող մըն էր, որուն ժամանակը հասած էր: Ան կ'ըսէր, թէ որոշած էր նստիլ երկրորդ յարկի իր պզտիկ սենեակին մէջ յաջորդ ամսուան ամբողջ տետրութեան եւ օրական մէկ կամ անելի պատմութիւններ գրել ու դրկել իրենց անմիջապէս, որ ամբողջացներ: Դրկածները տարօրինակ խառնուրդն էին պատմութեան, քրոնիկի եւ իր անձին, որ ապագային իր պիտակը դարձաւ: «Story» թերթը գնեց իր «The daring young man on the flying trapeze»-ը 15 տոլարի եւ 26 ուրիշ կտորներ, զորս գրած էր նոյն 33 օրուան շրջանին հաւաքուեցան իր առաջին գրքին մէջ, որ լոյս տեսաւ նոյն տարուան ընթացքին: Այս գիրքը մեծ ընդունելութիւն գտաւ, տպուեցաւ մի քանի անգամ եւ հաստատեց զինք, որպէս ամերիկեան նոր ձայն մը:

Յաջորդ 5 տարիներու ընթացքին Սարոյեան, իր իսկ բացատրութեամբ, «վարպետն էր խաղին» ու գրեց քանի մը հարիւր պատմութիւններ, քրոնիկներ, թատրերգութիւններ եւ զանազան կտորներ, ինչպէս «Գըմ-ան-ամայ հաուս» երգը, որ ծախուեցաւ միլիոններով, երբ քանի մը տարի ետք Ռոզմերի Քլունի երգապատկերի վերածեց երգը: Օգտագործելով Ֆրեզլոյի հայկական գաղութը Անտրառլի ունեցած Օհայոյի գիւղի ձեռով՝ ան գրեց «Անունս Արամ է» գիրքը, որ անկոց իրեն հետեւողներուն թիւը: 1939-ին, երբ Նիւ Եորք եկաւ ու մտաւ «Կրէյթ Նորտըրն» հօթել եւ դուրս ելաւ անկէ, վեց օր վերջ «The time of your life» (Քու կեանքիդ ժամանակը) թատրոնով, Սարոյեան համբաւաւոր էր դարձած...

Իր ընթերցողներուն կ'ըսէր ան, որ «փնտռեն բարիքը ամեն տեղ եւ, երբ գտնեն, դուրս բերեն զայն իր պահուրդած տեղէն եւ թողուն, որ ըլլայ ազատ ու առանց ամօթի»: Ան պաշտպանն էր թշուառին եւ թշնամին խաբերային: Այս շրջանի լուսանկարները ցոյց կու տան զինք՝ գլխարկը ծռած մէկ աչքին վրայ, նստած իր շրջանի գրողներուն ու Պրոտուէի նշանաւոր հերոսներու հետ:

Ժամանակները անելի աններող եղան այսպիսի անմեղութեան, եւ Սարոյեանի կեանքը անելի բարդացաւ: Կային պարագաներ, ինչպէս նշանաւոր կռիւր Լուի Մէլլըրի հետ, որ իրեն վճարեց 60 հազար տոլար, որ գրէ «Մարդկային կատակերգութիւնը»: Ֆիլմին բեմադրութեան վրայ անհամաձայնութիւնէ մը ետք, Սարոյեան առաջարկեց 80 հազար տոլար՝ ետ գնելու համար գիրքը, բայց Մէլլըր մերժեց: Ան լքեց Հոլիվուդը շտապով եւ չվերադարձաւ նոյնիսկ ստանալու համար «Օսքար»ի մրցանակը, զոր «ստացաւ» ֆիլմի լաւագոյն պատմութիւն գրողի համար:

Սարոյեանի շուրջ ստեղծուած աղմուկը քիչ-քիչ կասեցաւ: Միշտ վերապահութիւն մը կար իր երկերուն զգացականութեան հանդէպ: Ուօլքաթ Կիպս, օրինակ, իր «Տը թայմ աֆ եուր լայֆ»-ի գրախօսականին մէջ ըսաւ. «Թատրոնին մէջ գիշեր մը անցընել Սարո-

յեանի հետ կը նմանի գիշերը անցընելու գինովի մը հետ... Կան պահեր, որ ան շատ զուարճալի է, հարուստ եւ անզուսպ ստեղծագործութեամբ մը, որուն գինով չեղողը չի կրնար հասնիլ... Դժբախտաբար կան նաեւ ժամանակներ, երբ ան կը սկսի խօսիլ իր սիրտի ինչին մասին, երբ դուն կ'ուզես, որ գլուխը դնէ սեղանին վրայ եւ քնանայ: Պրն Սարոյեանին սիրտին մարդկային ցեղն է»:

Բայց հիմա գրական քննադատները սկսած էին զօրանալ եւ դիտել զարգացումը այն թանձր գրակա- նութեան, որ իրենց գոյութիւնը կը բացատրէր: Իրենց համար զգացականութեան հարցը այնքան կարեւոր չէր, որքան այն, թէ Սարոյեան իր մուսաներուն հնա- զանդութիւն չէր սորվեցուցած: 1950-ական թուա- կաններու կէսին Սարոյեանի նոր գրքերէն մէկուն տպագրութիւնը դադրած էր յատկանշական գրական պատահար ըլլալէ: «Այսպիսի բաներու մասին կարե- լի չէ մտահոգուիլ, - կ'ըսէ ան՝ ուսերը թօթուելով: - Կայ հարաւի գրողներու խմբակ, հրեայ գրողներու խմբակ, Նիւ Եորքի մտատրական գրողներու խմբակ եւ, հաւանաբար, ուրիշներ ալ, զորս մոռցած եմ կամ չեմ լսած: Լաւ են: Իրականութեան մէջ լաւ գրողներ կան, որ մաս կը կազմեն անոնց: Բայց ես չեմ պատկանիր եւ չեմ ալ կրնար, նոյնիսկ եթէ ուզեմ: Երբ նոր սկսած էի գրելու, բարեկամս՝ Մայք Կոլտ եւ ուրիշներ միշտ կը ջանային, որ գրքերս անելի ժողովրդական դարձնեն: Պատերազմի ընթացքին Պօպ Ներվուտ, որ պատե- րազմական տեղեկութիւններու գրասենեակին մէջ կ'աշխատէր, Լոնտոնի մէջ բռնեց զիս եւ ըսաւ. «Պի՛, դուն ճիշդ գերմանացի ժողովուրդին յարմար գրող ես»: Ան կ'ուզէր, որ բրոքսկանտայի գրքեր գրեմ պա- տերազմի մասին: Իրեն ըսի՝ ո՛չ, շնորհակալ եմ: Ուրիշ մարդիկ ուրիշ բաներ ուզած են ինձմէ, բայց ես միշտ անջատ անհատ մնացած եմ: Ես փոխուած եմ, բայց ոչ ուրիշներու համար: Երբ գրելու կը սկսիս, ան գո- ռոզութիւն է, բայց երբ կը հասնիս վերջաւորութեան, անելի խոնարհութիւն է»:

Երբ կը խօսի, ամէն նիւթ դանդաղօրէն կը բա- նահիստի պատմութեան մը, մինչեւ որ ան կը զսպէ ինքզինք վերջին շեղումով մը: «Մենք՝ հայերս, մեծ պատմութիւն պատմողներ ենք: Իմ ազգականներուս յիշողութեան մէջ Արեւելքէն աշուղի մը ժամանումը մեծ դէպք էր: Երբ մարդիկ կը լսէին այդ մասին, կ'երթային երկայնուրիկ կայարանը՝ դիմաւորելու զայն: Աշուղնե- րը կը պատմէին պատմութիւններ, որոնք կը տեւէին օրեր: Ես կը յիշեմ մեծ մայրերս, երկուքն ալ, երբ կը պատմէին պատմութիւններ, անոնք ժամեր կը տեւէին: Մէկ խօսքով, եթէ շատ կը խօսիմ, ատիկա ազգային գիծ մըն է»:

Սարոյեան կրնար դառնանալ տարիներու ընթաց- քին կամ որոշել, որ իր ժամանակը անցընէ առանձնա- ցած: Ընդհակառակը, ան շարունակած է երթալ առաջ: Եթէ աշխարհը հեռացած է իրմէ, ան կը կարծէ, թէ իր խումբի գրողներու յաջողութիւնը, ինչպէս «Ռիչարտ Պրոդիկան» կամ «Լինքոլն» կեդրոնի յաջող վերա- ներկայացումը իր «Տը դայմ աֆ եուր լայֆ»ին, կրնայ հրահրել յեղաշրջում մը, որ ետ պիտի բերէ աշխարհը



գոնէ մասամբ: Բայց եթէ չբերէ, այդ ալ լաւ: Ան է, ինչ որ էր, ու քիչ մըն ալ անելի:

Անտելով ձեռքին մէջ իր նոր հրատարակուած գիրքէն օրինակ մը, որ ֆրեզնոցի կին մը բերած է ստո- րագրել տալու, վայրկեան մը կը կենայ ու կ'ըսէ. «Ես կը հասնիմ այս գիրքը: Իրականութեան մէջ կը հասնիմ բոլոր գրքերս: Ատենը մէկ մէջտեղ կը հանեն զանոնք ու կը կարդան: Չէ՞ք գիտեր, որ իմ գրող ըլլալու որո- շումիս պատճառներէն մէկն ալ այդ էր, որ շնորհքով կարդալիք բան մը ունենամ»:


«Արձագանգ», N 4, 1972

**ԸՍԵՄ ԶԵՋԻ,  
ԹԷ ԶՕ ՄԷՆԻՔՍԸ ԻՍԿԱՊԷՍ Ո՛Վ Է**

Բայց նախ քանի մը խօսք Մկրտիչ Մկրտիչեանին, Գրիգոր Օհանեանին եւ Տէնվրը Բէքինպահ անունով դատաւորի մը մասին:

«Թի. Վի. Կայտ»ի ընթերցողները թերեւս ուզեն գիտնալ, թէ յօդուածներէն ոմանք ինչպէ՛ս կը հասնին թերթին: Հոս՝ իմ Փարիզի տանս մէջ, Ֆրանսայի մէջ, թէ՛ն Փարիզ Թէքսասն ալ շատ կը սիրեմ, եւ եթէ երբեք հոն չես եղած, ծրագրէ առաջին առիթով հանդիպիլ: Հոս Ֆրեզնոյի հասցէէս վերադրկուած նամակ մը ունիմ, որ այսպէս կը սկսի. «Պիտի ուզէինք, որ մեզի համար կտոր մը գրես, եթէ փափաքիս: Մայք Քո- նրըրը՝ Մէնիքսի աստղը, նախկին ֆրեզնոցի մըն է, ու նաեւ կը լսեմ, թէ հայկական ապրանք է»:

«Թի. Վի. Կայտ»ի խմբագիրներէն մէկուն կողմէ է: Նախ եւ առաջ ֆրեզնոցի մակդիրը ընդունելի է: 1916-1919, երբ ես «Իվնինկ Հերըլտ» թերթը կը ծախէի եւ Մայք Քոնրըրը տակաւին ծնած չէր, իր հայրը՝ Գրի-



գոր Օհանեանը, որ փաստաբան մըն էր եւ «Պէնք աֆ Իթըլի» շէնքին մէջ, որ 1917-ի ուշ ամբան բացուեցաւ, գրասենեակ մը ունէր, յաճախ իմ անկիւնէս կ'անցնէր դէպի դատարան իր ճամբուն վրայ՝ անկարգութեան ուրիշ դատ մը եւս պաշտպանելու համար, որ շատ յաճախ ապօրէն խմիչքի գոհիչ մեքենայ մը ունենալու եւ զայն գործածելու պարագան էր – կրակի ջուր – չամիչէ պատրաստուած եւ շատ յարմարօրէն «Բախի» կոչուած, քանի այս է այս խմիչքին անունը:

Հողագործ մը, որ կը սիրէր խմել իր ընկերներուն հետ նարտ կամ թուղթ խաղացած ատենը – թալի եւ սկէմայիլ – ձմրան ընթացքին ինքն իր խմիչքը կ'արտադրէր, քանի որ հում նիւթերը ունէր եւ պարզ մեքենաները արտադրութեան համար: Եւ ան երբեք բաւականաչափ անգլերէն չէր գիտեր, գիտնալու համար թէ որոշ Վոլսթէտ (1919-ի ալքոլի արգիւման օրէնք Volstead) մը կար, որ ամբողջ երկիրը տակնուվրայ ըրած էր, շրջուած Կիներու ազատագրութեան պէս շարժումով մը, ձեռով մը չազատագրութիւն կիներու եւ երիկմարդոց, քուէարկուած եւ օրինաւոր Արգելական հրահանգ կոչուած (prohibition), որ իր կարգին ամերիկեան կեանքէն սերս մտցուց իսկական Շիքակոն իսկական Էլ Քափոնը, իսկական վատահամբաւ գինետունը, իսկական գաղտագողի ոգելից ըմպելի ծախողը եւ կեղծ «ճին»ը, որ վայելուչ մարդոց խմած ամէնէն ժողովրդական խմիչքն էր Արգելական հրահանգի շրջանին:

Եւ այս հողագործը հազիւ թէ կարելի էր զսպել սպանել սերքին տուրքերու ութ ներկայացուցիչները, որոնք իրենց կացիներով կ'իջնէին իր գոհիչ մեքենային վրայ եւ կը փշրէին իր տակառները, որոնց մէջ խմիչքը սկսած էր բարկնալ:

Հողագործը բանտ կը դրուէր, ու շուտով լուրը կը հասնէր Ճօ Մէնիքսի հօրը՝ Գրիգոր Օհանեանին, թէ Մկրտիչ Մկրտիչեանը, Մուշի ազնուական Մկրտիչեան ընտանիքէն, քիչ մը Սասունի հարաւը, քիչ մը Պիթիլիսի հիւսիսը, Վանէն քիչ մը արեւմուտք, քաղաքի բանտին մէջն էր եւ չէր գիտեր, թէ ինչո՞ն:

Փաստաբանը կը բացատրէր հողագործին, որ թէ եւ թոն մը ատկորդ չամիչ ունէր եւ լաւ գոհիչ մը, արտօնուած չէր ինքն իր կրակի ջուրը արտադրելու՝ ձմեռը գործածելու համար իր տան մէջ եւ իր բարեկամներուն զուարճութեան համար, որոնք բոլորն ալ կը սիրէին անոր ջերմութիւնը, որովհետեւ գիտէն, թէ «Մահ ըսուած բան մը գոյութիւն ունի»։ հողագործներուն սիրելի բացատրութիւն մը:

Եւ օր մը դատարանին մէջ դատաւորը Տէնվըր Բէքինպահն էր եւ կամ անոր հայրը եւ կամ անոր հօրեղբայրը, եւ 30 տարի ետք եկաւ Սէմը, որ շարժանկարի արտադրութեամբ զբաղեցաւ ու յետոյ կար Գրիգոր Օհանեանը՝ ծնեալ Խարբերդի մէջ եւ կամ Վանի եւ կամ Տիգրանակերտի եւ կամ ուրիշ տեղ մը Հասայրանի մէջ եւ ոչ թէ Թուրքիոյ, ինչպէս որ գաղթականութեան գրասենեակի տղէտ պաշտօնէանները կը սիրեն գրել իրենց արխիւներուն մէջ (ընդգծումը մեր կողմէ, «Արձագանգ») պաշտպանելու համար այգեպան Մկրտիչ Մկրտիչեանը:

Եւ եթէ կը ներէք, որ ըսեմ, կար նաեւ այս գրողը՝ հազիւ 11 տարեկան այն ժամանակ:

Դատաւորը խիստ էր:

Գաւառային դատախազը՝ Լավճոյ անհաւատալի անունով մարդ մը, (Ֆրեզնոն միշտ այս տեսակի տեղ մը եղած է) խիստ էր:

Բայց պաշտպան փաստաբանը տեղի չէր տուած իրենց խստութեան, իսկ պաշտպանեալը պատրաստ էր կոտորտելու ամէն ինչ՝ չորս օր եւ հինգ գիշեր բանտին մէջ անցընելէ ետք, առանց կաթիլ մը օղիի եւ առանց բաւարար բացատրութեան՝ այս այլանդակ վիճակին համար:

Դատաւարութիւնը ճիշդ 1 վայրկեան տեւեց եւ յալիտնապէս անմոռանալի է՝ պաշտպան փաստաբանի ըրած հաստատումներուն, հարցումներուն եւ պատասխաններուն համար:

– Նայեցէք այս մարդուն, Տէր դատաւոր, – ըսաւ, – Մկրտիչ Մկրտիչեան, 54 տարեկան, հայրը 4 տղոց եւ 2 աղջիկներու, տէրը 10 արտավար այգիներու: Անօրէն միջոցներով խմիչք շինողի մը կերպարանքը ունի: Խմիչք սպասարկողի մը կերպարանքը ունի: Կէնկաթրի մը կերպարանքը ունի: Յանցապարտի մը կերպարանքը ունի: Ո՛չ,

Տէր դատաւոր, որովհետեւ հողագործ մըն է: Տուրքի պաշտօնէանները իրենց պարտականութիւնը ըրին: Իմ պարտականութիւնս չէ ըսել, որ անոնք անխելքօրէն վարուեցան եւ իրենց հրամանները առին շարժանկարներէն՝ Լիպըրթի շարժանկարի սրահէն ներս: Ութ հոգի եկան Մկրտիչ Մկրտիչեանին քով եւ փճացուցին իր գոհիչ մեքենան եւ ձմրան խմիչքի պաշարը թափեցին: Քաջ մարդիկ, որոնք նստած են հոս, պատրաստ են վկայելու, թէ պաշտպանեալը հանդարտեցնելը դիւրին չէր: Հիմա կը խնդրեմ, որ իրենց նայիք, Տէր դատաւոր: Անոնք 10 արտավարի տէր այգեպաններն են կը նմանին, թէ ատելի շարժանկարի Լոն Չարնիին:

– Կ'առարկեմ, – ըսաւ գաւառային դատախազը՝ Լավճոյ:

Եւ դատաւոր Բէքինյան ըսաւ.  
– Իրաւունք ունիս, պաշտպան փաստաբան, հա-  
ճիս մտքերդ օրէնքին վրայ կեդրոնացուր եւ բա-  
նաստեղծութենէն հրաժարիր:

– Կ'ուզեմ, որ այս մարդը տուն դրկուի,– ըսաւ Գրի-  
գոր Օհանեան:

Եւ ծերուկ Տէսվըր Բէքինյան ըսաւ մեղմօրէն.  
– Ձինք տուն պիտի դրկեմ արդէն, բայց թոյլ տանք,  
որ գաւառային դատախազն ալ իր ըսելիքը ըսէ,  
այնպէս չէ':

Այս ձեռով է, որ այս գրողը սկսաւ հիանալ թէ Օհա-  
նեան եւ թէ Բէքինյան գերդաստաններուն վրայ եւ  
անգամ մըն ալ չլսեց Լավճոյներուն մասին, թէ՛ն ան-  
հաւանական չէ, որ Բասատինա փոխադրուած են եւ  
հարստացած:

«Իվնիսկ Հէրըլտ»ին մէջ Ֆրեզնոյի բնակիչնե-  
րուն կ'ակնարկուէր, որպէս ֆրեզնոցիներ: Ասիկա  
անընդունելի էր այն ատեն եւ անընդունելի է հիմա:  
Երբեմն թէ փափաքելի եւ թէ կարելոր է 2 կամ 3 բա-  
ռեր գործածել փոխանակ մէկ «Ո՛՛՛» բառի՝ ֆրեզնոցիի  
նման:

Գալով Ֆրեզնո քաղաքին նախկին բնակիչ մը ըլլա-  
լուն, այդ ալ ճիշդ չէ, Ճօ Մէնիքս, Մայք Քոնրոք եւ  
Գրիգոր Օհանեան նոյնքան Ֆրեզնոյի նախկին բնա-  
կիչներ չեն, որքան ես՝ այս վայրկեանսիս Փարիզ ըլլա-  
լովս:

Պարզապէս պատահար է, որ Ֆրեզնոյի մէջ չեմ, այդ  
է միայն, ինչպէս որ Ճօ-Մայք-Գրիգոր ալ չէ, որովհե-  
տեւ շաբաթը հինգ օր չարաչար կ'աշխատի իր շատ  
նշանատր հեռատեսիլի շարքին, որ աշխարհի բոլոր  
կողմերը կը ցուցադրուի՝ քանի մը օղակ եւս անելցնելու:  
Ինչո՞ւ:

Որովհետեւ Ճօ Մէնիքսը իրականութեան մէջ  
Մկրտիչ Մկրտիչեանն է՝ այգեպանը:

Ճօ Մէնիքս, այդ շարքին մէջ քանի մը անգամ  
որպէս Ճօ Մէնիքս խօսելով, ցոյց տուած է, թէ ինք հայ  
է, եւ առնուազն մէկ անգամ հայկական հետաքրքրա-  
կան բառերու փունջ մը փոխանակեց իր հին բարեկա-  
մին եւ հօրեղբորորդիին՝ Սիփան Ռոստոմ Պաղտա-  
սարեանին հետ. այսպիսով բաւական թարմացուցիչ  
եւ շփոթ վիճակ մը կ'ունենանք: Շարքին արտադրիչը,  
հաւանաբար հաճելի դառնալու համար Մայք Քո-  
նրոքին, թոյլ տուած է, որ Մէնիքսը հայացնէ, բայց  
ինչո՞ւ ոչ:

Ինչպէս որ հին ասացուածքը կ'ըսէ, ամէն մարդ  
բան մը պէտք է ըլլայ, եւ Ամերիկայի մէջ մօտաւորա-  
պէս 22 հոգի մնացած է, որ հայու, հրեայի, սեւա-  
մորթի, հնդիկի, մէքսիքացիի կամ անսխալականօրէն  
անկլօ-սաքսոնի երեւոյթը ունի:

Մէնիքս շատ գեղեցիկ քարտուղարուի մը ունի թէ՛  
ներքնապէս եւ թէ՛ արտաքնապէս: Արդէն նշուած է, որ  
այս տաղանդաւոր երիտասարդ կինը առաջին սեւա-  
մորթ կիներէն մէկն է, որ կարելոր դեր մը ունի հեռա-  
տեսիլի շարքի մը մէջ քանի տարիէ ի վեր, հիմա՝ վեց:

Ամէն մարդ իրարու կը նմանի ոչ թէ որովհետեւ հնո-  
ցը լաւ կ'աշխատի, այլ որովհետեւ սնոպիզմը չ'աշխա-  
տիր:



Ան, որ տաղանդ ունի, տաղանդ ունի. ան, որ տա-  
ղանդ չունի, այդ պատճառով որեւէ ձեռով չի դասաւոր-  
ուիր եւ իր տան մէջ ուրիշներու հետ ապահով է:

Եւ այդ հարցը այդպէսով կը փակուի:

Ասկէ 40 տարի առաջ Ֆրեզնոյի մէջ «Քալիֆօրնիա»  
պանդոկին մէջ քրուազէ քոնիակ կը խմէի, գաւաթը կէս  
տոլարի, երբ Ճօ Մէնիքսի հայրը՝ Գրիգոր Օհանեանը,  
եկաւ եւ քովս նստաւ եւ սպասեակ Կրոկորդիէն խմիչք  
մը ուզեց, առաւ փրփուրով ծածկուած երկար գաւաթը  
եւ պարպեց ճիշդ այն ժամանակ, որ ես իմ քոնիակս  
վերջացուցած էի եւ գաւաթս երկարած ուրիշի մը հա-  
մար, գոր Կրոկորդիէն լեցուց: Ասոր վրայ հողագործ-  
ներու եւ ուրիշ անմեղներու պաշտպանը երկնցուց իր  
գարեջուրի գաւաթը եւ հայերէնով ըսաւ

– Պուտ մը հոստեղ լից:

Եւ ի պատիւ մեր բոլորին հաւանաբար, Կրոկորդիէն  
դանդաղօրէն քիչ մը քոնիակ լեցուց Գրիգոր Օհա-  
նեանին խոշոր գարեջուրի գաւաթին մէջ:

Ֆրեզնոցի: Ինչպէ՛ս պիտի դասաւորես մարդ մը,  
որուն համբաւը Մկրտիչ Մկրտիչեանի (որ հիմա մա-  
հացած է) այգիէն անդին չէ անցած:

Նախկին մարդասէր մը կամ ի՞նչ:

Ըսեմ ձեզի, թէ Ճօ Մէնիքսը իրապէս ո՞վ է:

Ան Գրիգոր Օհանեանին ժպտացող տղան է եւ շատ  
հպարտ իր հօրնով: ■

ՌԻԻԼԵԸՄ ՍԱՐՈՅԵԱՆ  
«Թի. Վի. Կայտ» 13 յուլիս, 1974  
«Արձագանգ», N 6-7, 1974

Նյութերի թարգմանությունը՝  
Էլիզ Հասարանեան-Շարապխանեանի

## Սու Սարգսեան. պատգամախօսը...

Մովսէս Ծիրանի (Հերկելեան)  
Արվեստաբանութեան դոկտոր

Մեր ընթերցողներէն ո՞վ չի ճանչնար «Հայ Բեմաբունարի Նահապետին», սակայն քիչեր, շատ քիչեր միայն բախտն ու առիթը ունեցած են վայելելու անոր մտերմութիւնն ու իր հետ կիսելու կեանքի տաք ու պաղ օրերը... Անձնապէս ինքզինքս բախտաւոր կը համարեմ անոր համար, որ ոչ միայն այդ քիչերէն մէկն եմ, այլ նաեւ Սու Սարգսեանը եղած է գաղափարակից գործընկերս, որուն մասին այնքան շատ յուշեր ունիմ, որ կարելի է նոյնիսկ առանձին գիրքի վերածել զանոնք...

Թէեւ Սոսի մասին բազմիցս գրած ու խօսած եմ, սակայն այս անգամ պիտի փորձեմ ներկայացնել զինք (թէկուզ կրկնութեան գնով) իբրեւ գլխազիր Սարդ եւ Գլխազիր Հայ... Իբրեւ՝ Պատգամախօս, որովհետեւ անոր իրաքանչիւր բաժակաճառ, իրաքանչիւր խօսք պատգամ մը կը պարունակէր իր մէջ...:

### Երեւան, 1980, Աշուն

Այդ տարին Սարգիս Կիրակոսեանը եկած էր Հայաստան յատուկ առաքելութեամբ: Ես «պարտականութիւն» ունէի զինք ծանօթացնելու գրողներու, արուեստագէտներու եւ առհասարակ կարեւոր անձնաւորութիւններու, որոնցմէ շատերու հետ հարցազրոյցներ ձայնագրեց...: Այդ օրերուն Սարգիսը սիրահարուած էր ոմն Սիլվայի, որուն նուիրած էր բանաստեղծութիւն մը, որ խորքին մէջ, թէ յաջող էր և թէ բովանդակալից: Ան տկարութիւնը ունէր այդ բանաստեղծութիւնը ընթերցելու ամէն տեղ: Նոյնիսկ երբ օր մը երկստեղ խումբով որսի կ'երթայինք Սեւանայ լիճի կողմերը, Սարգիսը «Վանին» մէջ ընթերցեց այն, որ թէեւ կրկին լսելը այնքան ալ տհաճ չէր, սակայն ճանապարհի խորտուբորտ ըլլալուն հետեւանքով բառերը յստակ չէին հասկցուեր, ու տաղտկալի կը թուէր ըլլալ ... յատկապէս Վարուժան Խտրճեանին:

Ուրեմն.

դերասան Ալիք Խաչատրեանի տիկնոջ՝ դերասանուհի Ալիս Կապլանջեանի ծննդեան տարեդարձն էր: Ներկայ էին նաեւ այլ դերասան դերասանուհիներ ու մտաւորականներ: Թէեւ իրենց բնակարանը տարողութեամբ համեստ էր, սակայն սեղանը բաւականին մեծ էր ու ճոխ: Երբ կենաց խմելու հերթը Սարգիսին եկաւ, մեր վաւերական սեղանապետը՝ Սոսը գնահատելէ ետք անոր տարած խմբագրական ու առհասարակ մշակութային աշխատանքները, անդրադարձաւ նաեւ Սիլվային նուիրուած բանաստեղծութեան, զոր մինչ այդ ինք եւս քանի մը անգամ լսելու առիթը ունեցած էր: Երբ խօսք տրուեցաւ Սարգիսին, ան ձեռքը տարաւ ետեւի գրպանը... Վարուժանը աչքով-ունքով հասկցուց որ արգիլեմ: Ես որ Սարգիսի քովի աթոռը կը զբաղեցնէի, անմիջապէս ձեռքը բռնեցի ու ցած ձայնով ըսի «Ո՛հ... տեղը չէ»: Սարգիսը կամաց մը ետ



սահեցուց բանաստեղծութիւնը եւ ոտքի ելաւ...: Սոսը նշմարելէ ետք այս բոլորը, ըսաւ.

- Սագիս ջան, մի հրաշալի բանաստեղծութիւն ունես սիրոյ մասին: Խնդրում եմ ընթերցես, որպէս զի ներկաները եւս իմանան թէ ինչ տաղանդաւոր բանաստեղծ ունի Պէրոյի:

Սարգիսը յաղթական հայեացք մը նետելէ ետք վրաս, այս անգամ անմիջական ու հաղորդական առոգանութեամբ կարդաց, աւելի ճիշդը ասմունքեց Սիլվային նուիրուած բանաստեղծութիւնը ու արժանացաւ բոլորն ծափահարութիւններու:

Շատ չանցած երբ ուրիշ օր մը, երեքս առանձին էինք Վարուժանի «Բաղրամեան» փողոցի վրայի բնակարանը, Սոսը յանդիմանեց մեզ, մեր անմարդկային վարմունքին համար...: (Իբրեւ երէց եղբայր ու հեղինակութիւն ան այդ իրատունքը ունէր... մեր մէջ): Վարուժանը փորձեց առարկել).

- Բայց... «եամբում» հազար անգամ եղաւ որ կը կարդայ նոյն բանը... «գրուի կը շինէ» կոր...

Սոսին պատասխանը.

- Նահարնարելի է որ քանի մը ըրայէի համար մեր բոլորիս «գրուի կը շինուի», քան թէ Սարգիսի նման զգայուն բանաստեղծի մը սիրտը կտորուի... նա նոր է սիրահարուել: Չէք տեսնում ինչ ասորումով ու նուիրումով է կարդում...:

Ես սկիզբէն խոհեմաբար լուծ էի, Վարուժանն ալ լուծեց ու հարցը փակուեցաւ յօգուտ Հայ բանաստեղծի

մը մարդկային անեղծ զգացումներուն...:

Սուրբ այդպէս էր: Խիստ մարդկային ու բարի ըլլալով հանդերձ ան իր մարդկային վերաբերմունքը երբեք չէր կորսնցներ, որեւէ առիթի եւ որեւէ արժանատր մարդու պարագային: Մարդկային ու նաեւ ազգային փոխյարաբերութիւններու մէջ, Սուրբ ոչ միայն խստապահանջ էր, այլ նաեւ երբեմն նոյնիսկ անողոք, յատկապէս իր մտերիմներու հանդէպ...

Ուրիշ օր մը, դարձեալ երեքով նոյն տեղն էինք, այն տարբերութեամբ որ, այդ շաբաթ լորամարզի յաջող որս ըրած էինք և հիւրեր պիտի ունենայինք: Մարտիկը գացած էր բանջարեղէնն ու ջրեղէնը ապահովելու, իսկ դուրսը՝ Ժանոն կրակը կը պատրաստէր: Յանկարծ Սոսի դուստրը՝ Անուշիկը ժամանակէն առաջ ներս մտաւ: Ան իսկապէս անունին տէրն էր թէ արտաքինով, թէ ներքին հմայքով, եւ թէ իր բարեհամբոյր ու մարդամօտ բնատրոյթեամբ: Երբեմն ինք եւս ներկայ կ'ըլլար մեր հաւաքներուն, արժանանալով՝ բոլորիս համակրանքին ու յարգանքին: Ջերմօրէն ընդունելէ ետք զինք, ան հօրը կողքին նստաւ ու գլուխը յենեց անոր ուսին: Յոգնութենէ աւելի՝ յուզուած կը թուէր ըլլալ: Բնականաբար օղի կար սեղանին: Սուրբ Անուշիկի բաժակը եւս լեցնելէ ետք, առանց բան մը հարցնելու, գրկեց զինք խանդադատանքով ու մեր ներկայութեան ըսաւ.

- Նախքան մեր հիւրերուն գալը պէտք է որ մեր մայրերի կենացը խմենք, որովհետեւ եթէ կնոջ մը համար ամուսնանալը պայմանն չէ, ապա մայրանալը ոչ միայն պայմանն է, այլեւ անհրաժեշտութիւն... յարկապէս՝ հայրուհիներու պարագային: Ամուսնացիր, երեխաներ ծնիր և եթէ չկարողանաս ամուսնուդ հետք «յոլա գնալ», բաժանուիր... բայց մայրանալուց յետոյ միայն: Դա ամօթ չէ... Ամօթն ու վատը կեղծ բարոյականութեան զոհ լինելն է...:

Հայր ու աղջիկ զիրար լաւ կը հասկնային...: Հետագային այդպէս ալ ըրաւ Անուշիկը...: Սուրբ այդպէս էր, ան ընկերային, ազգային ու մարդկային հարցերը ընդելուզելով իրարու, կրնար քանի մը խնդիր լուծել... միաժամանակ:

**Եղէգնաձոր, 1980, Աշուն:**

Կը յիշեմ Նոյեմբեր 14-ին էր, Մուշեղ Գալշոյանի հետ պատահած անհեթեթ արկածին նոյն օրը: Համաձայն նախապէս մեր պայմանաւորուածութեան, այդ օր Մուշեղը եւս մեզ հետ պիտի գար, սակայն, անտրամաբանական պարագաներու բերումով, եղաւ այն ինչ որ պատահեցաւ անսպասելիօրէն ու անշուշտ... Խիստ ցաւալի...: Այս մէկը ուրիշ պատմութիւն է... գրած եմ արդէն... անցնինք:

Շրջանի որսորդապետ՝ Սամուէլի հրաւերով ու կազմակերպութեամբ Եղէգնաձոր մեկնած էինք որսի՝ Վարուժան Խտրըշեանի, Մարտիկ Պոյաճեանի եւ Պօղոս Գասապեանի հետ, մեր հետն էին նաև Սոս Սարգսեանն ու Ռազմիկ Դաւոյեանը:

Գեղանկարիչ՝ Բագրատ Գրիգորեանը, որուն ազգականն էր Սամուէլը, տեղեկացուցած էր թէ անոր



*Մովսէս Հերկելյան, Սոս Սարգսեան,  
«Չորի Միտոն» ֆիլմի նկարահանման օրերուն,  
Ապարան, 1978*


պապը եղած էր Նժդեհի զինուորներէն, որուն համար չափազանց հպարտ էր...: Հոն հասնելէն ետք երբ տղոց ներկայութեան հարցուցի իր մասին, ան ըսաւ.

- Այո՛, դա ճիշդ է, կարող էք տեսնել ու նաև զրուցել հետք: Նա ներսումն է եւ գիտի որ դուք գալու էք, սակայն ինդրում եմ իր ներկայութեան այդ մասին չխօսելք, որովհետեւ նա վարսահութիւն չունի մեր սերունդի եւ յարկապէս՝ Սփիտքահայ ուսանողների վրայ...:

Թէև հաճելի չէր նման բան լսելը, սակայն բոլորս՝ ներառեալ Ռազմիկն ու Սոսը, խստացանք որ նկատի կ'անունք այդ «փափուկ» հանգամանքը...:

(Ճիշդ հասկցուելու համար, հոս հարկաւոր է փակագիծ մը բանալ: Այդ օր մենք որսի քողի տակ, Սոսի առաջնորդութեամբ եկած էինք նաև ստուգելու, թէ իրապէս ազերիները նոր գիտ մը հիմնելու համար, հովի մը եւս (իր պարագաներով), ուղարկած էին Եղէգնաձոր...: Այդ տարիներուն ազերիները ծրագրուած ձեւով կեցութեան վայրեր, կամ ուղղակի գիւղեր կը հիմնէին Ջանգեգորի մէջ, շրթայի նման Ազրպէյճանը Նախիջեանին կապելու հեռանկարով...: Սամուէլի ցուցմունքներով գացինք գտանք այդ վայրը, ուր արդէն իսկ տասնեակէ մը աւելի ազերի քոչուոր ընտանիքներ հաստատուած էին...: Երբ Երևան վերադարձանք մեր ստացած տեղեկութիւնները փոխանցեցինք «Առ որ Անկ է»: Այս մէկը եւս ուրիշ պատմութիւն է, որուն մասին այլ առիթով կը գրեմ):

Մեր որսը յաջող էր: Օղը գով՝ ու հաճելի: Սեղանը պատրաստուեցաւ Սամուէլէնց բակը, գետնափոր թոնիրի կողքին, որ մեր՝ ու յատկապէս Վարուժանի յա-



Մուխեա Հերկելեան և Մու Սարգսեան,  
Երևան 1995

տուկ ուշադրութիւնը գրաւեց...: Հրաւիրուած էին նաեւ քանի մը հարեաններ ու մերձաւորներ:

Թէև ջերմութեամբ ընդունուեցանք ներկաներուն, յատկապէս Սամուէլ Պապին կողմէ, սակայն պաշտօնական ու պրկուած վիճակ մը կը տիրէր սեղանի շուրջ: «Ինչ որ տեսի ինչ որ բան սիսայ է» պիտի ըսէր քանքարատր գրողը՝ Մարոյեան:

Ռազմիկը, որ առաջին անգամն էր որ որսի կու գար մեզ հետ, ընթացքին խօսք առաւ եւ պատմելէ ետք, թէ ինք ինչպէս այդ օր կաքաւ մը որսաց ու խղճահարուեցաւ, յայտարարեց.

- Մի անգամ էլ ես թռչունի վրայ չեմ կրակի:

Սուրբ առանց յապաղելու ոտքի ելաւ ու ըսաւ.

- Ռազմիկ ջան: Ես հասկանում եմ քո մարդկային վերաբերմունքը կենդանիների հանդէպ, սակայն մինչեւ այն արեւն որ մենք շրջապատուած ենք Թուրքերի նման վայրագ թշնամիներով, հայ մարդը կրակել պիտի իմանայ...:

Ու պահ մը լռելէ ետք, աւելցուց.

- Նկարի առէք որ «Ռոտորը պատրաստ գինուոր է...»:

Մոսի պատասխանը ջերմ ընդունելութիւն գտաւ ներկաներուն, յատկապէս Սամուէլ Պապին մօտ, որ տանուտէրի իրատւոյնով, բազմաձեւ էր սեղանի աջ շարքի կեղոնը Մոսի կողքին: Ան պատկառելի արտաքինով, ինքնավստահ ու տիրական ներկայութիւն էր, որ արժանացած կը թուէր ըլլալ գիւղացիներու համակրանքին ու ակնածանքին: Սուրբ պահը յարմար նկատելով շարունակեց.

- Հիմա առաջարկելու եմ մի բացառիկ կենաց: Եթէ չլինէր Նժդեհը, Մինիփը չէր լինի, սակայն եթէ չլինէին

Նժդեհի գինուորները, ոչ Նժդեհը կը լինէր եւ ոչ ալ Զանգեզուրը: Այսօր մենք այստեղ ենք շնորհիւ Նժդեհին ու իր քաջարի կամաւորներին, որոնցից ոմանք, նրանց երեխաներն ու թոռները վարահաբար մէր մէջ են գրնուում...: Նժդեհն ասել է որ «Զանգեզուրը Հայաստանի ողնաշարն է»: Առանց այս գանգեզուրեան ողնաշարի չի կարող Հայաստան գոյութիւն ունենալ: Ինքն ու իր գինուորները ապրում են մեր մէջ... ձեր մէջ...: Հայրենիքի «ողնաշարի» տէրը դուք էք, դուք էք պահելու այն: Ուրեմն՝ ... ուրեմն իմում ենք Նժդեհի ու իր գինուորների կենացը, թէ նրանց, ովքեր վերելից հսկում են մեր վրայ ու յարկապէս նրանց՝ ովքեր մեր մէջ են այսօր այս պահին...:

Ներկաները բնագոյաբար ոտքի ելան ու հայեացքները ուղղուեցան դէպի տանուտէրը: Մոսը ցուցակահարէն գաւաթը խփելէ ետք անոր գաւաթին, ըսաւ.

- Այս կենացը հարկատր է ծաղկեցնել Նժդեհի երգով...:

Ու մենք ոտքի վրայ սկսանք. «Արագի Ափին ծնած ընկեր...»: Պարզուեցաւ որ ներկաները գրեթէ բոլորն ալ ծանօթ էին երգին: Սամուէլ Պապը եւս աշխուժօրէն կը մասնակցէր... ընթացքին, սակայն, աչքի տակով կը հետեւէր մեր երգեցողութեան... շատ հաւանաբար ստուգելու համար թէ մենք իսկապէս ո՞վքեր էինք...: Երգի աւարտին, ան անխօս համբուրեց Մոսի ճակատը... տեղէն ելաւ, դանդաղօրէն մօտեցաւ գետնափոր թոնիքին... բանալ տուաւ կափարիչը, գաւաթը բարձրացուց դէպի երկինք... ու ծիսական երկուդածութեամբ նոսան գիւնի հեղեց թեժացած թոնիքին մէջ... դանդաղօրէն... յայտարարելով.

- Կենացդ Սպարապէտ...:

Ապա մէկ առ մէկ «մեզ չորսիս» եւս ճակատներէն համբուրելէ ետք, Սամուէլ Պապը բարձրաձայն դիմեց Սամուէլին:

- Ապրես տղաս, «Հայր» ընկերներ ունես...:

Ամէն ինչ հասկնալի էր...

Բնականաբար ազգային-յեղափոխական երգերը իրարու յաջորդեցին...: Չես գիտեր երբ եւ ինչպէս Սամուէլէնց բակը լեցուեցաւ գիւղացիներով ու խնճոյքը վերածուեցաւ ժողովրդական տօսի...:

Այս յուշերէն ոմանք ժամանակին պատմած եմ, սակայն այն հրատարակութեան կը յանձնեմ այս օրերուն, յատկապէս մեր երիտասարդ ընթերցողներու համար, որոնք «Մեր ներկան են»... առնուազն այդպէս պէտք է որ ըլլայ...

Այսպէս էր Մոսը: Անոր պատգամներէն շատեր, իր մահէն ետքն իսկ, այսօր՝ խիստ արթիակն կը հնչեն...:

Մու Սարգսեանը չափազանց սիրուած էր ժողովուրդին կողմէ: Ո՛ր որ յայտնուէր... տեղի կ'ունենային ինքնաբոյս ազգային տօնախմբութիւններ...: Ան գիտէր ո՞ր, երբ եւ ինչպէս արժանատրներուն գնահատել, ժողովուրդի հայրենասիրական զգացումները խթանել ու... խանդավառութիւն ստեղծել...: ■

## Ճանապարհի դեպի հավերժություն (Դավիթ Գասպարյան, «Եղիշե Չարենցի գրական-քաղաքական աղերսները» մենագրությունը)

Նարինե Հովհաննիսյան  
Բանասիրական գիտությունների թեկնածու, դոցենտ

Դավիթ Գասպարյանի «Եղիշե Չարենցի գրական-քաղաքական աղերսները» գիրքը չարենցագիտության մեծարժեք ուսումնասիրություն է, լույս է տեսել 2026 թ. ՀՀ ԳԱԱ պատմության ինստիտուտի գիտական խորհրդի երաշխավորությամբ և Համագրային հայ կրթական և մշակութային միության հովանավորությամբ:

Գասպարյանի հեղինակությամբ և աշխատասիրությամբ 1970-ականներից առ այսօր լույս են տեսել չարենցագիտության մեջ նոր շրջափուլ նշանավորող մի քանի մենագրություն, բանաստեղծի անտիպ երկերի երկու գիրք, Չարենցի մասին հուշերի երկու հատոր:

Չարենցի անվան հետ կապված գրապատմական անսպառ հետաքրքրությունը, որ բնորոշ է Դավիթ Գասպարյանին, պայմանավորված է Չարենցի անհատական բարդ ու հարուստ ներաշխարհով և դեռևս ամբողջացող ստեղծագործությամբ:

Այս ուսումնասիրության առանցքը Չարենցի բազմաշերտ կապերն են ժամանակի պատմաքաղաքական և գրական-մշակութային իրականության հետ: Կենսագրական և ստեղծագործական նոր հանգամանքների ի հայտ բերումով՝ վերագնահատվում է Չարենցի պատմաքաղաքական կերպարը՝ որպես ժամանակի հայելային դիմապատկեր, ուր անհատն ու պատմությունը, գրականությունն ու քաղաքականությունը ոչ միայն մի են՝ մարմին ու ոգի, այլև բախվում են իրար, և անհատի կործանումը ժամանակի կողմից դառնում է նրա բարոյական հաղթանակի վերահաստատումը: Այլ կերպ ասած՝ ուսումնասիրության մեջ գրական քննադատությունն օրինաչափորեն միախառնված է քաղաքական պատմագիտությանը, որովհետև միմիայն այդ ճանապարհով կարող էր ամբողջանալ գրականության և ժամանակի օրգանական կապը:

Ուսումնասիրության 21 գլուխներում ամբողջացվում է Չարենց գերմարդու կերպարը: Հարուստ փաստերով և նուրբ, խոր ու ընդգրկուն վերլուծություններով նորովի ներկայացվում են Չարենցի կյանքի ու գործունեության, թվում է թե ծանոթ, բայց նորահայտ փաստերի լույսի ներքո ըստ ամենայնի անծանոթ իրողությունները:


Պատմության և անհատի ճանապարհի միասնությունը, որ ամբողջ գրքի փիլիսոփայական, պատմագիտական և գրականագիտական հիմնադրույթն է, բացում է և՛ 20-րդ դարի պատմության բարդ ու հակասական շերտերը, և՛ Չարենցի անհատական աշխարհի փակ էջերը: Սա այն դեպքն է, երբ անհատի կենսագրությունն անդրադարձնում է ժողովրդի պատմությունը, իսկ պատմությունը՝ առաջնորդում է



անհատի ուղին: Ազգային ճակատագիրը ձևավորեց Չարենցին, իսկ Չարենցն իր ստեղծագործությամբ վերափոխվեց ժողովրդի գիտակցությունը, պատմաքաղաքական աշխարհայացքը: Առանց ժամանակի պատմաքաղաքական իրադարձությունների՝ չէր լինի ամբողջական Չարենցը, և առանց Չարենցի՝ հայոց պատմության 20-րդ դարի գեղարվեստական ընկալումը կմնար թերի:

Այսպիսով՝ աշխատության տրամաբանական եզրակացությունը Չարենց գերմարդու մտահանգումն է, որ չարենցագիտության զարգացման փիլիսոփայական նոր մտայնություն է:

Ուսումնասիրությունը գնահատելի է նաև որպես պատմագիրք՝ 20-րդ դարի նշանավոր դեմքերով ու իրադարձություններով, որոնք հեղինակի հայացքով բացահայտվում են լուսապատկերային իսկությամբ, պատմության ձայնի կենդանի թրթիռներով: Պատմության կենտրոնում Չարենցն է՝ ժամանակի գլխավոր հերոսներից մեկը՝ որպես գաղափարի կրող և պայքարի մասնակից՝ հայրենիքի կամավոր զինվոր, հեղափոխական, Հայ Յեղափոխական Դաշնակցության կառավարության պաշտոնյա, կոմունիստ, հետո նաև հակադաշնակցական ու հակակոմունիստ, բայց մշտապես ազգային գործիչ, Ստալինյան բռնատի-



Դավիթ Գասպարյան

րության և բուշևիզմի զոհ: Այս և ուրիշ ընդգրկումներով վերծանվում է Չարենցի կերպարը՝ որպես ազգային հավաքական հանճարի մարմնացում:

Բանաստեղծի քաղաքական համակրանքների առնչությամբ հեղինակը գրում է. «Երբեք չի եղել այնպես, որ անկախ երբեմնակի սուր առճակատումներից, խորքում իսկական դաշնակցականը և իսկական կոմունիստը նույնը չէրագեին՝ ապահով և ամուր հայրենիք» (էջ 616-617), և սա վերահաստատում է այն պարզ ճշմարտությունը, որ Չարենցի միակ «կուսակցությունը» հայրենիքն էր՝ ազատ, անկախ, միացյալ Հայաստանը, որի գաղափարական ուխտավորն էր, անձնուրաց զինվորը, նաև նահատակը: Աշխատության մեջ այս ամենը վերագնահատվում է փաստերից բխող դատողություններով՝ առանց ավելորդ զգացականության ու վերացականության. «Դժվարությունը, - գրում է գրականագետը, - փաստերի ամբողջությանը տիրապետելն ու համակարգի մեջ տեսնելն է, ինչն էլ եղել է այս ուսումնասիրության առաջադիր ծրագիրը» (էջ 618):

Ուսումնասիրության առաջին գլուխը՝ «Եղիշե Չարենցը՝ կամավորական», սկիզբն է անհատի և ժողովրդի համատեղ ճանապարհի, որ տանում է դեպի «Դանթեական առասպել» և «Ազգային երազ»: Պատմական իրողությունների գուսպ, բայց համապարփակ արձանագրությամբ երևան են բերվում ստեղծագործական նախադրյալներն ու նախատիպերը, նաև ազգային ներքին կյանքի հակասությունները, ինչպես՝ «Ազգային երազ» պոեմում Անդրանիկ - Դաշնակցություն հակադրությունն է՝ ի դեմս Լեգեոնի՝ Անդրանիկի, և Առոյի՝ Ավետիս Ահարոնյանի:

Երկրորդ գլխում «Եղիշե Չարենցը Առաջին հանրապետության տարիներին», ներկայացվում են առանցքային և փոխյրացնող հետաքրքրական փաստեր Հայաստանի առաջին հանրապետության պատմությունից՝ ընդգրկելով պետականության վերականգնումը, պատերազմները, հանրապետության անկումը,

Հայաստանի խորհրդայնացումը, Փետրվարյան ապստամբությունը, Չարենցի գործունեությունն այդ տարիներին: Միանգամայն նոր ու հիմնավոր բացահայտումներով վերլուծվում են պատմական ժամանակի անդրադաճները «Սոմա», «Ամբոխները խելագարված», «Չարենց-Նամե» պոեմներում, ուղիուպոեմներում և այլ գործերում:

Հաջորդ գլուխներում համապատասխանաբար և բազմաճյուղ ներկայացվում են Չարենցի կապերը ժամանակի երևելի դեմքերի հետ՝ Վահան Տերյան, Հովհաննես Թումանյան, Ավետիս Ահարոնյան, Ատոմ Յարճանյան (Միամանթո), Դանիել Վարուժան, Նիկոլ Աղբալյան, Արշակ Չոպանյան, Արմենուհի Տիգրանյան, Վարդգես Ահարոնյան, Հակոբ Օշական, Կոստան Զարյան, Ավետիք Իսահակյան, Վահան Նավասարդյան, Խմբապետ Շավարշ Բասենցյան, Ակսել Բակունց, Երվանդ Քոչար... Ամբողջ շարադրանքի ընթացքում ներկա են նաև այլ անուններ՝ Դեմիրճյան, Զորյան, Մահարի, Արով, Դաշտենց, Արմեն, Վշտունի և ուրիշներ... Ահա այս մարդկային-մշակութային-քաղաքական բազմաշերտ շրջագծում բացահայտվում են շատ կարևոր հարցադրումներ, որոնք լիարժեք պատկերացում են ստեղծում ժամանակի և միջավայրի վերաբերյալ:

Տասներորդ գլուխը վերաբերում է «Երկիր Նախիրի» վեպի հայեցակարգին, ուր համատեղվում են պատմական ողբերգական իրադարձություններն ու բանաստեղծի հոգեբանական-գաղափարական տեղաշարժերը: Իսկ հայեցակարգային մտահանգումներ



րից մեկը սա է. «Վեպը ոռոս-թուրքական դաշինքին գոհաբերված և աստիճանական ոչնչացման դատապարտված Հայաստանի ողբերգությունն է՝ ընդհանուր առմամբ՝ հեզանքի, իսկ տեղ-տեղ էլ անգամ խելագարության հասնող զավեշտի լեզվով...» (էջ 259):

Ինչպես բոլոր գլուխներում առհասարակ, այնպես էլ այստեղ, գլխավոր երկերը դիտարկվում են այլ գործերի հետ ունեցած պատմահոգեբանական հանգույցներով՝ արդյունքում ամբողջացնելով Չարենցի ստեղծագործական ճանապարհի լիարժեք պատկերը:

Ուսումնասիրության առանցքային հարցադրումներից է Չարենցը և Հայ Յեղափոխական Դաշնակցությունը թեման, որ առաջ է մղվում հետևյալ ուղղություններով՝ «Դաշնակցությունը «Էպիքական լուսաբաց» գրքում և «Լիրիքական անտրակտ» շարքում», «Դաշնակցությունը «Գիրք ճանապարհի» ժողովածուում», «Աշխարհայացքի ազգային հիմքերը և Դաշնակցության հիշատակումներն անտիպ երկերում (1935-1937)»: Արխիվային վավերագրերով բացահայտվում են Չարենցի վերաբերմունքի իրական ու գեղարվեստական շերտերը Դաշնակցության հանդեպ՝ երևան բերելով ժամանակի հրամայականների ներքո վաղանցուկ նահանջը և վերջնական հաստատուն դարձրելով «Դաշնակցականներին» քաղաքական հեզանքից մինչև «Մահվան տեսիլ» պոեմ և անտիպ երկերում փոխված հայացքը. «Դաշնակցության հետ նրա առնչությունները,- ընդհանրացնում է հեղինակը,- բազմակողմանի են ու անընդհատական, և դա՛ անկախ պատմաքաղաքական իրավիճակից, որովհետև խորհրդային տարիներին ևս, թեկուզև հալածական, բայց ամեն մի խոսքի ու հիշողության մեջ Դաշնակցության գաղափարական կենդանի աննկատ շունչը կար» (էջ 4):

Գրքի տրամաբանական ավարտը դեպի Աստված տանող մեծ ճանապարհն է. հենց այդպես էլ վերնագրված է նախավերջին՝ «Դեպի Աստված» գլուխը, որին պիտի հաջորդի խաչելություն-մահը, և Չարենցն ըստ ժամանակի պատկերացման ներկայանա որպես «քաղաքական մեղադրյալ՝ դաշնակցական, նացիոնալիստ, ժողովրդի թշնամի»:

«Դեպի Աստված» գլուխը ճանապարհի գրքի վերջին հանգրվանն է՝ այսպիսի ուշագրավ ընդհանրացումներով. ««Ես եմ ճանապարհը», - Հովհաննես Ավետարանիչի բերանով ասվում է Տիրոջ խոսքը, որին Չարենցն արձագանքում է «Գիրք ճանապարհի» վերնագրված մի ամբողջ գրքով և դրան հաջորդող կյանքով ու կողմնորոշումով: Տիրոջ ճանապարհի որոնումն այդուհետև Չարենցի համար դարձավ ներքին ծրագիր և նրան տարավ դեպի Աստված, որին ասում էր Տեր... Նա մեկ թափանցում է աստվածաշնչյան մոտիվների մեջ՝ «Բանք ժողովողի», ոգեկոչում գաղափարներ ու կերպարներ, հավատաքննիչների վերադարձող միջնադարին ավելանում է նախնադարը՝ մարդ-կապիկը («Էկլեզիաստես»), մեկ խորա-



նում հայ միջնադարի մեջ՝ Նարեկացի, և որպես Աստծո, դիմում նրան («Ինչպես հնում վկան այն՝ Նարեկացին»), մեկ ուրվագծում տառապանքի խաչը շալակած և Քրիստոսի պես Գողգոթա բարձրացող տանջահար կերպարներ՝ Գրիգոր Ծերենց («Երբ բարձրանում է նա վեր», «Մի ծեր վանական»), մեկ տրվում աղոթքների («Իմ լերան աղոթքը», «22. X. 1936», «Վերջին աղոթք»): ... Չարենցի Քրիստոսը քողարկված է, ներսում է, աղոթքի պես գաղտնի. մի պահ ինքը դառնում է նրա կրկնօրինակ-նմանակը, որի ոչ միայն ձեռքերն ու ոտքերն են գամված խաչին, այլև ամբողջ մարմինն է մեխված քաղաքական իրականության խաչափայտին: ... Ամբողջ մի կյանք ծանր փորձությունների միջով անցնելով, ընկնելով հաճախ և բարձրանալով նորից՝ իր խաչը շալակած գնաց Աստծուն ընդառաջ, սպունգով Հիսուսին մոտեցրած քացախի փոխարեն, Երևանի բանտում մեկուսացած, խմեց իր ձեռքով պատրաստած թեյի դառն ու թունդ թանձրուք, իսկ շուրթերին խաչված Փրկիչի նույն խոսքերն էին՝ «Տեր, մի լքիր ինձ»: Եվ Տերը չլքեց: Ծնունդի ու Հայտնության բերկրանքը պարզևողը նրան շնորհեց նաև Հարության ու Վերածնունդի հրաշքը» (էջ 567-580):

Սա Դավիթ Գասպարյանի «Անառակ որդու վերադարձը» կտավն է՝ ըստ Չարենցի հոգևոր դարձի:

Աշխատությունը համալրված է նաև հավելվածներով, որոնք լրացուցիչ տեղեկություններ են հաղորդում հարցադրումների շրջանակում:

Ամփոփենք. Դավիթ Գասպարյանի «Եղիշե Չարենցի գրական-քաղաքական աղերսները» մենագրությունը հիրավի նոր խոսք է չարենցագիտության մեջ, որի հիմնական նորույթը բազմաթիվ նոր փաստերի ամուր տրամաբանությամբ ստեղծված Չարենց-պատմություն ճանապարհի համապատկերայնությունն է, ուր համակշիռ են պատմությունն ու գրականությունը, և փոխլրացված՝ ժամանակն ու անհատը՝ որպես և՛ առանձին հերոսներ, և՛ երկվորյակներ: ■

## «Աստուած իմ, գոհարեղէնս»

Վրէժ-Արմէն

Ճարտարապետ, գրող, հրապարակագիր, «Հորիզոն»-ի ու «Հորիզոն գրական»-ի ասագ խմբագիր

Յաճախ թերթերու կտրօններ մէկ կողմ կը դնեմ առիթով մը անդրադառնալու համար անոնց: Գրասեղանիս տարբեր անկիւնները կը թիզուին անոնք՝ կարգի սպասելով: Կը մոռցուին այ: Այս մէկն ալ անոնցմէ մէկն էր, որ յանկարծ վերյիշեցի ուրիշ բան որոնած ատենս: Վերեւի նոյն այդ վերնագրով, Ժան-Ֆրանսուա Նատո կը գրէր Փարիզի Լուվրի թանգարանէն անցեալ տարի գոհարեղէնի կողոպուտին յարուցած աղմուկին մասին: Ճիշտ է, կ'ըսէր ան, ուշագրաւ արարք մըն էր, եւ հասկնալի էր միջազգային մամուլի լայն անդրադարձը: Ի վերջոյ ամեն օր չի պատահիր կարճ պահու մը ընթացքին նման (նուագագոյնը 100 միլիոն տոլարի) գողութիւն, Լուվրի պէս կարեւոր հաստատութենէ մը: Սակայն, կը յարէր ան, իր յօդուածի առաջին իսկ պարբերութեան մէջ, որքան համեստ կը թուի այդ պոռթկացող միջադէպը այն ասարին բաղդատմամբ, որ աշխարհի ամենէն հարուստ տասը մարդիկը կ'ունենան՝ իրենց հարստութիւնը բազմացնելով վայրկեանը մէկ միլիոն տոլարով<sup>1</sup>:

Նպատակս չէ այստեղ ներկայացնել յօդուածին բովանդակութիւնը, այլ խորհրդածել է անկէ մեկնելով, սակայն կ'արժէ ցոյց տալ վերնագրին առնչութիւնը: Ան քաղուած է մեծ երգիծանկարիչ Հերժի վերջին հատորէն՝ իր գլուխ գործոցէն,<sup>2</sup> ուր անուանի երգչուհին այդպէս կը ճշայ, երբ ելելտրականութիւնը կը կտրուի ու մութին մէջ կը մնայ դէտակը, իսկ ինք իրար կ'անցի՝ կասկածելով, թէ իր գոհարեղէնները պիտի գողցուին:

Այո՛, լրատուական միջոցներուն համար Լուվրի կողոպուտին նման յանդուգն քայլ մը իրապէս արժարծուելիք նիւթ էր, սակայն աշխարհ ամեն օր որքան ատելի մեծ կորուստներու կ'ենթարկուի ու լրատուները կը մնան մունջ կամ հագի մրմունջ մը կը հանեն: Ասիկա անհերքելի իրողութիւն է թէ՛ մեզի համար, թէ՛ ալ համայն մարդկութեան: Միայն այս անցնող տարիներուն ինչքան նման ու բազմապատիկ ատելի ծանրակշիռ ոճիրներ գործուեցան, բայց չարժանացան, գրեթէ չարժանացան այն հակազդեցութեան, որ գոհարեղէնի գողութիւնը յառաջացուց:

Մէկ մարդ անհատի կեանքը որքան ատելի կ'արժէ քան «երգչուհիին ոսկիները», բայց ամեն տեղ ոճրագործներ ոչ թէ մէկ, ոչ թէ քանի մը, այլ հազարաւոր մահեր կը պատճառեն ու կը մնան անպատիժ: Պատերազմներ չեն դադրիր մրտտելէ մարդկութեան տարեգրութիւնը, մինչ ամբողջ հաւաքականութիւններ նուագագոյն ուսման կարելիութիւններէ կը զրկուին, տեսակաւոր հիւանդութիւններու գոհ կ'երթան, սովի կը մատնուին, զանգուածաբար կը տարագրուին ու կը սրածուին՝ ցեղային մաքրագործումի ենթարկուելով, գիւղեր, քաղաքներ ու քաղաքներ հիմնայատակ կը դառնան, մինչդէռ այդ պատերազմներու նախապատրաստութեան համար իսկ ծախսուած նիւթականի մէկ տոկոսովն անգամ որքան կեանքեր կրնային փրկուիլ, որքան զրկանքներ ջնջուիլ: Բայց զինամթերքի ու զինական բոլոր միջոցներու արտադրութիւնը կը հարստացնէ մարդկութեան ամենէն ունեւոր չնչինին չնչին փոքրամասնութիւնը:



Սեփական շահու հետապնդումը կանգ չ'առնէր ոչ բնութեան սպականացման ու քանդումին առջեւ, ոչ մշակութային համամարդկային ժառանգութեան ոչնչացման առջեւ: Այդ կորստող հարստութենէն մէկ մատեան, մէկ կոթող կրնայ մի քանի անգամ ատելի արժէք ունենալ քան Լուվրի գոհարեղէնները: Ընդվզող ուր է, բողոքող ով է, բողոքը լսողը...:

Կը շարունակուին ցեղասպանութիւնները: Ժողովուրդներ կը զրկուին իրենց հազարամեայ տարածքներէն, իրենց քաղաքակրթութեան ժառանգութենէն:

Մենք ականատեսը հանդիսացանք հայութեան իսկ հասցուած հարուածներուն, ջարդերուն, տեղահանութիւններուն, մեր պատմական յուշարձաններու քանդումներուն՝ աշխարհի անտարբեր հայեացքին ներքեւ:

Հազարաւոր գոհեր տուինք Սումգայիթի եղեռնին, Արցախի պաշտպանութեան մարտերուն, սպա ամբողջ հայկական տարածք մը դատարկուեցաւ: Բայց աշխարհ ուրիշ հարցերով զբաղած է: Կամ զբաղած է, թէ պարզապէս հանդիսատես է:

Այս իրավիճակին մէջ ինչ կրնանք ընել: Թերեւս հարցումը շրջուած դրուելու է. ինչ չենք կրնար չընել:

Ահա մեր մարտահրաւերը, որ մերը չէ միայն:

Չենք կրնար լռել:

Չենք կրնար անտարբեր լսել այդ բոլորը, տեսնել այդ բոլորը, անցնիլ այդ բոլորին քովէն ու հեռանալ:

Չենք կրնար յուսահատիլ ու մեկուսանալ հաւաքական կեանքէն:

Չենք կրնար պարզապէս մենք մեր անհատական հարցերը հետապնդել, մեր սեփական հաճոյքները վայելել եւ անտեսել հաւաքական հարցերը, ինչու չէ, նաեւ հաւաքական «հաճոյքները», «շահերը»՝ պահանջները:

Մեր ազգի սպագան մեզմէ կախում ունի: Մարդկութեան սպագան՝ նոյնպէս: ■

### Հղումներ

<sup>1</sup> Jean-François Nadeau, Ciel, mes bijoux! Le Devoir, 2026-10-27  
<sup>2</sup> Hergé, Les aventures de Tintin, Les bijoux de la Castafiore

# ՀԱՅ ՅԵՂԱՓՈԽԱԿԱՆ ԴԱՇՆԱԿՑՈՒԹՅԱՆ ԾՐԱԳԻՐ

**ՀՅ** Դաշնակցության համար ազգը՝ իբրև պատմական-մշակութային, լեզվական և ընկերային-քաղաքական ուրույն ամբողջություն, հիմնական արժեք է և համամարդկային զարգացման ու հոգեմտավոր բազմակողմանի հարստացման էական գործոն:

Ազգը մարդկային ընկերության զարգացման ամենակենսունակ միջավայրն է, ուր անհատը ձեռք է բերում հոգեմտավոր բարգավաճման լայն հնարավորություն, լիակատար հաղորդակցության և սեփական կարողությունների զարգացման առավելագույն կարելիություն:

Մերժելի է, սակայն, ազգային բացառիկության ամեն գաղափար և ազգայնամուտության ամեն երևույթ՝ իբրև մարդկային ընկերության բնականոն զարգացումն արգելակող դրսևորումներ:

Ամեն ազգի բնական և անկապտելի իրավունքը կազմում է սեփական հայրենիքը՝ իր պատմաաշխարհագրական բնօրրանը, իբրև ինքնուրույն գոյատևման, առաջադիմության և ստեղծագործության կենսական ազդակ:

Իր հայրենի տարածքի վրա յուրաքանչյուր ազգի գոյատևման երաշխիքը անկախ և իրավական պետականությունն է: Այն մարմնավորում է ազգի քաղաքական կամքը, պաշտպանում նրա շահերը և ապահովում



նրա անվտանգությունն ու ինքնուրույն զարգացումը: Անկախ պետականությունը նաև ընկերության բնականոն առաջընթացի նախապայմանն է:

Քաղաքական որևէ վարչակարգի և իշխանության պարտադրումը ազգերի ինքնորոշման սկզբունքի կոպիտ խախտում է, բռնատիրություն է և ըստ ամենայնի՝ մերժելի: Ինքնորոշման

իրավունքն անժամանցելի է և ի գործու կլինի նույնիսկ այն ժամանակ, երբ բռնազաղթով կամ ցեղա-

սպանությամբ ազգը դուրս է մղվում իր հայրենիքից: Ազգը բնաջնջելու ամեն փորձ հանցագործություն է մարդկության դեմ: Բոլոր ազգերի անժխտելի իրավունքն է ազգային

ազատագրական պայքարի ճանապարհով և նպատակահարմար այլ միջոցներով տապալել ամեն կարգի բռնապետություն:

Ազգերը, իրենց առանձնահատկություններով, ուրույն և ինքնատիպ մշակույթով միայն հարստացնում են մարդկությանը: Իրավահավասար ազգերի ներդաշնակ համակցությամբ է, որ բացառվում է նրանց ճուլումը:

ՀՅԴ ԳԱՂԱՓԱՐԱԲԱՆՈՒԹՅԱՆ ՀԻՄՔԸ է՝ 13-15

Հասարակած

ԻԷ ԸՆԴՀ. ԺՈՂՈՎԻՆ (ԱՐՏԱԿԱՐԳ) ԿՈՂՄԵ

Փետրվար 1998



1918 թ. հունիսի 4-ին Բաթումում կնքված պայմանագրով  
Հայաստանը ճանաչվեց Անկախ հանրապետություն

ԴՐՈՇԱԿ